




Il
Strolic
Furlan
pal
1984

SOCIETÂT
FILOLOGJCHE
FURLANE



STROLIC FURLAN

pal

1984

Autorizzazione del Tribunale di Udine 22.5.1982 n. 12/82.

Supplemento al n. 2/3-1983 del bollettino «Sot la nape».

Spedizione in abbonamento postale - gruppo IV/70.

1984

Il

STROLIC FURLAN

pal

1984

1983

Societât Filologjiche Furlane

UDIN

*Lis figuris a cjâf di ogni mêś a' vègnîn di
mosaics de scuele dai mosaicisc' di Spilim-
berc, su disens dal pitôr Emilio Caucigh.*

1984

de vignude di Crist

IL 1984 AL RISPUINT:

- al 6697 dal Circul Julian;
- al 2737 de fondazion di Rome;
- al 5743 dai Ebreos;
- al 1362 dai Maometans;
- al 2165 de fondazion di Aquilèe;
- al 1001 de... fondazion di Udin.

FIESTIS VARIABILIS:

- La Cinise (7 di marz);
- Pasche Majôr (22 d'avril);
- La Sense (3 di jugn);
- Pentecostis (10 di jugn);
- Santissime Trinitât (17 di jugn);
- Corpus Domini (24 di jugn).

FIESTIS DI PRECET:

- dutis lis domèniis;
- il prin dal an;
- Madone d'avost (15 d'avost);
- Fieste dai Sanz (1 di novembar);
- Madone di dicembar (8 di dicembar);
- Nadâl (25 di dicembar).

FIESTIS NAZIONÂLS:

- Liberazion (25 d'avril);
- Fieste dal Lavôr (1 di maj).

D. 1000 AL RESUMPT

- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)

E. 1000 AL RESUMPT

- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)

F. 1000 AL RESUMPT

- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)
- 1000000 de Chine (1000000)

1000000 de Chine (1000000)

1000000 de Chine (1000000)

1000000 de Chine (1000000)

PREÀMBUL

I

Co a' fòrin cognossûz i risultâz des votazions dal 26 di Jugn, la stampe 'e pandè che i plui granc' magos da l'Italie a' vevin falât ad implen cu lis lôr profeziis, che no 'n' vevin intivade une ch'e je une.

Il Strolic, alore, che nol pò dal sigûr falâ, al à di stâ atent che la sô opare no sêi cjapade par un faliment dome pal gust che plui di qualchidun al à di dineâ lis grandis qualitâz dai strolighez, fasint crodi di vê alc di miôr. Che tal mont 'e je lade simpri cussì: cui ch'al vâl plui nuje di duc' chêi che no vòlin nuje, al à chê di fâsi valê cul dineâ il valôr di chêi altris. E co nol è bon di fâ altri, si podarès anje perdonâj se il Strolic nol las a riscjo di piardi il pagnut.

E ce ur restarèssial, dopo, ai furlans, se ur vignis a mancjâ un vêr Strolic? Ur restarès dome che di lâ cui raclis a pacâ cui che ur al à fat mancjâ. Al viodarès mo, alore, chell.

Ma, par chest an, nuje pôre! Il Strolic che nol fale al è ca pai furlans, ch'a mèrtin alc e ce. Nol sarà mai avonde ce che ur ven dât e, in ogni mût, cheste volte i strolighez ur vegnin proponûz atraviars di Bocâl e di Cresime cun qualchi lôr compagn. In proposit, culî ret 'e covente une spiegazion, venastâj un secont preàmbul.

II

*Tai agn 30 dal nestri secul, i fruz e i viêi dai borcs popo-
lârs di Udin e salacôr ancje di altris zitâz e paîs a' podevin
gjoldi spetacui teatrâi là che la persone plui impuartante 'e
jere Fracanapa, clamât ancje Facanapa. Chest Fracanapa,
daûr di chel che si lei tal libri di Nico Pepe «Teatri e teatran-
ti friulani dal '400 ai primi del '900» (Udin, 1978), cun
dut ch'al è une mascare inventade dal marionetist udinês Rec-
cardini, a' son chêi ch'a pratindin ch'e sêi nassude a Verone.
Lassinje a Verone, al dîs il Strolic che nol fale, cun dut ch'e je
nassude a San Denêl, stant che in sostanzie 'e à dal venit, là
che in Friûl 'o vin la mascare furlane spacade di Bocâl cun
dongje chê di Cresime, nassudis a Remanzâs, ch'a son seculo-
runs: salacôr, a' còntin, tal stès an ch'al è nassût il tajut di un
otâf. Vuê i Furlans a' son usâz a bevi tai vignarûi di un decim
che, cul golet ch'a fâsin i ustîrs par no spandi, al devente di un
dodicesim. Bocâl dal sigûr no tu lu viodis cun chêi bicjarinuz
lì, ch'al è un bevidôr san e gjubiâl, bon di sustignî cu lis sôs
buinis resons il confront cun chê brute sgrimie moraliste di
Quaresime clamade Cresime, ch'e orès somerzilu e gjavâj duc' i
gusc' di vivi.*

*Alore cheste volte lis mesadis dî chest librut a' varan i
lôr strolighez passâz in senutis cun Bocâl, Cresime e ancje al-
tris come Florean e Venturin; che si pò fâ dut un Teatro cui
Furlans.*

LELO CJANTON



Zenâr

I

✠ 1 D PRIN DAL AN

- | | | |
|-------|--------------|---|
| 2 L | S. Basili | |
| 3 M | S. Gjenoeffe | ☺ |
| 4 M | S. Liberât | |
| 5 J | S. Melie | |
| 6 V | S. Raimont | |
| 7 S | S. Luzian | |
| ✠ 8 D | PEFANIE | |

- | | | |
|--------|----------------------|---|
| 9 L | S. Julian | |
| 10 M | S. Aldo | |
| 11 M | S. Paulin di Aquilèe | ☺ |
| 12 J | S. Modest | |
| 13 V | S. Remigio | |
| 14 S | S. Ilari | |
| ✠ 15 D | BATISIM DI JESÙ | |

- | | | |
|--------|------------------------|---|
| 16 L | S. Marcel pape | |
| 17 M | S. Antoni | |
| 18 M | S. Priscje | ☺ |
| 19 J | S. Paulin di Premariàs | |
| 20 V | S. Fabian | |
| 21 S | S. Gnès | |
| ✠ 22 D | S. VIZENZ | |

- | | | |
|--------|--------------------------------|---|
| 23 L | S. Emerenziane | |
| 24 M | S. Franzesc di Sales | |
| 25 M | <i>Conversion di San Pauli</i> | ☺ |
| 26 J | S. Tito | |
| 27 V | S. Anzule Merici | |
| 28 S | S. Tomàs di Aquin | |
| ✠ 29 D | S. AQUILIN | |

- | | | |
|------|---------------|--|
| 30 L | S. Martine | |
| 31 M | S. Zuan Bosco | |

Zenâr

- BOCÂL Ce àio di fâ jo di me! Esal pussibil patî tant?
- CRESIME Patî tant? Magari piês! Ti sta ben! Cussì tu imparis a pacassâ e a strabevonâ dute la gnot, brut purcitat cjucjon e mai passût.
- BOCÂL Oh, sestu ca?... Propit tù, propit vuê!... No àjo za vonde mâl?...
- CRESIME (e cjantuzze) Olin bevi, tornâ a bevi di chel vin ch'al è plui booon...
- BOCÂL Ma une volte ad an!... Che l'ultin dal an al ven dome che une volte!
- CRESIME Dome che une volte ogni dì, nomo?
- BOCÂL Ce nomo?
- CRESIME Nomo che vuê tu sês propit un «Ecce homo».
- BOCÂL Ma duc' nossere e' àn fate fieste come me!
- CRESIME E duc' chêi come te, sastu ce che ju clâmin?
- BOCÂL Chêi come me a' son il popul: il popul dai Furlans!

CRESIME

Chêi come te a' son il popul dai Bocâi.

BOCAL

Il Strolîc, ch'al à mil agn, al à profetât juste
îr:

*Nol dure cui che j mancje il sintiment
di fâ stâ il popul simpri plui content.*

Il presint si sclaris ae lûs di une grande cognossinze dal
passât. Sgjavant insot tal passât, si puedin scuviarzi lis stradis
che si viàrzin al doman. Cjalant al passât, nô 'o lin indevant.

A. I. Herzen

CURIOSITÂZ

Biel che un aeroplan al jere daûr a manovrâ pal atiarament tal areopuart di Maikop, te Caucasia dal Nord, dôs aquilis si son butadis cuintri dôs voltis, scaturint il pilot. Sul secont atac a' son rivadis a bolzâ la carlinghe par un quarante centimetros.

*

Tes Filipinis e' àn cjans amaestrâz par displatâ il cuintribant di eroine tai areopuarz.

Ma dopo un an di siarvizi, chês puaris bèstiis a' tàchin a vê bisugne di punturis regolârs di eroine.

*

Co al è rivât il cjaldon, il lâf di Crnisho, te Slovenie, al si è sujât dal dut, e la int e' àn podût pescjâ duc' i pès tal sut.

*

La tôr Eiffel 'e à piardudis mil toneladis di pês. La cure 'e je durade trentetre mês di lavôr, siet plui di chêi ch'a coven-tàrin a Gustave Eiffel par fâle sù, uns cent agn indaûr. J àn gjavadis unevore di sorestruturis zontadis tal passât, ma chê sioire lì, ancje quant ch'e pesave tant, 'e veve uns tre millions e miez di visitadôrs al an.

COROT PAR DINO

Dino

*no àn mai cjantât
come chest an i ucêi.*

*Dai roncs di Vilecjuzze
al Luri indafarât
di aghe risultive.*

E tû

*cjantôr de viarte e dal amôr
a no sintîju!*

*A'n' passarà di timp
prime che un frut discolz
al torni come te
a fâ dal so païs
un lûc di cîl.*

Dino

*no àn mai cjantât
come chest an i ucêi.*

ALAN BRUSINI

Tresemanis

Il Peo al contave di chêi di Nimis: «'E jere buine int, ma se tu ur domandavis une fete di salamp o une scae di formadi, ti disevin: "Magari, fantat, no vîn nie nancje par nô", e ti zuravin tiransi la piel dai vôi. «Ma co i todescs ur àn brusât il païs», al diseve Peo, «tes cjasis a' vevin tant di chel formadi ch'al jesseve il frico pai balcon».

*

Cisio Clauèt al jere lât dal miedi a fâsi viodi, cun tune pôre mate di murî, e j veve dite: «Jo, dotôr, 'o varès dibisugne di un pâr di scarpis gnovis. Ce dîsial lui: puèdijo cjolmi un pâr di scarpis di sest, ch'a dûrin, o mi bàstial un pâr di chês scartis, di spindi pôc?».

*

Sclopade e finide la uere dai argjents e dai inglês tes Falkland o Malvinis, Petrac al dîs che lui al è content ch'e sêi finide: ch'al vinzi cui ch'al ûl, ma ch'e finissi; parvie che lui al è cuintri la uere.

«Ma cemût», j dîsin i amîs, «cuintri la uere tù,

che tu sês stât volontari in dutis lis ueris, dal quindis in ca? ».

«Jo», dissàl Petrac, «'o soi lât volontari par ch'a finissin ae svelte».

*

Tilde 'e jere lade là di sô agne Rusine, siorone e cragnôse sui bêz, a fâj il bonprinzipi dal an. E sô agne j à dite a colp: «Ah, ninine, no ài nie ce dâti jo ve'». E chê altre: «Nie pôre, gnagne; 'o soi nome vignude a viodi se tu sês ancjemò vive».

*

A' jerin uns quatri cinc fantazzaz ch'a blestema-
vin, e il Vjcjari, ch'al passave lì ret, si' ferme e ur dîs
che si vergógnin, ch'a son dai macacaz. Un di chêi ca j
dîs al Vjcjari ch'al s'interessi dai sôî afârs e che ancje
cu la glesie 'e sarès ore di finîle. E il Vicjari a sec: «Ce?
Cui à di finîle cu la glesie? Quatri sbregoz come vual-
tris? Se no sin rivâz a disfâle nancje nô predis!».

*

Gjove, rivât in pont di muart, al stave distirât sul
so jet, mo' savabiant, mo' tasint. E ogni tant la femine

j lave dongje cun chê sô muse lungje plene di grispis e il fazzolet neri sul cjâf. E j diseve al omp: «Sint po' Gjove, mi cognossistu me?». E lui, cjalanle cun tune sfese dal vòli: «Eh, ninine, al è un piez che ti cognòs: tu sês la mari dal diaul».

*

Bepo Scarpetan, omp san e legri, al jere rivât fin a cent agn; e alore parinc' e amis là di Zus j àn fate une grande fieste cun tun rinfresc aulà che lui al à mangjât e bevût tanche un 'zovin. Po' lu àn invidât a dî quatri peraulis: lui che in tanc' agn a 'n' veve viodudis tantis; e a dî se par câs al vès vût un segret par vivi cussì a lunc.

Al à rispuindût come nie: «Cjalait mo, fantaz, jo 'o ài imparade une robe: ch'al è inutil inrabiâsi, che no vâl la pene. Tant», e al finive par talian par daj plui impuartanze a ce ch'al diseve, «la vita è breve».

*

Gnero e so copari a' erin lâz al mâr e lajù ti vevin cjatadis dôs todescjs ch'a comènzin a fevelâ cun lôr. Quant che però Gnero si è visât che chês dôs li a' vevin bandonâz i lôr omps todescs par cjatâsi doi talians, alore al è scatât: «Orcobôe», dissal, «un patreot come me, nol podeve mico fâj fâ brute figure

'e sô patriel!». «E alore», j domàndin i amîs curiôs, «ce dal osti vêso fat?». «Orcoboe», dissal Gnero, «ce vevino di fâ? 'O sin scjampâz ve'!».

*

Tes schedis di valutazion de scuele, a un frut veramentri brâf j vevi scrit ch'al jere «un elemento trainante». Alore so pari, che prime no si jere mai fat viodi, al capite une di e mi dîs: «Ch'al sinti, professôr, ce olèvial dî lui cunchel «trainante»? che gno fi al è un mus?».

A. B.

No je vere che un omp maridât al vivi plui a lunc di un vedran: al è nome che il timp j semêe plui lunc.

I ûs de dîndie

J jere muart l'omp, une vøre indenant cui agn. Il predi dal païs nol veve podût mètilu sot lui, ch'al jere vie, ma uns quindis dîs dopo, une volte tornât, al lè a cjase sô par dâj chel confuart che nol veve podût dâj quant ch'al jere mancjât.

«Mènie», j dîs il plevan, «mi à tant displasût...».

«Siôr copari, ancje a mi».

«Mènie, tocje dâsi coragjo...».

«Si sa, po; ma 'e je brute, siôr copari, 'e je dure...».

«'O crôt».

«No mi jere mai capitade une tâ».

Il plevan la cjâlà, puare viele! Siguramentri la piardite dal so puar omp, ch'a vevin vivût insieme par passe cinquant'agn, la veve tocjade fuart se no jere in stâz di rispuindi pulît. Al tornà a dîj: «Coragjo...».

«'E je dure».

«'O crôt, 'o crôt...».

«Ma sàial lui, siôr copari, ch'o 'n' vevi metûz sot vincjenûf? E mi 'nd' è nassût nome un!».

'E veve metûz vincjenûf ûs sot la dîndie, e a 'nd' ere nassût nome un.

OPA

LA CARITÂT

*Al sorestant di une comunitât
che ur sta daûr 'es bèstiis maltratadis
un puar j à domandât la caritât:
«Siorut», j à dit, «lu prei: 'o mûr di fan,
'o ài il stomi vuet di quatri e plui zornadis;
dàimi chel franc ch'o cjoli un po' di pan».
«'O fevelais dibant»
j dîs il sorestant;
«a mi mi stan a cûr nome i nemâi».
«Alore», j rispuint chel
tiransi jù il cjapiel,
«faséilu par chesc' puars mêi fituâi».*

TRILUSSA

(Traduzion di Meni)

Tal ospedâl

Un tâl, tal ospedâl di Udin.

'E jere la tiarze volte ch'al vignive ricoverât par «cirrosi epatica». Dal stomi plen di aghe, il miedi j gjavave l'aghe, lu tignive dentri par qualchi zornade, po lu mandave a cjase cu la improibizion di fumâ e sore-dut di bevi.

Ma lui non podeve stratignîsi, e al fumave e al beveve indenant.

E alore la quarte volte che si presente tal ospedâl, il miedi, ch'al jere rivât a cognòssilu, j dîs: «'E je la quarte volte ch'o vignîs chi a cjolij il puest a qualchi altri ch'al mertarès di séi spedalizzât. No sês serio. Us ài impruibît di fumâ e di bevi e vô, invezî...».

«Sì siôr dotôr», j rispuint chel tâl, «'o fumi sì e nò quatri cjchis in dì e 'o bêt sì e nò un quart...».

«Nuje! No vês ni di fumâ e ni di bevi».

«Nancje un spagnolet in dì? nancje un taj?».

«Nuje», al diseve il miedi, e al partive.

E chel: «Porco e jù! Nancje un spagnolet! nancie un taj! Porco e jù, la caritât dulà îse in chest mont? Chest miedi, dulà àial il cûr? Nuje», al diseve, «doman a buinore 'o jès fûr di chest ospedâl e 'o voi in chel di Palme».

O.

La biciclete

Al veve dezzidût vîners di sere, apene tornât dal lavôr: tal indoman, sàbide, che nol lave a vøre, al sarès partît a buinare cu la biciclete e cun ce che j coventave par lâ a trutis su pal Zimôr.

Al veve cenât, j veve dit 'e femine che il dì dopo cussì e cussì..., al veve parecjàt dut e al jere lâ a pògnisi. «Uns quatri lis cjapi», al veve pensât, «e doman a sere la femine m'es fâs su lis boris».

Strac ch'al jere, s'indurmidì subite e al durmì saurît, e 'es cinc al jevà. Al scjaldà il cafè, al metè te borse chêi tre panetins che la crôs j veve parecjàz, al cjapà sù i stivâi di gome, la cjane cul so biel mulgnel, la lescje e ce altri e al lè a cjoli la biciclete te stanzie che la tignive.

Ma al viodè cun ce rabie che la biciclete 'e veve une gome partiare, chê daûr! «'Acrament», al disè; «e cumô, regolâle? È i impresc' par tirâ jù la gome?», che siguramentri la gome 'e jere sbusade dal moment che la pompe no rivave a pompâle. «E po' il blec par imblecâle, une volte cjatade la buse? e il mâtice par tacâ il blec? Chel ostie di mul e chê dissordenade di femine ch'a dòprin la robe e po no la mêtin a puest!».

Nol clamà la femine par no inrabiâsi di plui.

«Nuje», al disè, «mi farai imprestâ la biciclete dal copari Gusto». E al partì a pît cu la sô marcanzie su la schene.

Lui al stave di cjase insomp di Nimis par lâ sù a Torlan, il copari Gusto dapît di Nimis, par lâ vie a Pradandons. Lungje.

Al lave inviât e nissun nol jere pastrade. Al pensave: «Il copari Gusto al sarà ancjemò a durmî. 'O j buti doi classuz tes scuretis une volte...dôs voltis. Al viarzarà lis scuretis. "Cui è?". "Jo, Meni". "A chestis oris?", mi disarà, "Ce ûl di?". "Tu âs di fâmi il plasê di imprestâmi la tô biciclete, che la mê le ài forade". Al podarà dîmi: "Spiete ch'o ven a dâte".

Al pensave: «Opûr al podarà dîmi: "Orpo, copari, no puès, ch'o ài di lâ a Tarcint... a Reane... a Tresésin... Mi displâs". Po' 'e vignarà fûr sul balcon la sô femine. "O Meni, alc di mâl?". J rispuindarà Gusto par me: "Nò, mi à domandade ad imprèstit la biciclete e no puès imprestâje ch'o ài di lâ a Tarcint... a Reane... a Tresésin...". Jo alore a jê j di-sarai: "Comari Tarésie imprèstimi tù alore, la tô, che mi va ben instès ancje s'e je di femine". "Orpo, copari, t'e imprestarès bulintîr ma 'o ài di lâ a fâ la spese...".

Al cjaminave svelt e al pensave: «Jo alore ur dirai: "Poben, imprestâimi alore che dal frutat". "No podîn nancje chê, che il frutat al à di lâ a scuele».

“Al è zovin, no puédial lâ a scuele a pît une volte?”. “Nò, al à tanc’ libris di lâ a scuele pàrie che ju met tal cestel sul parefango daûr”. Dutis. “Insome ’o ài capît che no vês vòe di fâmi un plasê. Il frut no puédial meti chêi libris tune borse di plàstiche?”. “Ma cemût, cun tant ch’a còstin i libris? Te plàstiche si ruinarèssin...”. “E alore tune sacozze come che si usave une volte e come ch’a fâsin tanc’ ancje uê, di tignîle su la schene cun dôs spalinis...!”. “No, nus displâs ma propri no podìn contentâti”.

Vergognôs che no son altri! Dopo che ur veve faz tanc’ plasês! Dopo che nol mancjave mai di pajâ il gjelato al frutat, ch’al jere so fioz! Vergognôs e nualtri!

Al pensave: «Chestes propi ’o ài di mètime daûr di une ore», e al cjaminave indenant dut cjapât di chêi siêi rasonamenz, fevelant ancje, ogni tant, a alte vòs dibessôl.

Fin ch’al rive lì de cjase dal copari Gusto. E propri in chel ch’al rive, si viàrzin lis scuretis dal balcon de cjàmارة dal copari, al prin plan, e si presente lui, Gusto, sul balcon ch’al à viart. Lui propri lui, Gusto, ch’al jere un quart d’ore ch’al dialogave cun lui, che lu fastiliave, che j veve dineade la biciclete dopo che lui j veve faz tanc’ plasês!


Gusto lu viôt dal balcon e j dîs: «Meni, ce ûl di a di chest’ore?».

Lu cjale di brut e di brut j rispuint: «Vami in tante m..., che jo no ài bisugne ni de tô biciclete, ni di chê de tô femine, ni di chê di chel gnogno di frut che tu âs; che jo la biciclete, che mi covente 'o soi bon di lâ a cjòlile a nàuli a Tarcint...!».

MENI

Si à let sui manifest' tacâz su mûrs di tantis cjasis de Furlanie e su volantins dâz fûr in cafès, ostariis e locandis, «Sagre dai cros», «Sagre dai pirus», «Fieste dai melus», «Gare di pescie de trote», etc.

Cussì agn indaûr jo 'o ài vût let sun tun tabelon scrit a man su la jentrade di un curtîl in vie «Marinel» a Tarcint, il dì de Sagre di San Pieri, «Deposito bibiclete e motto», e te vetrine di un negozi tun paisut de Cjargne, «Qui si vendono botoni, filo e altre naine».



Feprâr

La mole di terra e di sassi è disposta attorno al
torre... che... di... di... di... di... di... di... di...
di... di... di... di... di... di... di... di... di... di...
di... di... di... di... di... di... di... di... di... di...
di... di... di... di... di... di... di... di... di... di...

FINI.

Si è... di... di... di... di... di... di... di... di... di...
di... di... di... di... di... di... di... di... di... di...
di... di... di... di... di... di... di... di... di... di...
di... di... di... di... di... di... di... di... di... di...

Come ogni... di... di... di... di... di... di... di... di... di...
di... di... di... di... di... di... di... di... di... di...
di... di... di... di... di... di... di... di... di... di...
di... di... di... di... di... di... di... di... di... di...

1879

II

	1 M	S. Sevèr	☺
	2 J	<i>Presentazion di Jesù</i>	
	3 V	S. Blàs	
	4 S	S. Gilbert	
✠	5 D	S. AGHITE	

	6 L	S. Dorotèe	
	7 M	S. Romualt	
	8 M	S. Jovenzi di Aquilèe	
	9 J	S. Polònie	☾
	10 V	S. Scuelastiche	
	11 S	<i>La Madone di Lourdes</i>	
✠	12 D	S. LALIE	

	13 L	S. Foscje	
	14 M.	S. Valantin	
	15 M	S. Faustin	
	16 J	S. Onorât	
	17 V	S. Donât	
	18 S	S. Simeon	
✠	19 D	S. MANSUET	

	20 L	S. Silvan	
	21 M	S. Nore	
	22 M	S. Margarite di Cortone	☾
	23 J	S. Desideri	
	24 V	S. Matie apuéstul	
	25 S	S. Cesari	
✠	26 D	S. CLAUDIAN	

	27 L	S. Onorine	
	28 M	S. Macari	
	29 M	S. Just	

Fevrâr

- BOCÂL ... Ma insumis, jo 'o dîs: êsal pussibil che un, ch'al à dome che une vite, intant ch'al vîf al vébi di vê simpri une Quaresime?
- CRESIME Senze Quaresime no je salvezze: l'omp si sglonfe e al scope, in ogni sens.
- BOCÂL Ce vuêlial dî «in ogni sens»?
- CRESIME Al ûl dî no dome pal bevi, ma ancje sul fâ bêz, sul paronâ, su la pulitiche, su dut.
- BOCÂL Jo, alore, che dome 'o bêf...
- CRESIME Tù tu sês un basoâl.
- BOCÂL Cui àjal dit ch'o soi un basoâl?
- CRESIME Jo.
- BOCÂL E cui sestu tù, puare femine...
- CRESIME Puare femine sì: ch'o soi la tô cussienzie.
- BOCÂL 'O soi propit a puest: no dome la mê salvezze, ancje la mê cussienzie tu sês... E po, ce ancje?
- CRESIME Bocâl, sta atent che dopo Carnavâl 'e ven Quaresime.


BOCÂL

E jo 'o fâs Carnavâl ançe dopo!

CRESIME

Atent Bocâl che dopo Carnavâl la Quaresime
'e covente. A' son mil agn che il Strolc al à
profetât:

*Cul gjoldi simpri senze un patiment,
no tu varâs ni ben ni sintiment.*



CURIOSITÂZ

Une siore 'e je restade pôc contente dal «talco» comprât tune parfumarie di Spalato. Al ven cjatât che si trate di eroine. Ma il biel al è che la partide di «talco», dal valôr di 610 millions di liris talianis, 'e je stade comprade di une dite tune aste di prodoz confiscâz dai doganîrs di Jesenice.

*

Un grop di astrofisics de Crimée al à cjatât che il soreli al à mistereôsis palpitazions regolârs, che il so rai si slungje e si scurte di uns cinc dîs chilometri ogni 160 minûz.

Daûr de Tass, si varà «une revision des teorlis su la structure, lis radiazions e l'evoluzion di unevore di cuarps celest'».

*

No si pô ancjemò jéssi sigûrs che Batyr (l'elefantut ch'e àn vût fevelât duc' i giornâi) al feveli pardabon, ma al pâr invezzi propit vêr che i ârbui a' vébin un lôr mût di fevelâsi tra di lôr.

Gordon Orians e David Rhoades, sienziât da l'universitât di Washington, e' àn cjatât che quant ch'a vegnin tacâz di ruis o di insez i ârbui a' dâ fûr ferormons, venastâj sostânziis particulârs, ch'a mêtin in vuaite i lens dulintôr; e chêi, alore, visâz dal pericol, a' gâmbin la composizion chimiche des fueis par rindilis mancûl comestibilis.

SIELTIS

*Justin al rive a cjase prin da l'ore
che j clòpin lis canelis, e al va dret
te cjàmare, ch'al brame nome il jet.
E al cjate la sô Arneste, la sô siore,
tal jet cun so copari Benamin.*

*Al reste, tal imprin,
di clap e nol dîs nie;
podopo j dîs a lui, co si ripie:
«Copari, puèdio dî ce che tu fâs'
te mê cocjete là, là che tu stâs?»*

*E Benamin: «Copari
'o soi ch'o mi stravii cun mê comari».
«Ma chê comari là tù tu lu sâs
ch'e je la mê parone, e tù cemût
alore âtu podût, âtu sielzût...»*

*E Benamin: «Parcè?
Varèssio vût di preferîti te?».*

M.

Cjazzadôrs

Il gno amì Ferino di Felet, cjazzadôr di pêl patît come pôs, al veve un cjan che no lu contentave masse, e alore une biele di al dezzît di gambiâlu.

Cîr di ca, cîr di là, domande a gjestre domande a zampe, al rive finalmentri a cjatâ un cjazzadôr sù par Seorgnan ch'al cirive un cjan come il so, di podêlu gambiâ cun tun altri ch'al veve lui.

Alore al va a Seorgnan cul so cjan, lu gambie cun chel di chel altri, content, e lu mene a Felet, adulâ che lu met tun siarai dongje dal gjalinâr e de cuninàrie.

Ma si viôt che chel siarai nol jere masse salt e sigûr, e che ancje la cuninàrie 'e veve lîs siês pecjs. Infatti al suzzêt che tal doman a binore la femine di Ferino, Line, napoletane, dute di glesie, buine come il bon pan, jevade ch'e je e viarte la puarte ch'e à, 'e cjate un dongje l'altri denant dal scjalin de puarte, di fûr, quindis cunins: i siêi quindis cunins ch'e nudrive cun tant afiet te sô cuninàrie, slambrâz!

'E berle: «'Orco... e jù!» (jê dute di glesie!), «'orco e jù, îsal pussibil?». E si sgose a clamâ Ferino: «Ferino jeve e ven fûr a viodi ce ch'al à fat il to cjan, chê brute besteate!».

Ferino al jès fûr su la puarte in mudandis, al viôt chê rie di cadâvars e il cjan dapît dal curtîl: «Femine,

îsal stât lui?», e j mostre 'e femine il cjan.

«E cui po? No viòdistu ch'al è in mò dut sanganât, chel carogne?».

E Ferino, freansi lis mans, dut content: «Alore, oro, oro, femine, oro...».

M.

NIUNO OSI OFFENDERE
ANIMALI PIANTE COSE
QUI IN ARMONIOSA COESISTENZA
CARITÀ FRANCESCANA INVOCANTI

*Sun tune lapide dal secul passât in tal
parc de vile dai conz di Pràmpar a
Tavagnà.*

SPOSALIZIS

*La Mie, ch'e à cjamps e cjasis e monede,
'e orès sposâ Tunin.*

*Ma, a part il fat ch'e je come une mede,
di agn a' nd' à un sglavin,
e un tant al dîs che a lui no j sgniche. Lui
la sposarès nome s'a 'n' vès di plui.*

M.

(Daûr di Valerio Marziale)

Pignoramenz

Une famée di Felet, pari, mari e siet fruz dai dîs agn in jù, a' vivevin cemût ch'a podevin te lôr puare cjase: un vivi par no murî. Qualchi frut, ch'al lave a cirî, al puartave a cjase la sere qualchi pôc di farine di sorc e qualchi bâr di polente, e il pari qualchi alc di mangjative co lu clamavin qualchi bacan dal paîs a seâ o a disboscâ tal Cormôr, che in chêi agn lis vôris a' vignivin pajadis cu la bocjade e cun qualchi verdure e mai, o rarissimamentri, cun qualchi palanche.

E alore al suzzêt che il pari di famée in chel an nol jere rivât adore a pajâ la tasse famée: un aquilin; e il Comun, dopo di vêlu plui voltis invidât a pajâ, viodût che cu lis buinis nol jere stât bon di vê nuje, si movè cu lis tristis e al mandà in cjase dal nestri l'ufiziâl judiziari a pignorâ pâr rifâsi.

In cjase però nol jere nuje fûr di quatri cjadreis, di une lungje bancje indulà che i fruz a' spietavin chê cjazzute di mignestre a misdi e chê pironade di lidric la sere, e une taule. E tes dôs cjamarutis, un cassonat di brèe pai pezzoz e chêi tre jez su cavalez di len.

L'ufiziâl judiziari al pignorà la taule e lis quatri cjadreis, cu la quâl il Comun al podeve rigjavâ l'aquilin che il debitôr nol veve pajât.

Il pari, ce vèvial di fâ? Protestâ? Blestemâ?

Nuje. Une sèe, un martiel, un pâr di tanais e al va sù sul cjast e al scomenze a bati.

«Batiste, ce fâtu lassù?», j domande la femine di abàs quant ch'e sint a bati.

«Ce?».

«'O domandi ce che tu stâs fasint».

«'O gjavi fûr quatri breis e quatri morâi dal solâr».

«Ma parcè?».

«Par fâ sù un'altre taule e quatri altris cjadreis par sentâsi. No tu orâs mico ch'o vebin di stâ lajù simpri impins!».

«E il solâr, cun chê buse ch'e reste lì che tu gjavis lis breis e i morâi?».

«Ch'e resti la buse, che, tant, no vin nuje ce meti sul cjast».

O.

Tantis aghis a' van al mâr e no j gambiin il savôr: parimentri lis sberlis de disfortune no sglòvin une anime fuerte, no pal fat che cheste 'e sedi insensibil, ma parceche lis vinz.

Lucio Anneo Seneca

Madona de la Stangjada

Da la Madona da la Stangjada, si ài pirdût la sagra, j' àj cjàpât l'otavari ch'al pareva chel da la Madona dal soreli e no da l'Adolorada vistida da neri cu li' siet spadî ch'ai pàssin il cour.

Ch'j na jodevi la Stangjada su la portantina, cun dut il parecju da fiesta, al era propri un gran pèc', da chel timp in cà che, a Navarons, a' mi cjàpava su qualchidun e al mi menava a la sagra; 'a era una di chê sagri' in scjapinela justa par 'na glesia cui vuglîz sbassâz sul blanc dal puarti. Parcé che jo, a li' sagri' cunfusionari', j' mi cjàtavi dispirduda e nissun al é stât mai bon, par esempi, da strassinâmi a la Madona da Midun, ch'ai dîsin la Madona da li' fassini', parcé che, a sun di fassini', li' femini' a' àn tirât dongja i bez ch'a' coventavin per cromptâla. Chê da Midun 'a era 'na sagra in grant, cu la gent parecjada, ma al era che, in ta chê vila ò, a' mi pareva da jessi bel four da li' mê monz e bel rivada su la strada dal plan ch'a mi menava a cjàsa. Inmò adés, cun dut l'asfalt, four di Midun, denant da rivâ a Samont, j' tachi a sintî intormi la polvara da la

planura, ch  istessa ch'a sblancjava 'na volta li' planti', in timp di sut.

A' erin li' sagri' picinini' ch'a mi st vin in cour e li' glesii' come ch  da la Stangjada che, par riv j, a' na si faseva la strada granda, ma i trois da la Mont di Frisanc e 'a si era simpri intrig z a pass  il Muj , s e sul pontes l di Cjribiri ch'al trimava su l'aga, s e pal troi dal Batafi r ch'al diventava un stravedi sul flunc, justa un p c pi in j  da li' lastri' indul  ch'a si geva via. A' si rivava in Frisanc e po' ta ch  glesia   ch'a si dismoveva dome par ch  fiesta ch'a tirava a pre , pi che la giovent t, la gent pi vecja che u  'a na rivava par gjoldi, ma par dibisugna e par devozion inradisada.

A' nal   ch'a mi instradi la bilisia di una pagjnuta, a discori di chesti' rob : 'a   la voa da sgarf  tai rec s par cap  cemont ch'a era la gent di una volta e ce ch'al mi   pass t a mi, di duta una manera da jessi, da pens  e da pre  Diu, da f  i conz cun lui e cu la Madona e i Sanz, a la buna.

E, par d  la vera, a' fevelavin cun lour adalt li femini' ta ch  procession ch'a' fasevin a bunora o tarc' a tu i la ploa, via pa li' Clausini' e su par Colventous, fin-t'in Redona, ta la glesia vecja ch'a sta ad s ch'a paussa sot da l'a-

ga tal lagu. Jo j' preavi pôc, massima dopo ch'j' vevi tacât a ingrintâmi cul latin, parcé ch'j' stevi atenta a sintî cetant ch'a strambeàvin li' femini'. Dome cui agn, j' ài capît che a Diu a' nai coventa il latin petenât. Quant ch'a si tornava indavour da la Madona di Redona, la ploa 'a na falava, e a' contàvin li' femini' ch'a na veva mai falât; a' n'al impuartava se li' letàni' a' erin sproposetadi', a' erin discors clârs e Diu e duti' li' Madoni e i Sanz da li' vili' a' erin usâz a chel preâ: i Sanz piturâz a miei podê ta li' sô suagi' scuri' chei di legn e di gesduc' riulnz, e chei di oru vecjons.

Adés ch'a' ju àn mitûz in mostra a Passarian, ta chê saloni' grandi, in lusour, a' na àn dismintiât nencja da lontan li' sô glesii' rimiti' e a mi, ch'j' sei usa come duc' a jódaju strenz ta li' nicj' e tal van sora dai altâra, a' mi son comparîz come dispirdûz, cun dut ch'a' son postâz par fâ la pì gran biela figura. Dispirdûz, massima chei da li' glesii' dissipadi' come il San Florean di Diec' ch'a' àn disfurnît i laris dut l'altâr e lassât dome San Roc e San Bastian ch'a son in mostra encja lour sul gran retrat da l'altâr grís tan'co il desert, parcé ch'a' vâin i voi a vuardâ.

Encja la Madona vecja da la Stangjada che jo j' mi impensavi, 'a é scomparida, tuna moda

che li' femini' a' na mi àn savût a di pulît. 'A era vistida da neri chê Madona, di seda, cun tun gran biel mostacìn e li' siet spadi' di arint ch'ai passavin il cour; quant ch'a àn dispunût – la Glesia – ch'a coventava cambiâli' chê Madoni' ch'ai gèvin tarmadi' li' sô cotali', a' l'àn cambiada cun tuna Madona di len, biéluta encja, ma 'a na é pi chê, e a' si riva a capî che a li' femini' di jolassù ai vepi displasût. A' còntin una di chê storiî ch'a na si pos fâ ch'a na nàssin, in 'scjù câs: la Madona vecja 'a é finida tun salâr, e al era cui ch'al geva a preâla encja in ta chel sît, fin quant ch'a' si son inecuarz ch'a na era pi: brusada o puartada via.

A' na 'mpuarta: jo j' la jôt, tan'co in 'stu moment, ch'a la levin su e a' la compàgnin four duta furnida di rosi' e di oru ch'a' fasevin scomparî il neri e il doul, bel che la gent, gint in via cu la prucission sot i lens, a' cjantavin li' Letani', tra il bosc e il ceil, a la Madona in gloria.

Da neri a' restavin vistidi' li' femini', come par segnâl da li' fadiis e da li' miserii' ch'a vivevin e ch'a li' leava come la malta ch'a ten dongja li' cjasi'.

Ce sagra chê da la Stangjada! Al era justa qualche colac' sul bancut da la Mora dal Luziu

ch'a partiva da Navarons par duc' i Perdons di là-par-entri, ma ce ch'' ài tignût a minz e ch'' risurìs ogni volta ch'' torni sot dal puarti da la Stangjada, 'a era 'na fiminina cruciàda (accocolata) ch'a prufiriva, sun tuna fuea di vît, un tucùt di piétin (favo) cu la meil ch'a spissalava four.

Un fil di oru, no chel ch'al pastrocjava li' nestri' mans, ma chel âtri ch'al mi à compagnât a impensâmi e ch'al mi lèa a la gent e a li' robi' di chestu cjanton di mont. Bel ch'' vuardavi disfâ, par l'an ch'a' ven, la portantina da la Madona da la Stangjada, li' femini a' fevelavin net in frisanchin, ch'al é un lengac' discompagn dal gno justa un ciminin, un lengac' indulà che il pinseir al diventa peravala justa come ch'a si fai quant che duta la vita a' si à pensât, preât e dit tuna moda ch'a na sa nencia ce ch'a vout di pusic'. E cundutachel ai dan il sió non a duti' li' robi' ch'a àn fat nouf il mont e il vivi di ogni di.

NOVELA CANTARUTA

(Furlan di Navarons)

CARITÂT CRISTIANE

*Alore un zago tune sacristie
j à rot 'ne ombrene su la schene a un gjat
par cjastiâlu di une porcarie.
«Ce fâtu?», j dîs il predi a bocje plene;
«tocje vê un cûr di pierre come il to
par dâjes in chê forme jù pe schenel!».
«Ce?», j dîs il zago, «il gjat îsal il so?».
E il predi: «Nò, ma 'e je ben mé la ombrenel!».*

TRILUSSA

(Traduzion di Meni)



Marz

CARITAT CRISTIANE

Alora un velle fere te
 j a me 'm velle fere
 par spualia de q' m
 de fante j q' m
 eloge se an coe m
 par dopo in de fante
 e Cole j de fante
 E il pradi e de fante



TRILUSSA

Traduzione di Monti

ESTER

III

1	J	S. Albin	☺
2	V	S. Simplizi pape	
3	S	S. Selmo di Cividât	
✠ 4	D	S. LUZIO PAPE	

5	L	S. Adrian	
6	M	S. Marzian	
7	M	<i>La Cinis</i>	
8	J	S. Zuan di Diu	
9	V	S. Franzescje Romane	☺
10	S	SS. quarante Märtars	
✠ 11	D	PRIME DI QUARESIME	

12	L	S. Massimilian	
13	M	S. Eufrasie	
14	M	S. Mitilde	
15	J	S. Luise	
16	V	SS. Ilari e Tazian	☺
17	S	S. Patrizi	
✠ 18	D	S. CIRIL	

19	L	S. Josef	
20	M	S. Claudie	
21	M	S. Benedet	
22	J	S. Lèe	
23	V	S. Nilde	☺
24	S	S. Flavio	
✠ 25	D	ANUNZIAZION DAL SIGNÒR	

26	L	S. Emanuel	
27	M	S. Guste	
28	M	S. Speranze	
29	J	S. Secont	
30	V	B. Amedeu di Savoie	
31	S	S. Beniamin	

Marz

BOCÂL Al finis l'unviâr, a' flurissin i prâz, a' zòrnin i ucêi, 'e cjante la lûs dal soreli, ma propit cumò 'e rive Quaresime.

CRESIME Mi pâr che no soi mai la benvignude.

BOCÂL Ce pratesis!

CRESIME Tù tu oressis vê dut e ancjemò ancje.

BOCÂL Nò, jo 'o vorès vê dut mancul che alc.

CRESIME Mancul che il sacrifici!

BOCÂL Ja.

CRESIME Ce «ja!». Par Todesc, cumò?

BOCÂL Al ûl dî ch'o dîs di sì sul serio.

CRESIME 'O crôt pardabon 'e tô serietât. Duncje: tu vuelis dut mancul che il sacrifici. E il lavôr, êsal sacrifici?

BOCÂL Il lavôr... al è lavôr, po.

CRESIME Salt, onest, lavoradôr, po.

BOCÂL Va in chel país!

CRESIME E tu va in Pùlie.

BOCÂL

In Pùlie? Parcè in Pùlie, ceustu di?


CRESIME

Parceche là te Ministrazion de Region e' àn miledusinte ussîrs, valadî puartonîrs. Fàzil che ti assûmin.

BOCÂL

Al dîs il Strolîc:

*Furlans, il lavorar è un gran piacere
se trovi in Puglia un posticin d'uscieri.*



CURIOSITÂZ

Cui che sul mès dal Ramadan nol zune al varà di là in preson par tre mès. Nol baste: al varà ancje di pajâ une multe di 300 sterlinis egzianis, ch'a vàlin un miez milion di liris talianis.

Cussì al varès di jéssi daûr di un proget aprovât di une cumission dal Parlament egzian.

*

Al è muart di veglezze Roberto Bolbaran a nûf agn.

La sô muart 'e je vignude a Henryville, sul congres dedicât al studi de «progeria», la malatie che, par une mude gjenetiche, 'e puarte i fruz a diventâ viêi e a murî 'tôr dai 13 agn. Chêi che ur cjape chê malatie a' piàrdin i cjavêi e a' devèntin plens di grispis.

*

«Machiavelli e Galileo, Metastasio e Lorenzo Da Ponte conoscevano il peso di ogni parola; e sarebbero morti di ribrezzo se avessero visto come pensaño e parlano gli italiani nel 1977».

Cussì al à dit, tune sô recension sul «Corriere della Sera», apont dal '77, chel scritôr bravon ch'al è Pietro Citati, notant tra l'altri che tal nestri timp «le distinzioni tra le classi e i partiti hanno perduto qualsiasi significato: perché le astrazioni e le chiacchiere hanno avuto la magica forza di unificare e di amalgamare l'Italia».

Proteste

A' vevin tiradis fûr lis fotografiis dal matrimoni e dal viaz di gnozzis par mètilis dut in ordin tun libron cu lis pagjnis ch'a tègnin e ch'a lassin viodi.

Sentâz 'tôr de taule a' cjavavin in man une par une chestis fotografiis ch'a sveavin tanc' biêi momenz dal passât, e ancje il frut, inzenoglât su la cjadrêe par rivâ miôr, al cjalave ancje lui e al scoltave atent i comenz.

Eco i nuviz denant dal altâr: jê cun tun vistît ricamât dut fu - fu, lui cun tune mude colôr maron cu la golarine blancje a pavêe. Po' lôr doi tal moment de jessude de glesie sot di une plôe di rîs e il cjalâ curiôs des babis dal paîs, po denant de cjase propit sot dal rosâr, e in otomobil prin di partî.

«Ce tantis», 'e dîs la femine; «no mi visavi di dutis, dopo quatri agn! Viôt ce snele ch'o jeri, e cumò, dopo la maternitât...».

«Par me al va ben ancje cussì», dissal lui, cjarinane.

Ancje il pìzzul al cjarinà la mame, par fâ come il pài.

Lis plui bielis fotografiis però a' son chês dal viaz: Vignesie, plazze San Marc: lui cul impermeabil e la ombrene sul braz (guai 'ne plojade), jê sgrufuja-

de tal miez dai colomps...

«Quantil!», al fâs il frut, «E non hanno paura degli uomini?».

«Cheste plazze 'e je propi une sale, une biele sale, degne di ricevi un Doge».

«E ancje di ricèvinus nô», al zonte lui, scherzant.

Firenze, denant dal palaz de Signorie, sul Puint Vieri, devant de statue dal David.

«Ti ricuàrdistu de bielezze di chês glésiis, dai tesàurs dai museos?», j dîs jê cun tun suspîr di nostalgje.

«E i fagiolini alla salvia? E lis ridadis cun chel tipo de locande?».

Pisa. Monumenz blancs come colombis sul tapêt vert de plazze dai Meràcui, sot un cîl turchin; e lôr doi in pôse.

Cumò 'ne fotografie 'e mostre la toresse, cjapade in mût ch'e semèe ancjemô plui stuarde di chel ch'e je. «È quella che non casca mai giù?», al domande il frut.

«Sì; e ce sudadis par rivâ fin lassù. S'al sin meretât chel bon gjelato quant ch'ò sin tornâz dapît, îse vere femine?».

E a chel pont, ce îsal ce no îsal, il frut al salte jù de cjadrèe e, vaint, al va tun cjanton de stânzie. Al dîs: «Voi due a divertirvi e io sempre a casa, con la nonna! Perchè non mi avete portato anche me?».

E jù lagrimonis, e pestâ i pîs!.

Pari e mari si cjàlin in muse e a' ridùzzin. For-
sit a' pènsin la stesse robe: cemût spiegâj a chel frut
che, «tesàur platât», al jere in viaz ancje lui?

LUZIE SCOZIERO

«Cjate un amì, tu cjatis un tesàur»,
'e dîs la Bibie, e a' son peraulis d'aur.

Però par me al è miôr quant che si dîs:
«Cjate un tesàur, tu cjatarâs i amîs».

Mìngulis

Un mestri di scuele, furlan patît, ch'al veve chê di insegnâur la marilenghe ai siêi scuelaruz, j domande a un di chesc': «Cemût si clâmino chêi di Glemone?».

«Glemonàs».

J domande a di un altri: «E tù, cemût si clâmino chêi di Verzegnis?».

«Verzegnàs».

«E chêi di Magnan?».

«Magnaloz».

«Chêi di Tarcint?».

«Tarcintins».

«Chei di Nimis?».

«Daûr ce ch'o sai», al rispuint un scuelâr di Mulinis, «a' 'nd' è di Tonis, di Bepos, di Zuans...».

O.

I omps a' son faz come i dêz de man: il dêt gruès al à di fâ di dêt gruès, e il dêt pizzul al à di fâ di dêt pizzul.

Giovanni Verga. I Malavoglia - I

Ridi

Franco, la Cuésime, femine di Franco, e Pauli, il fi dai doi, a' jerin in cusine te cjase lôr. La Cuésime 'e navigave sul seglâr 'tôr pignatis e plaz, e i doi a' sfuejavin un atlante su la taule.

A di un pont Pauli si met a ridi. «Parcè rìdistu?», j domande so pari.

«Lèi chi», j rispuint Pauli mostran'j cul dêt il non di un paîs sun tune cjarte dal atlante ch'e rapresentave il Piamont. «Lèi chi: Stupinigi!».

«E alore?», j dîs so pari.

«Stupinigi! no ti vègnial da ridi ancje a ti?». E jù ridi.

«Mah!, un non come un altri».

«Ma dâj! Stupinigi, Pénsij parsôre...», e ridi indenant, ma propi di gust.

Franco lu cjale e, viodinlu a ridi in chê forme, j ven la ridarole ancje a lui.

La ridarole 'e je une robe che quant che ti cjape al è un afâr a fermâle. Si rît e no si lasse di ridi, fin al pont di vaî. E Pauli e Franco a' ridevin e a' vaivin insieme.

Fin che la Cuésime si volte e ur domande: «Ma ce vêso di ridi tant?».

Pauli j dîs: «Stupinigi...», e la ridarole no sta.

«Stupinigi! E ce îsal?».

«Stupinigi! Rasone e viôt se nol merte ridût».

E la Cuésime: «Ma bonàisi une volte, e s'o vês chê di ridi, ridêt par qualchi cjosse plui serie!».

M.

Nô 'o murin ogni dì; ogni zornade nus cjôl une part de nestre esistênzîe, e, man man ch'o cressin, 'e cale la nestre vite. 'O vîl piardude l'infanzie, podopo l'adolessenzie, dut il timp passât fin a uê al è piardût; cheste stesse zornade di uê la dividin cu la muart. Nol è l'ultin got ch'al disvuede la clessidre, ma duc' i goz ch'a son colâz prime: cussî la nestre ultime ore no fâs la muart, la conclût.

Lucio Anneo Seneca

Fruzzons

Pieri Bajut e so nevôt Valerio a' lavoravin di muridôr insieme, ma a' vevin simpri une sêt une sêt, e pôs bêz.

Sul lavôr no bevevin parvie che il paron ur varès dât il cumiât, ma une volte dismetût di lavorâ sore-sere si fermavin a Mulin Gnûf lì di Bùchigne e a' comandavin chel dopli. A' disevin: «Cul lapis...», parvie che bêz no 'ndi vevin, e Bùchigne ju contetave, ch'al veve stime di lôr, e al segnave cul lapis.

Po' a' tiravin la quindisine e a' fasevin conz lì di Bùchigne. «Chêi chi», a' disevin messedant i bêz, «par parâ jù il coni cun Bùchigne, par ch'al scanceli. Chêi chi a cjase, pes feminis. E chêi chi ch'a vânzin...».

A' clamavin Bùchigne e j disevin: «Còntiju, e puarte di bevi».

Prin di scomenzâ a bevi ce che ur vignive cun chêi, si davin la man e a' disevin: «E cumò saludinsi che, dopo, cui sa s'o podarìn cognòssisi».

*

Al jere rivât dal lavôr a cjase la sere cun tune sfisie che mai e al veve scomenzât a dij di dut 'e femine: «Scrove... vacje...», che lu sintivin par dut il borc.

La femine, brave e buine come il bon pan, intant ch'e cirive di gjavâj la gjachete, la golarine, lis scarpis, j diseve: «Sì... bon...».

«Ce bon! Vacje... vacje... purcite...».

«Sì, sì, sì... tu âs reson...».

«Ce reson!».

«Sì, sì...».

Tal indoman a buinore al jeve e la femine j dîs: «Ti vîsistu ce che tu mi âs dite orsere?».

«Ce ti àò dite orsere?».

«Scrove... vacje... purcite...».

«E cun chest?».

«Ti pàrial di parê bon?».

«Tù tu sês la mê femine e jo a ti 'o soi paron di dîti ce che mi pâ».

«Ma cui che ti sint...».

«Cui che mi sint a' sîntin e a' tàsin; ma ch'a próvin, mo, lôr, a dîti ce ch'o dîs jo!».

M.

Il soreli: un amì che si j fâs fieste di Viarte, si lu schive d'Istât, si bràmilu di Siarade, si vailu d'Inviâr.

I nestris viêi

RIFLESSION

*Jessût dal ospedâl
dulà ch'o vevi stât par un gno mâl,
biel che planchin pastrade
'o lavi pe mê prime cjaminade
'o cjati Min. Mi dîs: «'O ài propi gust
di tornâ a vêti chenti». Po 'o viôt Just:
«'O gjolt», mi dîs, «che no tu sâs cetant
tal viòditi di gnûf culî devant».
Podopo al è Nozent:
«Tu sôs pulît», mi dîs, «e 'o soi content».
Podopo Berto, Minio,
Gjralt, Faliscje, Plinio...
duc' ce a bussâmi, ce la man a dâmi,
ce a bàtimi la spale, di scjassâmi.
Nome Zuanat, ch'o incontri biel lant vie,
mi cjale e, plui di un «Viva», nol dîs nie.
Eco fantaz (séal dit cun dut rispiet)
se qualchidun nol è sancîr e sclet!*

M.

«Il zio Giovanni»

Mi jere lade squasi dal dut fûr di cjâf chê dal «zio Giovanni». M'e à fate tornâ iniment il compit di un frut ch'o ài let e coret in chêi dîs culi. Il frut al contave la sô passion pai ucêi e al pandeve dut il so savê su nons e usanzis di ogni sorte di bèstiis cu lis alis ch'a vîvin in Friûl.

A un ciart pont la pene rosse ch'o vevi in man 'e à vût un trim e bielzà si prontave a frontâ chel «il» par corèzilu in «lo». Ma in tun marilamp mi soi viodût il gno furlanut quant ch'al scriveve «il zio Giovanni» sfuarzansi di voltâ in talian il «barbezuan» ch'al jere tal so pinsîr di chês tre peraulis. Il discors cul frut al sarès lât indenant dopo, cun dute semplizzitât, senze avilî il so pinsîr naturâl e, Dio nus uardi, senze ridi parsôre di un fal... ch'al fasarès vôi di ridi, ma no pal fal dal frut.

Si pò fâ une riduzzade, invezzi, su la storiute, vere, che mi è tornade tal cjâf, come ch'o ài dite.

Agnoruns indaûr, il uardean di... un país che no pant al veve fat un sorelûc tal simitier, propit te cjase mortuorum, parceche j jere vignût in orele che la mularie 'e veve clapadât lis ramadis des balconelis a miezelune sot la linde. 'E jere vere!

Fat zirâ te clavàrie chel miez chilo di clâf ch'al

veve cun sè, al jentre e al cjate dut un disio: clàs, tocs di veris, un polvaron!, e, cun bon rispiet, sbitiadis di ucel pardut, ma pardut, ch'al vignive di pensâ ce fantasie mai ch'e àn di vê chei ucêi: fin su lis zòis di fiâr batût!

«Ca bisugne proviodi», al sentènzie il uardean. «Cu la mularie, fâ clamâ lôr paris dal sindic! Mah!... Cjadaradis dibant: la mularie no pandarà mai la sô colpe; e i paris? Pluitost di meti la man tal tacuin la metaressin sul fûc. Alore al scugnarà il Comun pensâ a fâ meti sù lis ramadis gnovis e ancje a mandâ chês feminis a gratâ fin ch'al baste par smondeâ il lûc, smondeâ pulît la cjase mortuorum par mendâ il dituart petât ai nestris muarz...».

E intant ch'al faseve ciulâ la clavone te sô clavarie par siarâ la puarte daûr di sè, come tocjât di un pinsîr fis che no j lave jù, al si dîs: «Ma... chês sbitiadis!? Eh nò! no son di pàssare nò! Cussì nudridis. Culì a' son stâz e a' son chei ucelaz salvadis ch'a van atôr di gnot».

E al s'invie cuintri cjase masanant tal cjâf lis pe-raulis ch'al varès podût scrivi tal so espost al Comun.

'E je vignude fûr une relazion pressapôc cussì: «Lustrissimo sior Sindaco... etc. etc. ... così, a cagione della mularia più còjara che a furor di sassi ha rotto le rame dei barconi, sono entrati nella casa mortuorum del nostro rispettoso cimitero ogni sorta di ucelli, massime il zio Giovanni che, proprio senza compli-

menti, hanno sbitiato per tutto, perfino sulle antiche gioie dei nostri poveri morti», etc. etc...

ALBERTO PICOTTI

La nature no oblèe l'omp a pecjà, ma j à dade la inclinazion a pecjà; la nature no dà ni la sapiènzie ni la virtùt, ma la disposizion ae sapiènzie e 'e virtùt. Si devente savis, no si nàs savis: e deventâ bogn 'e je un'art ch'e dipent de nestre libare volontât, adulà ch'al sta il merit o il demerit de nestre vite.

Lucio Anneo Seneca



April

mentre, lontano, stupisce per tutto, perfino sulla lontana
piaga del nostro povero mondo, ecc. ecc.



La natura ne offre forse a pezzi, ma è a dose la bellezza,
con a pezzi; la natura no dà ni la saggezza ni la virtù, ma le
disposizioni se sapete e se virtù. Si diventa sarti, no si può
stare a davanti boga e se un'et che dipend de nostre virtù
saggi, et da così na il mosto e il demer de nostre virtù.

Illegible

Laure, dopo l'anno

IV

✠ 1 D S. UGO ☺

2 L S. Francesc di Paule

3 M S. Ricardo

4 M S. Isidoro

5 J S. Vizenz

6 V S. Celestin pape

7 S S. Rufin

✠ 8 D S. REDENT

9 L S. Marie Cleofe ☺

10 M S. Terenzio

11 M S. Stanislau

12 J S. Zenon

13 V S. Eufrasie

14 S S. Liduine

✠ 15 D DOMENIE ULIVE ☺

16 L S. Bernardete

17 M S. Nicete pape

18 M S. Galdin

19 J S. Espedit

20 V S. Gjse

21 S S. Selmo

✠ 22 D PASCHE

23 L B. Èline Valentinis di Udin ☺

24 M S. Fedèl

25 M S. Marc vanzelist

26 J S. Marcellin pape

27 V S. Zite

28 S S. Valerie

✠ 29 D OTAVE DI PASCHE

30 L S. Piu V pape

Avrîl

BOCÂL Jo, cui àjo copât? Nissun! E se jo no ài copât nissun, parcè àno di vigní a copâmi me? Parcech'ò bэф un taj? Parcech'ò cîr di vivi miôr ch'ò puès almancul la sere, che vie pal dì no mi lassín?

CRESIME Eeh, se ti lassassin...

BOCÂL Tâs tù, brute sgrèmbie, che culi ancje lis pieris e' àn dûl di me.

CRESIME Parcè?

BOCÂL Parcech'al à Avrîl, e lôr a' gjòldin la lûs e il clip de dì.

CRESIME Lôr, cui?

BOCÂL Lis pieris... Jo invezzi 'o ài di contentâmi de sere, da l'ultime lûs, prime dal grant scûr de gnot.

CRESIME E tu bevis!

BOCÂL E 'o bэф! Capissistu tù parcè? O capissino dome lis pieris? Al dîs il Strolîc:

*Il cjoc al varà mâr il so destin
co j manjarà par simpri un got di vin.*

PASCHE

'E je Pasche. Par duc', Signôr:
pal fros di fen e pe jarbe di cjamp,
pal mandolâr
e il garofolâr di muscli
che spandint profumo si rimpine
sul cjanton de cjase e su pe colone
ch'e rêz il puartel dal bearz.

'E je Pasche pes bestentis
che si dismòvin
de gnot dal inviâr
e a' scomènzin la stagjon
viarzint gnovis stradis di fadie.

Par duc' 'e je Pasche.
Vuê 'o soi stât a bevi l'aghe
tal cjaldâr dut lustri
di asêt, sâl e farine.
'O ài judât a resentâ i plaz
in mostre su la grâtule.
'O ài judât a spalancâ il puarton de Glesie
par ch'al jentri il clip dal avrîl
e si spandi pal paîs
bonodôr di cjandelis e di incens.

*Un ridi content e sincîr
al imbombe il gno cûr
sglonf di ligrie
come bùtûi di gjatuz.*

*Tù tu mi âs fat sflurî, Signôr,
e la mòrbide vite
ch'e còr pes largjs stradis
dal gno spirt,
mi rive fin tai sintimenz
e m'incjoche.*

GLOVAZ

Pasche

Tanc' agn indaûr, quant che la setemane sante 'e jere la setemane sante, cul so miârcus sant, cu la sô jo-jbe sante, cul so vîners sant che pre Scjèfin a funzion la sere al predicjave che no la finive plui sul pùlpit la predicje de Sante Crôs; e si jesseve pe prucission cu lis cràzzulis e i crazzolons e i batàcui; e quant che 'tôr des dîs a buinore la sàbide sante al jere un diluvi di cjampanis ch'al jere resussitât il Signôr...

Uê la Messe de resurezion dal Signôr si dîsile la gnot tra la sàbide e la domènie; e la int no côr plui come in chêi agn; e no van plui a lavâsi la muse; e lis cjampanis no cjàntin plui come in chê volte cun doplis ch'a jemplavin il cîl. E il dì dopo i zagôs no sàltin fûr, une mieze dozene, cu la tònîe rosse a fâ di stafete a pre Scjèfin alt, dret, a cjaminâ ben plancut che lu viodessin i mil ch'a incovavin la glesie, par lâ sù sul altâr...

Chês Messis! Pre Scjèfin a un pont al binidive l'altâr cul tribul che al butave fûr bugadis di incens. «Dirigàssio Domine oràssio mea», al diseve (che jo chês peraulis m'es visi cussì), «sicut incensum in conspecto tuo...», e s'inzenoglave co al rivave a ret tal tabernàcul a miez dal altar che jo, abàs vie dai scjalins dal altâr, 'o viodevi la suele de sô scarpe gjestre pleja-

de, grande come chê di Carnera. Po' si drezzave sù cun pachèe e vie: «Elevàssio manum mearum», al di-seve dondolant il trîbul, «sacrificium vespertinum...», e s'inzenoglave di gnûf..., «pone domine custòdie pori meo, non declinet cor meum in verbo malissie... ».

Chês Messis! Cul vanzeli di Zuan cjantât par latin: «Una autem sabbati, Maria Magdalene venit mane, cum adhuc tenebrae essent, ad monumentum; et vidit lapidem sublatum a monumento. Cucurrit ergo, et venit ad Simonem Petrum, et ad alium discipulum, quem amabat Jesus, et dicit illis: "Tulerunt Dominum de monumento, et nescimus ubi posuerunt cum"». E vie.

No si capive bocjade di ce che pre Scjèfin al cjantuzzave, di chel instès chês peraulis ch'a revocavin te glesie stracolme di int ch'e tignive il flât, a' creavin une clime adulà che il cjâf al lave plui in sù dai nûi; e si sintivisi bogns; e si dismenteave dut: lis invîdiis, lis tîchignis, i ripics...

Uê chel vanzeli si dîsilu par talian. Si lu capîs, ma 'e semêe une robe! Cetant miôr s'al fôs dit par furlan!

«La prime dì de setemane Marie Madalene 'e rive al sepulcri une vòre a buinore, ch'al jere ancjemò scûr; e 'e viôt la pierre tirade vie dal sepulcri. Alore 'e partîs di corse a cirî Simon Pieri e chel altri dissèpul che Jesù j oleve plui ben e ur dîs: "E' àn puartât vie il cuarp dal Signôr dal sepulcri, e no savìn dulà che lu àn metût". Alore Pieri al jès fûr cun chel altri dissèpul, e a' van al

sepulcri. A' corevin ducjdoi insieme, ma chel altri dis-
sèpul al à corût plui di Pieri e al è rivât al sepulcri par
prin. Si plèe jù, e al viôt lis fassis partiare; ma nol jen-
tre. Po al rive Simon Pieri che j vignive daûr, e al jen-
tre tal sepulcri, e al viôt lis fassis partiare; e il sudari,
ch'al jere stât sul so cjâf, nol jere cu lis fassis partiare,
ma imbande, involuzzât tun cjanton. Al jentre alore
ancje chel altri dissèpul ch'al jere rivât al sepulcri par
prin; e al viôt, e al crôt. Lôr infati no vevin ancjemò
capît la Scritture, che lui al veve di ressussità dai
muarz».

Ma il timp al côr, e tocje vê paziènzie.

E lâ a Messe instès, a sintîle come che si la dîs o
la gnot tra la sàbide e la domènie o la domènie a bui-
nore, cun devozion.

M.

Pari nestri che tu sês in cîl, séial santificât il to non.
Ch'al vegni il to regno, séje fate la tô volontât, come in cîl,
cussì in tiare. Dànus, uê, il nestri pan di ogni dì. Rimètinus a
nô i nestrîs dèbiz, come che nô ju rimetìn ai nestrîs debitôrs.
E no stâ a lassânus cjadê in tentazion, ma vuàrdinus dal mâl.
Cussì séi.

Jesù Crist - secont Mateo - C. VI - 9, 13

CURIOSITÂZ

Tune des cumissions da l'assembêe dal popul cinês, si discôr s'al è il câs di gjavâ vie i codiz religiôs: il Coran pai musulmans e la Bibie pai catòlics e i protestanz, in mût di rivâ ad integrâ miôr i crodinz te vite sociâl.

*

Peter Bird, 36 agn, di Londre, al à traviarsât il Pacific, partint di San Francisco, e al è rivât in Australie tes miôrs cundizions fisichis, ben bronzât e content, dopo di vê remât par 296 dis.

*

Filippo Merenda, svuizzar di 78 agn, al à dismenteât il passepuart e nol pò imbarcjâsi a Gjenue su la «Eugenio C.» par une croserie tal Mediterani. Nol vâl nuje ch'al prei e ch'al protesti : senze passepuart no lu lassin montâ su la nâf, là ch'e je za montade la sô amie di 40 agn. Al scugne tornâ a Bolzan, là ch'al è il passepuart, e la nâf 'e partis. Ma lui al telefone ae pulizie disint che su la nâf 'e je une bombe ch'e scloparà tra dôs oris. Alore la nâf 'e torne indaûr, 'e ven controlade e 'e torne a partî dopo quatri oris. Masse pocjs pal puar Filip, che, cjapât sù il passepuart a Bolzan, al scugne lâ cul aeroplan fin a Alessandrie par rivâ finalmentri a imbarcjâsi su la «Eugenio C.» là ch'e je la sô zovine.

Al pâr che cumò al scugni pajâ almancul i 150 millions di carburant che la nâf 'e à consumât in plui par colpe sô.

RELATIVITĂȚ

*'O lavi vie bessôl 'ne di d'istât
tun prât sun tune jarbe di vilût.
A colp mi soi sintût inderedât.
Mi soi sgrofât. Mi soi diliberât.*

*E no ài nancje finît
di meti a puest mudandis e vistît
ch'o sint 'ne vôs daûr:
«Oh siôr, séal benedet»,
'ne vôs come un sunsûr, «pal so bon cûr!
Séal benedet par chel che chi mi met
sêi pûr mostranmi il cûl!».*

Al jere un smierdarûl.

M.

Smierdarûl = scarabeo stercorario

Mìngulis

A un gno amì professôr un rubinet dal so nezesari j spandev: got... got...

Stant che lui nol saveve fâ altri che il professôr, nol lè nancje a viodi a la lontane par ce reson che chel rubinet al spandev: al telefonà a un idràulic ch'al vignìs lui a viodi, e chel al vignì dopo un quatri telefonadis, e un tun bati di voli al justà il rubinet. «Eco, fat», j disè al professôr une volte gambiade la guarnizion di gome dal rubinet.

«Bon», al disè il professôr dopo di séisi sancirât che il rubinet si viarzeve e si siarave pulît. «Trop îsal il so disturp?».

«Vinc' mil, parcè ch'al è lui».

Il professôr al restà par un pôc, po al disè: «'Orpo! Ma ce vèvial chel rubinet ch'al gotave cussì?».

«Tocje intindisi, siôr, e lui no si intint».

«'O ài capît. Ma lui lu à justât in tun lamp; e vinc' mil francs par un lamp di lavôr...».

«In tun lamp parvie che jo 'o sai lavorâ, e par imparâ a lavorâ jo 'o ài spindûz agn e agn. E pò, sàjal lui trôs ch'a 'nd' è che no pàjn il lavôr che jo ur fâs? Squasi quasi il setante par cent. Cussì jo, quant ch'o cjati chel che mi pae, no ào dirit di rifâmi?».

O.

VIARTE DAL GNO PAÏS

*Adalt il Berzut al è in rôse
blanc e ros 'tôr dal borc dai Pups,
e li difûr, tal Ronc, la tiare vive
di biel soreli jenfri dai morârs...
Oh, la viarte, Signôr, cu lis violis
tai ricès des murais di vie pai Poz,
e il Pradifen dut blanc di cisignocs...
une frute cun rôsis in tai vôi.*

*Al devi jéssi come tornâ a vivi
su pes rivis lassù di Martignâ,
il prât lusint e larc cul cîl insomp
e la Rive di Viole resuride
par cheste Pasche cui frutaz discolz.
Il soreli al travane la Gjavate;
lindis neris tal cîl; il Puartonat
al lûs cul cîl di biel misdî parentri...*

*Vuê mê mari 'e à daviart il balcon
e l'amolâr lu jemple dut di blanc
tanche il gno sium di viarte
fêr cun chel blanc in tal pinsîr plui biel.
Tornâ a vedêlu li daprûf de stale
cul cûr di frut che il mont al è dut blanc...*

Oh, la viarte, Signôr, 'e je un meràcul!
Imò il gno câr al è dut blanc e in rôse.

DINO VIRGILI

(Dal sfuei «Strapaese» - 19 d'avost dal '51)

Fruzzons

Lelo e Salvatore a' van a bevi doi tajs tune bieie ostarie di Udin. Si sèntin a un taulinut, a' ordènin, e la chèlare 'e rive cui tajs; e cun doi biêi platuz di plàstiche, taronz, scriz, di meti sot vie des tazzis, che no si sporcj la tauae ben slargjate sul taulinut.

Pojâz ch'e à chesc' platuz sotvie des dôs tazzis, Lelo ju cjape sù ducjdoi e j ai torne. «Vie... vie...», j dîs.

La chèlare 'e reste: «Siorut, ch'al perdoni... ch'al lassi ch'o fasi...», e 'e pôe di gnûf chesc' platuz sot vie des dôs tazzis.

Ma Lelo no si rint: «Siorute, che no stedi a disturbâsi par nô. Vie... vie...», j dîs dislontanante cul braz, «vie... vie cheste robe! Fasìn come ch'o fossin a cjase... ».

La chèlare' e à scugnût lâ vie cui siêi plaz, e Lelo, content, j dîs a Salvatore: «Puare chelarute, se si po' sparagnâj un lavôr...».

Vàit cumò a viodi tros cerclis di cûl di tazze di neri ch'a son restâz sul mantil.

*

La Berte j veve dit a Berto, il so omp: «Berto, il copari Tin mi à dite s'o podarèssin imprestâj cinquan-

temil francs; podîno contentâlu?».

«Si pò fâ dut in chest mont».

«Alore, puèdijo dîj di sì?».

«Tu puedis dîj di sì, a pat che ti firmi une cjarte».

«Ma Berto, si trate di to copari. Covèntino cjar-tis? Si à di vê fidùzie!».

«La fidùzie le à mangjade la vacje».

«Ma dàj!».

«Le à mangjade la vacje. Io no mi fidi di nissun, nancje di me stès. Tant al è vèr che chê altre dì, che mi è vignût di fâ un flât, ûtu ch'o ti disi ce ch'al è suz-zedût? Invezi di fâ il flât ch'o crodevi, il cuarp mi à tradît, e va a viodi ce pesâr ch'o ài tes mudandis».

*

Al jere sui tredis agn e so pari lu veve fat cjoli a vòre di un impresari dulà ch'al lavorave ancje lui.

Naturâl ch'al lavorave di manauâl: netâ impresc', cariolâ, puartâ aghe; e sù e jù pes armaduris cun mal-te, modons...

L'impresari al jere un paron a la viere. Saldo sul lavôr come i sièi operais, si fermave a cjâlâ, a controlâ, a ordenâ: ancje a robâj la cjazze o il fraton a un di chêi, ch'al imparàs une volte! E berlons!

Apene che j vevin presentât il frutat j veve do-mandât: «Trôs agn âtu?».

«Tredis».

«E alore vîsiti di doprâju pulît, e quant che tu mi pàssis dongje, vîsiti che tu âs di fâmi àjar».

*

A Cividât lu clamavin Sope. Al jere pidimentât. Lis gjambis a sèlino j tignivin pôc e quant ch'al cjami-nave al faseve veramenti dûl. E al lave vie adasi adasi dut rinchinît e cui braz a pendolon sul devant.

E alore sô mari une di lu mande a comprâ doi kilos di spinaze di une rivendiule alî dongje; e al va.

«Doi kilos di spinaze».

La rivendiule j pese i doi kilos di spinaze e po' j dîs: «Vêso la borse di plàstiche?».

E il Sope: «'Acrament, siore, che mi cjali ben. No j pàrial ch'o 'ndi vevi za vonde?».

M.

*Chê ninine blancje e rosse
tant che un mêl su pal melâr:
'e à cjapadis plui bussadis
che no sbiz tal gjalinâr.*

Orelis

Toni al jere sturbît come pôs, ma nol oleve amètilu ni nol oleve che chêi altris a' capîssin ch'al jere.

E alore une dì si cjate cul so amî Tilio che j conte une barzalete. Ma j 'e contave come che j 'e varès contade a un omp normâl, cu lis orelis a puest, ancje par no fâj pesâ al so amî Toni la sô carenzie di orelis.

Co Toni si vise che Tilio al à finît di contâ la sô storie, si met a ridi di gust e j dîs al amî: «Biele, Tilio, une vøre biele! E cumò sint ch'o ti conti la mê».

J à contade chê che Tilio al veve apene finît di contâj a lui. E lui, Tilio, al à scugnût ridi come che Toni al veve ridût co lui j 'e veve contade par prin.

UARBITE

La buine furtune dai omps 'e je une vøre dispès il plui grant nemi ch'a védin, parceche ju fâs diventâ trisc', lizêrs, insolenz; di mût ch'e je plui braure pal omp il resisti a chê che no 'es aversitâz.

Francesco Guicciardini. Ricordi. II - 164



Maj

V

	1 M	<i>Fieste dal lavôr</i>	☺
	2 M	S. Atanâs	
	3 J	SS. Filip e Jacun	
	4 V	S. Mòniche	
	5 S	S. Virginie	
✠	6 D	S. GJUDITE	

	7 L	S. Flavie	☺
	8 M	S. Vitôr	
	9 M	S. Grivôr di Nazianz	
	10 J	S. Antonin	
	11 V	S. Fabio	
	12 S	S. Pancrazi	
✠	13 D	S. EME	

	14 L	S. Matie apuéstul	☺
	15 M	S. Torquât	
	16 M	S. Ubalt	
	17 J	S. Pasquâl	
	18 V	S. Lenart	
	19 S	S. Prudenziâne	
✠	20 D	S. BERNARDIN DI SIENE	

	21 L	S. Vitorio	☺
	22 M	S. Rite	
	23 M	S. Desideri	
	24 J	S. Susane	
	25 V	S. Bede	
	26 S	S. Filip Neri	
✠	27 D	S. NADALIE	

	28 L	S. Milio	
	29 M	S. Massimo	☺
	30 M	S. Nando	
	31 J	SS. Canzio, Canzian e Canzianile	

Maj

CRESIME

Ce omps, i omps! A' son propit Bocâi! Al semèe ch'a séin plens di spirt, di fuarze, di vòe di fâ ben, e podopo tu ju viodis ch'a son faz di bombâs, dilicâz, sgnauloz; e si rîndin, e no san cefâ co la realtât no je propit dal dut a lôr pro, a trindulâju come pipins di scune, a dâur seont come la furtune al furtunât. E alore si bûtin vie, a' tàchin a bevi, a compassionâsi...

BOCÂL

Ce quadri! Al pararès che l'ostarie 'e fòs une cjamare mortuorum.

CRESIME

Oh, cheste volte mo no pensavi a tî... Sì, tû, co no tu âs la cjoche vajote, tu trîchis propit di omp, cun braure... Ma no pensavi a un omp come te, ma al omp in gjenerâl, venastâj al omp te storie, ch'al socomp.

BOCÂL

Alore, jo che no socomp, 'o soi fûr de storie... Ma ce filosofiche che tus sês vuê! Sîntimi me che no socomp, parceche no voi a cirî complicazions e 'o cjati dut il miôr alî, denant dal nâs...

CRESIME

Ma tû, sestu vîf? E cemût sestu vîf?

BOCÂL

Cui miôr di me? Chel ch'al socomp? E parcè socombial, chel?

CRESIME Cul fâ cjossis grandis di une bande e sdrumâ dut di chealtre. Lis ueris, lis distruziions a' gjàvin dut il sens al fâ sù, là che l'omp al si mostre grant, ch'al fâs pardabon cjossis tant grandis... E tù, Bocâl, cetant grant ti sintistu? Capissistu tù il fâ sù, il sens dal fâ?

BOCÂL Fâl... Fâl... E se dopo 'o ài di socombi?

CRESIME Va in Pùlie, Bocalut!

BOCÂL Juste! Al dîs il Strolic:

*Co l'omp al à une storie ch'al socomp,
dome che in Pùlie al pò stâ ben a plomp.*

Cussì a Tavagnà e' àn scomenzât a meti lis tabelis cul non dal capolúc e cun chel des fraziions de Cumune par talian e par furlan: Tavagnacco e Tavagnà, Feletto e Felet...

Biel viodi e biel lèi, ch'al semèe di séi plui a cjase di chel che si è.

Daûr di ce ch'e àn fat a Tavagnà, sperìn cumò ch'a fasin instès lis altris Cumunis de Furlanie; e sperìn ancje che nissun vadi plui a insozzâlis chestis tabelis come ch'e àn vût a insozzâ chês di prin, ch'al sarès un delit.

CURIOSITÂZ

Si à vût sintût protestis pes «machinis blu» dai sorestanz ministeriâi di Rome, ma ançe i deputâz dal Parlament european Doeke Eisma (Olande) e Dieter Rogalla (Gjarmanie Federâl) e' àn vût cûr di domandâ ch'a vignissin metudis a disposizion di duc' i deputâz un ciart numar di bicicletis, «miez di traspuart ecologic». L'Assemblêe no à però azzetade la lôr proposte.

*

A doi di lôr à vevin sequestrâz 43 cjans parvie che no ju tratavin masse ben, ma si viôt che chêi senze cjans no podevin vivi: e' àn resistût par un an e miez e po, cun sclopis e bombis, a' son lâs tal municipi di Norwich e, cun chê di fâsi tornâ indaûr i cjans, e' àn tignudis fermis 14 personis par 7 oris.

Po, cun grande sodisfazion dai cjans, chêi doi e' àn scugnût rindisi ai pulizais.

*

Si disarà che dut il mont al è plen di feminis cui cuârs, ma chêi di Li Yongzheng a' jerin pardabon vêrs. Sui vincjesis agn chê puare femine 'e à tacât a sintîsi une gran spizze sul cjâf e po no j sono cressûz doi cuârs gruès tant che i poleârs e dibot compagns di chêi de renel. A' son rivâz a gjavâjai cun tune operazion avonde indrigôse tun ospedâl.

IL SFUEJ DI CENT

*Alore un sfuei di cent
al fevelave: «A' son sessante dîs
ch'o voi par chesc' paîs
simpri in funzion e simpri in muviment.
Biel scomenzant di un vieli che za un mês
mi à dât a une di chês,
'o soi rivât tes mans di un farmacist,
di un judiz, di un rufian, di un professôr,
di un miedi, di une puare, di un dotôr,
di un predi, di un artist.*

*Nol è che no mi déi sudisfazion
il fat di lâ di cheste in chê sachete
di femine e di mascjo, o sporcje o nete;
ma mi è di strani che la stesse cjarte
che uê ti zove a fâ 'ne buine azion
'e zovi, dopo, a fânint une stuarde.
Uê 'e je une biele borse che mi puarte
di une parone oneste:
ma finarào dulà dopo di cheste?
Sépi il Signôr. Me, chel che mi à de bande,
mi ten pulît, mi stime,
mi ûl ben, mi uarde, ma no mi domande
ce ch'o fasevi cjà di chel di prime.
E chest al è normâl, a ce ch'o sai:*

*che co si trate di tirâ palanchis,
il lûc ch'a rivin nol impuarte un cai».*

TRILUSSA

(Traduzion di Meni)

Fruzzons

Dolfi, a Biliris. Dôs pensions; e vivi bessôl cu la femine, pensionade ancje jê, tune cjase sane, su la culine.

Lu cjati a Magnan ta l'ostarie de Miriam, 'tôr des dîs a buin'ore: «Cemût?».

«No va nancje mâl, ma se si vês qualchi palanche di plui...».

«Vergognô! Dôs pensions...».

«Sì, ma sâtu tù ce che in uê 'e coste la vite? E il bêz nol vâl nie».

«Sù, mo, sù...».

«Pôc e nuje. Sâtu tù, par esempi, un chilo di pan ce ch'al coste?».

«Diu: mil e cinc, mil e sîs...».

«Si viôt che il pan a a tî t'al compre la femine. Al coste siet, vot mil francs al chilo...».

«Ma dâj...!».

«Ma Meni, quant che tu vadis a cjoli il pan, cemût fâsistu a fermâti nome lî dal pancôr, cun tantis puartis ch'a son a viârzisi su la strade, e cun tantis bancjs ch'a son dentrivie di chês puartis?! E cun tanc' amis che si spiêtin par chê cjacarde là dèntri? E alore un taj tù e un taj jo..., tù une bire e jo un'altre... E sâtu tù ce ch'e coste une bire? e dôs biris? e tre...? E chê

butiliute di refosc ch'e salte fûr ogni tant? Cussì, a mì, un chilo di pan, minimo siet, vot mil francs mi coste; ancje une cjarte di dîs, altrichê...».

*

Rico Menon e Gjno, so fi.

Rico al jere sui otant'agn e Gjno sui cinquante, vedran.

A' vivevin, a Biliris, cu la Dosche ch'e jere la crôs di Rico e la mari di Gjno, sui otante ancje jê.

«A' mertaressin tratâz miôr di ce ch'o rivi a fâ jo, ma lis mës fuarzis a' son chês ch'a son e i miêi agn a' son masse», mi diseve la Dosche.

«E parcè no si marîdial Gjno?».

«Parcè! domândial a lui. Chel lì j ûl ben nome al vin e a nujaltri; j ûl ben nome 'e tazze che j presèntin ta l'ostarie di Varisto».

«Tu sês tû che tu âs di conseâlu e di insisti che si cjati fûr 'ne cristiane ch'e puedi dâti une man in cjase e tal ort e che ti judi a abadâ a vualtris doi; cussì al lassarès la tazze e la ostarie di Varisto».

La Dosche 'e à insistût, e, dopo un pôc, duc' ven a savê che Gjno al veve scomenzât a lâ in cjase di une vedranote dal ultin borc dal paîs.

Al ven a savêlu ancje Rico, che j domande une

conferme 'e Dosche. J dîs: «'O ài sintût che Gjno j sta sot a chê biade lassû. Ise vere?».

«São jo s'e je vere. Domàndial a lui».

«T'al domandi a tì parvie che tù tu sâs simpri dut».

«No sai nuje», j rispuint la Dosche.

E alore Rico une sere j al domande al frutat: «'O ài sintût cussì... e cussì».

«No âtu dît che la nestre gjarnàzie no à di finî cun nô doi? E alore 'o ài cjatade une cristianute...».

«Chê cristianute che tu fevelis 'e je stade cjacarade un pôc masse, e cun di plui no je parone nancje di une gjaline», j dîs Rico.

«Jo 'o ài di cjoli une femine e no une dote. 'O ài di cjoli une femine ch'e viodi di te e di mê mari, e che us judi in cjase, tal ort e tal lûc, e che a tì 'e puedi dâti un nevôt...».

«Chel nevôt ch'e podarès dâmi chê cristianute cun chê muse di tomât ch'e à, ch'al stéi là che al è».

«Pupà!...».

«'O dîs la mê».

«Mi pâr che no tu la disis ben».

«La dîs juste».

«Tu falis».

Fin che Rico si stufe e al conclût: «Viôt mo, frut, se t'ûs sintîmi, bon; se no t'us sintîmi, al ûl dî che, quant che chê femenàusse 'e jentrarà in cjase, jo 'o jes-

sarai, par lâ a cjàpâ chel puest che uê tù tu incovis ta l'ostarie di Varisto».

*

Il pari di un gno bon amì di Tavagnà (novantesîs agn) nol sta masse ben e al va dal miedi.

Il miedi lu visite e tal ultin j dîs: «A' son i uestris palmons ch'a son di mâl parvie ch'o fumâis; e alore 'o vês di dismeti di fumâ che, se no, la vês curte».

J rispuint: «Siôr dotôr, alore 'o vevi di vêle curte di sin ch'o vevi dîs agn, ven a stâj di quant ch'o ài scomenzât a fumâ scussis di vît».

M.

Senze dubi il murî al è une di chestis dôs cjossis: o un no jéssi plui nuje, cussì che il muart nol vebi plui nissune sensazion; opûr, come che altris a' disin, un gambiament di lûc, une trasmigrazion da l'anime di chest lûc a di un altri. E s'al è propi un no sintî plui nuje, qualchi cjosse come un durmî, adulà che nuje nol viôt chel ch'al duâr, nancje atraviars dal sium, un uadagn maraveôs 'e à di jéssi la muart.

Platone - Apologie di Socrate - XXXII

A M Ô R S

*«Tan' ben ch'o j ài olût», mi dîs la Mie
 contanmi di Tubie
 ch'e à stât cun lui par quindis agn e plui;
 «un ben che jo, par lui,
 fin in tal fûc distrade 'o sarès lade
 beade se tal fûc mi vès mandade».
 J dîs: «E lui, Tubie, chel ben ch'o sint
 lu meretâvial propi?». Mi rispuint:
 «Sì, dut lu meretave,
 che dut ce che mi dave
 m'al dave di gran' cûr.
 Mi riuardave come un dêt madûr.
 Ad ogni fieste, Cjadalán, Nadâl,
 mai ch'al mancjàs 'ne volte il so regâl.
 Te fieste dai miêi agn e dal gno non
 'ne cjadenute simpri, o un medaon.
 Fin 'ne pilizze un an
 mi à dade, di astracan,
 che nancje ch'o fôs stade la sô spôse,
 che invezi 'e jere simpri pezzotôse!».*

*Jo alore, a di chel pont,
 j'ài dit: «E tù cemût e par ce cont,
 denant di un fat implant,
 âtu vût cûr di cumbinâj un tant?»*

*Mi à rispuindût: «L'incjant al è finît
co lui, cul so negozi, al è falît.
E jo, denant di un tant, jèrial decoro
ch'o stès cun tun che plui nol veve un boro?».*

M.



Jugn

VI

	1 V	S. Justin	
	2 S	S. Marcelin	
✠	3 D	LA SENSE	

	4 L	S. Quirin	
	5 M	S. Bonifazi	☾
	6 M	B. Beltram	
	7 J	S. Gjeremie	
	8 V	S. Medart	
	9 S	S. Efrem	
✠	10 D	PENTECOSTIS	

	11 L	SS. Feliz e Fortunât	
	12 M	S. Nofrio	☺
	13 M	S. Antoni di Padue	
	14 J	S. Liseo	
	15 V	S. Vit	
	16 S	S. Aurelian	
✠	17 D	SS. TRINITÂT	

	18 L	S. Marine	
	19 M	SS. Gjervâs e Protâs	
	20 M	S. Etoze	☾
	21 J	S. Luís Gonzaghe	
	22 V	S. Nicete	
	23 S	S. Lanfranc	
✠	24 D	CORPUS DOMINI	

	25 L	S. Gulielmo	
	26 M	S. Rodolf	
	27 M	S. Ciril di Alessandrie	
	28 J	S. Ireneu	☺
	29 V	SS. Pieri e Pauli	
	30 S	SS. Protomàrtars	

Jugn

BOCÂL

Chel che mi fâs vignî sù il convuls 'e je cheste òrcule di Cresime, ch'e pratint di fâmi saldo la morâl, che mi dîs ce ch'o ài di fâ, ch'e ûl il gno ben e ch'e rive parfin a dîmi, a l'etât ch'o ài, ce ch'o ài di meti sù sul vistîmi; che a lâj daûr 'o varès di vê la mae di lane ancje d'istât... E la libertât? No si varessial di rivâ di bessôi, mo, a vê une morâl, a fâ ce ch'al va fat, a olê il nestri ben...

CRESIME

Eeh, di bessôi!

BOCÂL

Di bessôi, sì! Di bessôi, ancje a olê il nestri ben... parceche fin cumò il nestri ben lu àn olût simpri chêi altris, e nô lu vin piardût.

CRESIME

Alore: di bessôi!... Se tu sês un bon di nuje!

BOCÂL

S'o soi un bon di nuje al è parceche il vuestri ben mi scjafoe e 'o cîr di fâ il contrari.

CRESIME

Il to mâl, alore, Bocâl

BOCÂL

Viva la libertât!

CRESIME

Al dîs il Strolic:

*Tai secui ti ufriaran la libertât,
ma simpri alc di brut al ti ven dât.*

CENSIMENT DA L'AGRICOLTURE 1982

In Cumune al jere stât viart un ufizi par chêi contadins che no saressin stâz bogn di jemplâ lis cjartis dal censiment dibessôi, e in chest ufizi une di si presente une siorute sui sessant'agn.

«Avanti», j dîs la impiegade dal ufizi, dilà dal banc.

«O sarès vignude par fâmi scrivi chestis cjartis culi, che jo no soi buine di scrivilis», j dîs la siorute 'e impiegade presentan'j i mòdui dal censiment.

«Daimi ca», la scrivante, e, dopo un pôc ch'e à cjalât: «Jê, ce fasie?», j domande 'e siorute.

«Come ce, mo».

«Ce profession... ce mistîr...».

«Casalinga; 'o abadi al gno omp, lu lavi, lu so-pressi, j parecj la bocjade...».

«Vêso cjase?».

«Po sì, 'ne caissute».

«Vêso tiare?».

«Un nuje, dongje de cjase».

'E veve un doimil metros di tiare: «... un ortut».

«...ch'o lu lavorais vô?».

«Jo, sì, che il gno omp, ch'al è sui setante, nol rive a fâ nuje».

«E ce metêso in chest ort?».

«Quatri cozzuz, chê pocje di césare, chel pâr di cudùmars, lidric, jarberave, salate...».

«Par vendi?».

«Ce vendi! Par me e pal gno omp».

«'Orpo».

«...e ce ch'al vanze, pes bèstiis».

«E ce bèstiis vêso?».

Vacje no, cjavre no, piores no, purcit no, ocjs no, razzis no, dindis no... 'E veve tre gjalinis, un gjat e un cjanut.

*

Tal stes ufizi si presente ancje un vedran sui cinquant'agn cu li stessis cjartis dal censiment.

«Vêso tiare?».

«Chel alc».

«Trope, mo».

«Sì e nò un cjamp».

«Cui lavore?».

«Jo, ch'o vîf cun mê mari ch'e à passe otant'agn».

«E ce metêso in chest cjamp?».

«Mê mari no à vôi di viodi jarbe o blave; cussì 'o semeni fasûi, pomodoros, ài, civole: robe di ort...».

«Par vendi?».

«Nò, pai consums di cjase».

«E chel ch'al vanze? Parceche in cinc mil metros di tiare...».

«Nuje. Ce ch'al vanze lu buti sot, che mê mari j
plâs l'ordin e la mondisie».

U.

Forsi no savês ce ch'e ûl di la peraule «triticâ».

Poben, si trate di un verbo che par talian al pò sêi «cinguettare», ma nome quant che a «cinguettare» 'e je la favite.

La peraule 'e je onomatopèiche, ven a stâj 'e rispuint, cul so sun, al cjant di chest ucelut che si dîs, ch'al fâs: «tritic - tritic...» co al saltuzze di une bachete a chealtre te cise.

CURIOSITÂZ

Tun circo de Spagne al è nassût un leonut dut blanc, che il domadôr de mari leonesse al è restât di clap.

Par chel leonut lì la Licia di Meni Ucel 'e darès il so mierli indian Ugo, ch'al à imparât a vuacâ come il so cjan Checo e a fâ il sunsûr de sô cògume co al bol il cafè.

*

Al è qualchidun che a 70 agn al tache bielzà a dî ch'al è vieli. Invezzi il dotôr svuizzar Hans Grimm, di 73 agn, al à guidade une companie che cui siis tai pîs a' son rivâz, i prins te storie, su la piche de mont Ararat, a 5165 metros, cjatansi juste di chês bandis che si è arenade l'arcje di Noè.

*

Chêi dai granc' bêz e des grandis impresis a' son merecans. Il re dal petrolio, Jack Grimm, cun tune nâf indotate pes riziencjs oceanogrâfichis, al si prepare par cirî e magari par cjatâ il famôs continent Atlantide che, stant 'es liendis, al sarès stât glotût dal mâr tun timp lontanon.

*

Daûr un rapuart dal ONU la popolazion mondiâl si regolarà dome che tal an 2095, ch'o sarin su la tiare un 10,2 miliarz di abitantz, cuintri dai 4,6 ch'o sin cumò.

A OGNUN IL SO

*Jo 'o ài fate la mê scuele, ché ch'o ài fate
par rivâ a vê chel titulut ch'o ài,
cun tun Tubie cjavon, ma siôr che mai.
Ma là che jo chel titul che si trate
apene ch'o lu ài vût
'o ài scugnût lâ subite sul lavôr,
lui al è lâ a l'universitât,
dulà che a sun di dâj al è rivât
a vê une làurie e a diventâ dotôr.*

*E alore jo dopo tanc' agn lu cjati
e il gust ch'o ài di cjatâlu no j al plati.
«'O ce tan' gust», j dîs, «dopo tanc' agn...
Ma sâtu che tu sês simpri compagn?
Ma sâtu tû, Tubie, cui che ti viôt
ch'a séin passâz tanc' agn no si lu crôt?».*

*A un tant chest gno Tubie si drezze sù,
mi cjale a lunc intîr da cjâf a pîs
podopo frêt e disdegnôs al dîs:
«Ca 'o sint», al dîs, «che mi si dà dal tu;
ma a di un dotôr di quant in ca? Mai plui...
A di un dotôr», al dîs, «j aspiete il lui».*

*Rispuindi ce? J ài rispuindût: «Tubie
jo a tî, chel che tu sês, ti dói dal nie».*

M.

Furlans in Russie

Tal 1930 Tilio Bùrcjul, di mecanic ch'al jere, al veve cjàpât un puest di sofêr a Parigj tal ministeri dai èstars. E di là al jere partît, insieme cun altris cinc veturis e une delegazion di puliticanz, viars la Russie, ch'a vevin di lâ fin a Moscje par cuissà ce afârs di pulitiche e economie.

Il viaz al jere lunc, lis stradis de Polonie in sù al jere di mètisi lis mans tai cjavêi, e intant lôr, ch'a saran stâz une ventine, si fasevin di mangjâ dibessôi e a' durmivin sot la tende dato ch'a jerin bielis zornadis d'estât.

Rivâz tes planuris dal Don, aulà ch'al jere di cori une zornade interie par lâ di un païs a di chel altri, ti cjàtin une grande foreste di rôi, di zàmars e di danis. E propit in chest bosc dôs machinis a' rèstin senze aghe.

La comitive si ferme, si plàntin lis tendis e uns quatri di lôr, armâz di gameloz, s'invîin pal bosc a cirî un poz o une fontane. Tilio Bùrcjul al jere tra chesc'. E dopo une buine ore di cjaminâ, ti cjàtin une taboghe di len cul cuviart di pae cun tre di lôr ch'a lavòrin sot di une tetôe di bande: a' fasevin caratêi pal vin o pe bire, e lis dovis si viodevin in rie, ben tajadis e splanadis, metudis a sujâ.

Un dai franzês si met a fevelâ cun lôr, che in Russie in chê volte duc' a' fevelavin franzês. Ma chêi ca no lu capissin e, voltansi al plui vieli ch'al mostrave un centenâr di agns, j dîsin: «Pai, ce lenghe fevèlial? Capistu tù ce ch'al dîs?». Alore Tilio Bùrcjul al salte sù: «Tì traj, sêso furlans?». E il vieli j dîs di sì, che lu vevin fat presonîr i todescs te uere dal quindis, ch'al jere finît in Russie, che ancje i fîs a fevelavin furlan e che lui al jere di Martinaz.

«Poben», dissâl Tilio, «vô di Martinaz e jo di Tre-sésin, no vêso un pôcje di aghe di dânus?. Furlans ch'a si cjàtin in Russie par câs, ca la man orcoboe, no vîno di fâ fieste?».

E alore lì po' 'e jere nassude una balfuerie. La femine russe dal vieli e à puartât fûr di mangjâ pan di siale, mîl, còculis e tè. Il vieli si è metût a sunâ cu l'armoniche, ch'è veve imò l'etichete rusine e smorseade di Trevîs, la sunade «Se jo 'o vès di maridâmi»; insome une robe di no crodi.

Dopo sunât, mangjat e bevût, i frutaz, jemplâz i bussuloz di aghe, ju àn judâz a puartâju fin 'es veturis, aulà che i franzês, saldo legris, ur àn dât spagnolez di chêi fins e fotografiis di feminis crotis.

A. B.

PAI STUDIÂZ

SONET CCLXXIII
IN MUART DE PARONE LAURE

*Ce pénsitu? ce cjàlistu indaûr
tal timp che plui nol torne, che tu sâs?
ànime mê ce fâtu, che tu vâs'
a butâ lens tun fûc che za nol mûr?*

*Chê vôs, chêi vôi a travanâti il cûr
che cussì ben cjantâz tù tu ju âs,
no son plui su la tiare che tu stâs
e uê dibant tu cîrs di burîu fûr.*

*Lasse i ricuarz dal timp ch'al è piardût;
lasse i pinsîrs che inmò ti fâsin câs
par altris che nus puàrtin ae salût.*

*Cirìn il cîl, co chi nuje nus plâs:
che chô bielezze a dan nô 'o vin viodût
se vive e muarte nus à cjolt la pâs.*

FRANCESCO PETRARCA

(Traduzion di Meni)

Amadio «Ama il prossimo»

Amadio al jere un omenut pizzul pizzul, ch'al po-deve benissin fâ il pâr cul reût ch'o vevin in chê volte. Al stave tal Rojâl e al lave a dutis lis sagris dai paîs in-tôr. Nol mancjave mai ai gjéspui e di lâ daûr a dutis lis processions.

J vevin dât il sorenon di «Ama il prossimo», par-vie de sô devozion.

Un an al capità a Tavagnà al Perdon dal Rosari. Al va dret in glesie e si cjate tal miez di un trop di mularie ch'e faseve davoî in te bûssule, senze nissun rispiet pal «luogo sacro».

Ma in chel moment al rive ancje il vicjari che si met a scapelotâ duc' chêi che j rîvin a tîr par ristabilî l'ordin.

Qualchi pataf lu cjape ancje Amadio che, tal fui-fui gjenerâl, nol veve fat in timp di scjampâ.

Nol veve mai piardude la pazienze in vite sô, ma in chê volte lu àn sintût a dî: «E finirà une dì ancje cheste òstrighe di religion! Si à di fâ dîs chilometri a pît par cjapâlis ancje in glesie!».

ERMES MUNINI



Lui

Amadio « Ama il prossimo »

Amadio, salve a tutti, salve a voi, al po-
dere ho dato, ho dato a voi, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro

Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro

Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro
Al vostro, al vostro, al vostro, al vostro

ERMES MUNINI

ind

VII

✠ 1 D IL SANC DI JESÙ

-
- 2 L S. Oton
 - 3 M S. Tomàs apuéstul
 - 4 M S. Lisabete
 - 5 J S. Filumene
 - 6 V S. Marie Goretti
 - 7 S S. Claudio
 - ✠ 8 D S. PROCOPIO
-

- 9 L S. Veroniche
 - 10 M SS. Rufine e Seconde
 - 11 M S. Piu I pape
 - 12 J SS. Armàcure e Furtunât
 - 13 V S. Rico
 - 14 S S. Camilo
 - ✠ 15 D S. BUINEVENTURE
-

- 16 L *Beadè Vergine dal Carmelo*
 - 17 M S. Alessi
 - 18 M S. Fidri
 - 19 J S. Juste
 - 20 V S. Elie profete
 - 21 S S. Denèl profete
 - ✠ 22 D S. MARIE MADALENE
-

- 23 L S. Brigide
 - 24 M S. Cristine
 - 25 M S. Jacun Apuéstul
 - 26 J S. Ane mari de Madone
 - 27 V S. Pantaleon
 - 28 S S. Nazari
 - ✠ 29 D S. MARTE
-

- 30 L S. Rufin
- 31 M S. Ignazi

Luj

- BOCÂL Ce miserie!
- CRESIME Oh, tu sês tù a fevelâ di miserie cheste volte,
no jo. Ce miserie êse la tô?
- BOCÂL No la mê, no la mê...
- CRESIME Oh, ma ce êsal che ti viôt propit avilît!...
Conte!
- BOCÂL Ta l'ostarie al jere Florean ch'al si bateve sim-
pri il stomi par di ch'al jere un omp di valôr:
jo cussi, jo culâ, e jù memòriis des sôs glò-
riis... Se tu vevis bisugne di alc, lui al veve za
judât duc'; s'al jere di difinditi, lui al veve za
difindût...
- CRESIME E alore?
- BOCÂL Alore, nossere al jere ta l'ostarie no dome
Florean, ma ancje Venturin... Ce miserie!
- CRESIME Miserie, Venturin?
- BOCÂL Miserie, Florean!... Che Venturin... Ce mise-
rie!
- CRESIME Miserie, Venturin?
- BOCÂL Miserie, Florean!... Che Venturin al veve bi-
sugne di bêt e chel altri, amion, fradi, ch'e àn
vivude dute la vite insieme, sastu ce che j à

dât? J à dât peraulis di confuart, batinsi il stomi. «Sastu, jo», al spesseeve a dij batinsi il stomi, «par te 'o fasarès dut... ».

CRESIME

Ma par lui nol podeve fâ nuje.

BOCÂL

Justeapont! Nol podeve fâ nuje, ma cun dute la gjenerositât. Al dis il Strolc:

*Ce che la vite 'e je tu savaràs
daûr di chei amis che tu varàs.*

Ce ch'al è il matrimoni? La Divine Comedie par ledròs: prime il Paradis, dopo il Purgatori, dopo l'Infiâr.

GNOT SUL TAJAMENT

*Nome par me, 'e je nome par me
cheste gnot che s'implene di pâs
sul Tajament.*

*La lune 'e cjarezze lis spuindis
e il sunsûr dolz des aghis
al è il respîr dal Friûl
che m'imbrasse fuart
la mê anime strache.*

*'O ài pojât planchin
une barcjute di cjarte
su lis ondis cujetis.
«Va là pûr a slàs
pizzul riflès dai mêi siums».*

*Ancje chestis mès peraulis
a' son barcjutis di cjarte,
e jo 'o sarai content s'a tocjaran un cûr
su chê altre spuinde.*

PER GIORGIO MANUCCI

Savê compuartâsi

Tal 1933, co a' fasevin lis busis par meti l'acquist a Trésesin, a' jerin tanc' di chêi disocupâz che, par dâj lavôr a duc', ju cjolevin a turno. Il contrat però al fevelave clâr: in vot oris di lavôr, l'omp, cu la pale e il picon, al veve di fâ une buse fonde doi metros, largje un metro e lungje siet. Senza badâj al teren fof o dût ch'al fôs.

Ven a stâj che la chipec di Rizieri a Luserià ti cjate una matine une striche di teren tant dût ch'al jere come petâj sul fiâr. Al sunave misdî che chêi cinc lî no jerin lâz plui in sot di dôs quartis. Alore a' dezzidin di bandonâ, parvie che se un nol rive a' fâ siet metros par doi e par un al vignive mandât subit a cjase come bon di nie. Il sindacât dal Fassio al resonave cussî: al oleve che la int a' fossin duc' fuarz; e, se nô, ch'a mettessin i dinc' su la grâtule.

Rivât sul puest il capuzzat, ch'al jere Muezzan, viodint ch'a vevin fat pôc e nie, al scomenze a berlâur e a diur che la sere a' passassin tal ufizi a cjoli la liquidazion, che lui di bogns di nie come lôr nol saveve ce fâ. Alore chêi, sentâz cui pîs te buse, a' rêstin duc' ingussîz; ma no il Gnìn che la sô zornade al saveve di sêise meretade. Al salte in pins, al ti cjape Muezzan pal cuel e cun doi cerforâi te muse lu bute te buse, là

ch'e jere plui fonde. Po' al scomenze a taponâlu cun paladis di tiare. I soi amîs j dîsin s'al è mat, j sàltin in-tôr, a' liberin il capuzzat, j spàchin la tiare ch'al à in-tôr, j domàndin scuse par lui. Chest ca, senze dî une peraule, al monte in bicilete e al file vie cidin.

La sere, tal ufizi, chêi de chipec di Ranieri a' vègnin duc' pajâz e mandâz vie come ch'al dîs il contrat. Fûr che il Gnìn che, dal verbâl dal capuzzat, al risultave ch'al veve scavât regolarmentri siet metros par lunc, doi in sot e un in larc.

A. B.

Se qualchidun si lu cjate che par nature al séi puartât a fâ plui vultintîr il mâl che no il ben, disêt siguramentri che chel nol è omp, ma bestie o mostro; parcè ch'al mancje di chê inclinazion ch'e je naturâl a duc' i omps.

Francesco Guicciardini. Ricordi. LXXXV

DIARI

*Eco, e cumò Juventus, Inter, Rome,
cjapât ch'o vin il Zico,
'o viodarês chest «Udinês» ce frico!*

M.

Sàbide 22 di luj dal 83

Parcè i tifôs furlans clàmino la lôr
squadre di balon «Udinês» in lûc di «Udi-
nese»?

Al è come se i fiorentins a' clamàs-
sin la lôr squadre «Fiorentin» e no «Fio-
rentine», e chêi di Triest la lôr «Triestin»
e no «Triestine».

Alore, o «Udinese» opûr (come il
Napoli, come il Bologne, il Cesena, il Mi-
lan, e vie vie) claminlu l'Udin.

CURIOSITĂZ

Il famôs sfuei francês «Le Canard enchainé» al à pandût che in Franze si à vude une imbrojade di un dusinte miliarz di liris talianis cul truc di areoplans, inventâz di un talian, ch'a varessin vûz argagns par nasâ dutis lis ricjezzis platadis sotiare, segnânt i ponz là ch'al è di sbusâ.

A' son lâz di miez i nons di unevôre di sorestanz grandons.

*

Roy Tapping, contadin di 25 agn, che une machine agricole j à zoncjât un braz, al à fat une corse di plui di un chilometro cun chel braz te man di chel altri. Tal ospedâl j à tignût il braz distacât te glazze par une gnot e la matine dopo j al à tacât, cun tune operazion di microchirurgie.

*

Il parcè che Goffredo Parise al à titulât un so biel libri «Cara Cina» si capissilu unevôre ben dai faz ch'al à contât, ma ancje di altris faz ch'a suzzêdin in chel païs. Come, par esempi, chel, contât dal «Quotidian dai operaris» cinês, di tre contadins dal Hunan ch'e à cjatade une pepite d'aur, di 21 kilos e 608 grams, e a' son lâz a consegnâle ae Bancje de Cine. Alore, co la Bancje 'e à viodût ch'a son salz onesc' e lavoradôrs, ur à dât un premi di tremil kilos di ledan chemic.

Furtunis

Agn indaûr in tun paisut de Cjargne, sot il Coliàns.

'O jeri lâ a passâ chês trente zornadis di fêriis tune locande ch'e jere ancje ostarie, adulà che la sere 'e vignive int a bevi chel bùssul e a fâ chê partide di cjartis.

Dopo un pôc 'o jeri jentrât in amicizie cun chêi pôs intimpâz ch'a vivevin tal paisut (che la zoventût 'e jere dute pal mont), e 'o passavi chês oris cun lôr che mi contavin de vite vivude e de vite ch'a menavin: pocje fuarze par lâ a seâ su pe mont o par lâ a tajâ lens di vendi: juste sbisiâ tal ortut, seselâ chel alc pai cunins... E pôs bêz. Pensionutis di podê ape ne cjoli il tabac. Tirâle, insome.

Une sere devant cene, ch'o jeri in chê ostarie a fâ chê briscule cun tre di chêi gnûs amîs pensionâz, al jentre un che no cognossevi, ben vistût, sui sessante sessantecinc agn, ch'al salude cun calôr i miêi sozios prin di lâ al banc cun altris di lôr a bevi ce che j pareve.

No lu cognossevi, e tune polse di zûc ur domandi a chêi ch'o zujavi cun lôr: «Cui îsal chel siôr?»

«Al è di chi. Furtunât come pôs. Al à plui pen-

sion lui che no nô tanc' ch'o sin. Une furtune che mai».

Al jere, puaret, un pensionât di prime categorie de prime uere mondiâl. Fràit patoc.

«Fortunât... ».

O.

Savêso vualtris ce ch'e ûl di la peraule «bîntar»?

'E ven dal todesc «Winter», ch'al sarès «inviâr».

Bîntar al jere une volte chel operari ch'al restave ancje d'inviâr tal forest a dandanâle invezi di tornâ a cjase. Uê si clâmilu bîntar un omp dissordenât, sregolât, strassagjorni.

Barbe Cricjo

Dopo un grant slambri di vite passât in Argjentine, al è culì in Friûl Spartaco, fi dal nestri Chino Ermacora: l'unic fi aromai, dal moment che Marino al è muart in Gjarmànie.

Spartaco lu vevi cognossût za agn a Buenos Aires, cu la sô Angela e Pauli, il frut.

'O disevi ch'al è culì par cjatâ la fate di sistemâsi cu la sô fameute in Friûl, dulà che dut j fevele dai agn de zoventût e j ai ricuarde adun cun chês speranzis che une vite di emigrazion, avonde pôc grasse, 'e à sfantât senze redênzie.

E cetant vîfs ch'a son chêi ricuarz e cemût ch'a scòtin tun'anime come chê di Spartaco che 'e somée tant gajarde ma 'e clupîs sotvie une sensibilitât di frut.

Cheâtre dì, par dîle, al à tirât fûr de sachete une cjartute vuluzzade, tant pizzule, e m'e à viarte a planc, mostranmi cun tun fâ tant delicât ce ch'al jere dentri e po' mi à cjalât come par dîmi: «Induvine?!».

Jo 'o ài scrusignât chel tant propit par no riscjâ di tirâ le bale masse lontane dal balin... e j ài rispuindût: «Fruzzonuz neris di... di...».

«De scusse di une nestre vecje vît di Daprât; une vît», al à vût la braure di concludi lui, «che dal sigûr la veve atindude ancje puar gno pari. Gno pari... fi dal

Ros di Balot... Sastu che gno nono lu clamavin il Ros di Balot?».

E al à tornât a invuluzzâ cun rispiet chêi fruzzonuz te lôr cjartute, logant di gnûf tal tacuin chel capitâl, biel che doi lagrimons j vignivin jù pe muse, tant precise di chê di Chino.

Ma Spartaco al è bon di parâ vie dal moment il marum che j strenz il cûr te smuarse e al torne legri e morbinôs fasint cori la sô peraule fuarte e gustôse tun furlan misclizzât ogni tant cun alc di castigjan.

«Sint po', viejo», mi dîs, «a propuesit di vît, di ûe e di vin, ti à mai contade che dal barbe Cricjo?».

«No tû», lu fronti a colp jo, seneôs di scoltâ une des sôs, simpri tant gustôsis e po' veris e cussì ben petadis.

Ven a stâj che barbe Cricjo al jere za indenant cui agn ma simpri alc indaûr cu la sêt. E chêi di cjase, alore, a' tignivin la cantine sot clâf.

Ma par un che te vite al veve simpri scugnût rangjâsi, unê clâf j faseve apene vôi di ridi. Une smicjade di voli a Bepo fari, cu la sensarie di une gavete di nostran, e la puarte de cjâlive no veve plui misteris par barbe Cricjo. Bastave fâle di scuindon, si capîs, pulît, calcolant i momenç plui strategjcs de zornade.

E cussì 'e je lade indenant sepi Diu trop a lunc, biele slisse che la petave. Barbe Cricjo al si scolave un pâ di gavetis ogni viaz, fòssial di clinto o di merecan, ma a ogni viaz, un'altre gavete, plene, la platave par-

sore di une balconele fûr di man, par bèvile quanche il remenâ de clâf pustizze te clavàrie de cantine, in oris pôc sanis, al podeve movi qualchi suspìet in chêi di cjase.

Par altri, barbe Cricjo nol veve fat i conz cu la mularie che nie no ur scjampe e ch'a vevin scuviart il postament de gavete su la balconele. No ch'a volessin mancjà di rispìet a la sêt di barbe Cricjo, ma nome spiticâsi di petâj une birbantade di chês sauridis.

I caporions a' jerin Zilugne, Pavêr, Tèmul e Neron, venastâj Spartaco.

La lôr fantasie 'e destinà inalore di inneâ, tal plen de gavete platade, uns quatri surisutis di nît, di chês blancjutis, come ch'a son apene nassudis, pitininis tant che une òngule di cristian.

Svuedade ch'e fo la gavete te balconele de bande di barbe Cricjo, chêi bintars di nevôz a' tacàrin discors cun lui, butanle là, come par câs, su la impinion ch'al veve al riuart dal vin di cjase.

«Bon», al rispuindè sigûr di sè barbe Cricjo, «Bon! Pecjât.... chel fregûl di flôr....».

A. P.

Fruzzons

Si jerin cjolz masse zovins e masse in premure
e no lavin d'acordo par nuje: di no podê viòdisi!

Alore i amîs, dopo di vê cirût dibant di uajâju, j
disin a jê: «Dividéisi»; j disin a lui: «Dividéisi».

«Lui, ce disial?», ur domande jê.

«J starès dal sigûr», j rispûndin.


«Nò, chel gust no j al dói».

«Jê, ce disie?», ur domande lui.

«Contentone!».

Ur rispuint: «Nò, chê sudisfazion no j 'e dói».

E a' son là...



M.

I fruz a' cjàtin il dut in tal nuje, i omps il nuje in tal dut.

Leopardi. Lo zibaldone (11, 43, 2)

PIORIS

*Tra sterps e claps de Fele
al passe un flum di piôris
ch'a tòrnin dai passons:
un flum di lane vive
sborfàde dal soreli
di fin setèmbar.*

*Daûr 'e va la sere
cul so prin quart di lune
parsôre dal Cjanâl.*

MARIO ARGANTE



PÂTERNITĂZ

*Chel osti di Menut
ch'al crôt di savê dut!*

*Al cjate za pôs dîs
la Nute ch'e à une frute di pôs mês.
«E cheste creaturute», j dîs 'e Nute,
«la tô frutute, nomo?». «La mê frute».
«O ce bombon ch'e je! ce pipinute
ce carubin di fie, ce tortorele!
Ce non j âtu metût a cheste stele?».
«Adele». «O rôse biele,
o bocje di zidele, o voli laril!».
Al zonte: «Dut so paril!».*

*So pari! Lu sa lui!
E nancje jê, la Nute, no sa cui!*

M.



Ayost

PAROCHIALE

Chel mîi dî
 e' al cîi dî

Al cîi dî
 la Dîe dî
 «E chel dî
 pla tî frî
 «O cîi dî
 cîi dî
 Cîi dî
 «Adelî
 «Cîi dî
 Al cîi dî

Se porî
 Enzî

1209E

VIII

1 M	S. Alfons	
2 J	S. Eusebi	
3 V	S. Lidie	
4 S	S. Zuan Marie Vianney	☺
✠ 5 D	MADONE DE NÈF	

6 L	<i>Trasfigurazion dal Signôr</i>	
7 M	S. Domeni	
8 M	S. Gaetan	
9 J	S. Roman	
10 V	S. Lurinz	☺
11 S	S. Clare	
✠ 12 D	S. ILARIE	

13 L	S. Puèlit	
14 M	S. Fredo	
✠ 15 M	MADONE D'AVOST	
16 J	S. Roc	
17 V	S. Juliane	
18 S	S. Eline	
✠ 19 D	S. ZUAN EUDES	☺

20 L	S. Bernart	
21 M	S. Piu X pape	
22 M	<i>S. Marie Regine</i>	
23 J	S. Rose di Lime	
24 V	S. Bartolomio	
25 S	S. Ludui	
✠ 26 D	S. SANDRI	☺

27 L	S. Moniche	
28 M	S. Agustin	
29 M	<i>Martueri di San Zuan Batiste</i>	
30 J	S. Gaudenzie	
31 V	S. Aristide	

Avost

- BOCÂL Oh, Cresime, Cresime, anìn al mâr!
- CRESIME Cemût? Parcè?
- BOCÂL No sîntistu ce cjalt? Ta l'aghe si rinfrèscjsi, si ristòrisi, si gjolt... Ce cjalt! Si puèdial mo respirâ? Anìn, ch'al pò stâj che ta l'aghe ancje tu ti inèis, e dopo no tu sîntis plui chest cjalt!
- CRESIME Parcè vuelistu la mê muart?
- BOCÂL Parceche no puès plui vivi cun te.
- CRESIME E senze di me, podarèssistu vivi?
- BOCÂL Sì, tant!
- CRESIME E cun ce podarèssistu vivi co jo no fòs plui?
- BOCÂL Cul vin.
- CRESIME Disistu la veretât?
- BOCÂL Cemût no?
- CRESIME Alore, cul vin?
- BOCÂL Cul vin.
- CRESIME Po no âstu simpri dit ch'o soi jo la reson che tû tu scugnis bevi?

BOCÂL

Ben... alore?

CRESIME

Co jo no sarai plui, no tu podarâs plui bevi,
che ti manjarà la reson. Cheste le à profetade
il Strolc tal 1001:

*Il pês de vite tu lu cjatarâs,
juste par chel, ninìn, tu vivarâs.*

*Vita breve e morte certa.
Di morire l'ora è incerta.
Un'anima sola che si ha
se si la perde, che sarà?*

Mé none

Fruzzons

Alore une mieze dozene di amís di Felet a' stabilissin di lâ a fâ une pacjade sui prâz. «Tù tu puartis sís trutis di un miez chilos da l'une», «Tù tu puartis tre chilos di formadi di latarie»; «Tù tu procuris ce ch'al covente par fâ lis trutis su la gridele», «Tù chêi tre chilos di sivilož di cuinzîaju cul pestó», «Tù tu rimèdiis 'ne damigjanute di uns vincjecinc litros».

«Vincjecinc litros!», al dís chel che j àn comandât di praviodi chesc' vincjecinc litros; «no us pàrino masse?».

«Par nuje».

«A 'n' vanzarà. 'O sin in sís».

«Chel ch'al vanze, si bèvilu».

*

Pisto j à domandât a Nejo cincent francs in prèstit, e Nejo j ai à imprestâz. Podopo j à dit a Pisto: «E cumò 'o orès savê cemût e quânt che tu m'ai tornârâs».

Pisto j à rispuindût: «La volte ch'o ti 'ndi domandarai altris cincent, tu fasarâs di màncul d'imprestâmai».

M.

IN FÈRIIS

*Tunin e la sô Crôs pensât e' àn
di lâ a passâ lis fèriis a Lignan.*

*Ma e' àn il nono in cjase, ch'al è vieli
e sec, patît e lunc: un cesendeli;*

*e un gjat, e un cjan. Cussì, par podê lâ
senze pinsîrs di sorte, ce di fâ?*

*J àn rasonât parsôre dutaldì,
podopo e' àn stabilît di fâ cussì:*

*il gjat, lassâlu libar in paîs
dulà ch'al pò cjatâ lis sôs surîs;*

*il cjan, su la lôr màchine cjamâlu
par dopo, a mieze strade, scjariâlu;*

*pal nono, un miedi che lu cjati mâl
e che lu fasi lâ tal ospedâl.*

M

DIARI

A' son agn ch'al ven fat un «rally» tal Chenia.

Coridôrs di automòbii cu lis machignis plui perfezionadis e sofisticadis a' van jù a scanâsi su stradis tun pulvin di miez metro, busis, cjariadòriis fondis come canâi, senze colonêi e signâi, senze céis, cun jarbatis sul ôr a cirî di incovâlis, baraz...

In tal Chenia. A cinc mil miis da l'Italie...

'O parcè no vignîso cassù a Feletan ch'o stâis màncul, fantaz? ch'o rivâis tic e tac, senze spindi tanc' bêz, senze fastidis di sorte?

Su la strade che di Feletan 'e mene a Luvinà e a Tresésin par Monastêt, o su la strade che le àn battiade «dei roncs», ch'e je tant che une Urane o un Zimôr o une Tôr su par Musi o un Cuarnap, viodarês ce «rally»!

Su la cumunâl ch'e mene a Tresésin e a Luvinà, i colonêi, là ch'a son, no ju viôt nancje Diu, di tant alte e fisse ch'e à la jarbe sui ôrs e di tant in ca che j vègnin parsôre vie lis zimis des agazzîs, dal saût, dai noglârs salvadis, dai uârs, de vididule.

E su pe strade «dei roncs»... ce Chenia ve', amîs!

M.

15 d'avost dal '83

La «Sprite»

Lunis 18 di luj. 'O soi par qualchi dì a Lignan a cjàpâ il soreli cu la femine e la frute. La zornade 'e je une maravèe: il mâr net, cujet, il cîl saren e un cialt cussì just ch'al invide subit a fâ il bagno. Cu la frute, difat, 'o passi quasi dute la matine, come une razze di canâl, a svuatarâ dentri e fûr de aghe: une gjonde tâl che nus pâ, a mì e a la frute, di séi tun paradîs... E cussì, biel ch'ò si bagnìn e 'o lìn dentri e fûr de aghe, al ven misdì.

La femine, che in dut chel timp 'e je stade invezit a cuéisi la muse e il cuarp sot dal soreli, a un ziert pont nus clame e nus dîs: «Sintît mo, stant che la zornade 'e je cussì biele, ce disarèssiso se 'o lès un salt a preparâ un quatri panins cul salam e po ju mangjassin culì sul savalon?».

E nô: «Magari! E va di corse, ancje, ch'ò vìn fan e sêb».

E la femine 'e va. E nô doi, stracs e plens di fan, si distirìn cidins sot dal ombrenon, in spiète.

«Ce bon un panin cul salam», 'o pensi, «e ce buine une biele bire frescje di gloti biel planc cul salam...».

Dopo un trequarz d'ore, la femine 'e torne ridint cun tune sportute blancje. «Vêso fan?», nus dîs.

«Ce, poi!».

«Poben, ve' ca di mangjâ e di bevi».

E de sportute blancje 'e scomenze a tirâ fûr i panins: un ae frute, un a mî, un a jê, e un di riserve.

«E di bevi?», 'o dîs.

«Un moment», mi rispuint.

E de sportute e continue a tirâ fûr un yogurt pe frute, une «Fanta» inmò pe frute, une «Fanta» par jê, e par me, ch'o ài la gole dute sute e che 'o soi lì ch'o spieti di bevi une biele bire magari glazzade, mi tire fûr une «Sprite».

Sì, une «Sprite».

Par un moment no viôt plui nuje. 'O ài dut un scûr denant di me. 'O stoi par vosâ, sacramentâ, dî alc e ce ma po mi traten, 'o pensi un moment e 'o tâs: nol è il câs che par une «Sprite» mi ruvinì une zornade cussì biele. 'O cjapi il panin e 'o scomenzi a mastiâlu: un pôc cun rabie e un pôc cun fan, ma no mi rint. La «Sprite» no la bêt. Nancje une gotel!

A costo di restâ scjafoât, no vuêi passâ ae storie come il prin furlan ch'al mastie pan e salam, e al bêt... gasôse!

EDDY BORTOLUSSI

DIARI

In chesc' dîs in Finlandie a' son in cors i campionâz mondiâi di atletiche lizere e finalmentri la television taliane si fâs viodi tant vultîr tai dopomîsdis par oris e oris.

Mascjos e feminis di centecinquante paîs di chest mont a' còrin, a' saltin in lunc e paràjar, a bùtin plui lontan ch'a puedin balis di fiâr, discos di fiâr, lanzis...

E tante int a cjalâ su lis scjalinadis 'totatôr dal cjamp.

Mi fermi su lis feminis. Blancis e neris, cu lis lôr majutis strentis ch'a puàrtin i distintîfs de nazion di ognidune, cu lis lôr mudandutis setadis, al è propit un gust a cjalâlis. Ma al è un gust che nol jès tant de bielezze des lôr figuris, des lôr liniis, des cuessis ch'e àn (che lôr chêi capitâi lì no ju ostèntin, no j tègnin. A' son, e nol zove). Al è un gust a cjalâlis atentis, impegnadis come ch'a son tal parecjàsi al lôr salt, ae lôr corse, frontâz i pîs sui blocuz de partènzies; al lôr gjoldi co il salt ur riès, o al lôr avilîsi (senze, paraltro, dramatizâ) co no rîvin là ch'a tenvavin. E po' a viòdilis impins, une, dôs, tre... prime, seconde e tiarze, su lis pedanis a cjapâ lis medais, d'aur, d'arint o di bronz, a saludâ cui braz alz la int

dulintôr, e a dâsi la man dutis tre une cu l'altre...
Une fieste di zoventût!

*

Instès in chesc' dîs a Grau si sielz la «reginetta di bellezza».

Trentecinc pulzetis a concori, miezis nudis sul palc. Juste doi pezzotuz a taponâ i zupignêi, juste un triàngul di tele a taponâ il nît par chel pôc. E lis clapis a viart, e lis cuessis a mostrâlis cetant vultîr cun bocje da ridi. Ma di un ridi stereotipât, fêr. E ogni tant a mòvisi chel nuje puartant un pôc inde-nant mò chêste mò chê altre cuesse ai fins che duc' viodi chêi de platèe...

'O pensi: feminis chês, feminis chestis.

Sarà... !

M.

Avost 1983

Quant che i trisc' e i ignoranz a' govèrnin, nol è di smaraveâsi che la virtût e la bontât no sédin preseadis; parceche i prins lis odèin, i seconz no lis cognòssin.

Francesco Guicciardini - Ricordi. I - 179

Scais

Sisto al veve cjadade une multe parvie che nol viazave ben cu la machine, e al begherave: «Par me Nerone al è stât il plui grant imperatôr di ogni timp».

«Cemût Nerone? Parcè propit Nerone?».

«Parceche nome lui al à vût il coragjo di brusâ Rome».

*

«'O ài sintût che tu âs cjatât di lavorâ».

«Sì»,

«E trop ti pàjno?»

«I prins tre mês nuje, parcè ch'o soi in prove; po-dopo, se dut va ben, mi àn imprometût di dopleâmi la pâe».

*

'O ài let sul sfuêi ch'o cirîs un garzon cul triciclo, îse vere?».

«Sì; sêstu disponût a vignî a lavorâ cun noaltris?»

«Nò. Jo 'o soi vignût a dîus che no ài il triciclo».

*

E sagre anuâl di Migèe, dal 1977, biel che duc' si divertivin, a' tàchin a sunâ lis cjampanis. La orchestre

'e ferme subit di sunâ e la int si cjàlin in muse come par domandâsi ce ch'al suzzêt.

Marino Zamar, l'organizatôr de fieste, ch'al saveve il mutîf di chel scampanotament, al monte sul palc de orchestre, al cjape in man il microfono e cun dute calme al dîs: «Continuàit a balâ e a divertîsi. Nol è suzzedût nuje. Al è muart il Pape».

*

Vitorio Vanon di Gardiscje, ch'al à piardût un voli sul lavôr, al use a dî: «Jo e la mê femine no rivin mai adore a fâ un discors a quatri vôi».

VICO BRESSAN

Dibessôi, ce deventarèssino? Une prede pai nemâi, vîtmis senze difese. Chêi altris nemâi e' àn vonde fuarze par gjavâse dibessôi: destinâz de nature a une vite di passâle ce ca ce là, a' son stâz furnîz di bogn miez di difese. L'omp al è cerce-nât de sô debolezze e nujaltri: nol à sgris ni dinc' di cenglâr o di tigre par fa pôre a chêi altris; nût e debil, al à la sô fuarze te sozietât.

Diu j à dât dôs robis che dal so jéssi il plui vulnerâbil, lu àn fat il jéssi il plui fuart: la reson e la sozietât. Cussì chel che tal isolament al sarès il sotan di duc', al è il paron dal mont.

Lucio Anneo Seneca

IL GNO VIAZ

*Zorne, anime mé,
dute la gjonde dal vivi
ancjemò une zornade,
e dopo ancjemò une,
e po' ancjemò ancje,
sul mezzât de nestre tiare.
Incèiti tes sôs bielezzis
ch'a sbròchin di lunc
la giostre des stagjons.
Moreste te tô panarie
il levan di afiet
sintût fin sul vîf
pal nestri Friûl.
Ten zornât, anime mé,
chestis mindûsiis
di colôrs e savôrs
che mi smalitin dentrivie,
ancje dopo il gno viaz.*

GIOVANNI MARIA BASSO

CURIOSITÂZ

William Happledy, un scozês grandon rivât a Gubbio cun tune grande bicicletone, al à denunziât i miedis dal ospedâl là che j vevin gjavade l'inzessadure a une gjambe, jessint che no j vevin tornât ce che j vevin gjavât e, in particulâr, i conis da l'inzessadure.

*

Si ricuarde un omp di 535 e une femine di 399 kilos, ma aromai nissun si vise di chel tâl che cu la stature di 1,70 e il pês di dome 21,7 kilos al si presentave cul non di Eddie Masher. La femine plui lizere 'e fo la messicane Lucia Zarate (1863-1889) che a 17 agn 'e jere di 67 centimetros e di 2,13 (doi e tredis) kilos.

*

Par fâ sparagnâ timp ai clienz, un barbîr di Lipsie al à metût te vetrine de buteghe un semâfar: il ros al pant ch'a son in spiete plui di sîs clienz, il zâl di doi fin a sîs, e il vert dome un o doi.

*

Daûr di studis faz te Berkeley University, tai Stâz Unîz, cu la cjocolate si cure l'ansie, la depression, la cjadude dai cja-vêi, la dispossenzie e altris mâi di chê fate. Un cors in materie al à vût un grant risultât di partecipazion.

Tresemanis

Carli de Piane e Ulivo, ch'a vignivin dal Chenia, a' jerin lâz in Svüizzare a fâ un zîr. E a Coire a' lavin pai otêi a domandâ une cjàmare par durmî, fevelant par talian, e duc' ur disevin che no vevin puest. Alore Carli de Piane si è visât di une robe ch'al veve sintût a dî a Nairobi: ven a stâj che i Grisons a' son nestris cusions. E j dîs a Ulivo: «Cumò lasse ch'o feveli jo». Infatti, jênrâz tun otel, j dîs 'e parone ch'e stave daûr il so bancut: «Siore, âe une cjamare par nô doi?». E je a colp: «Furlans, nomo? Par vualtris 'e je simpri». Carli si volte a Ulivo e j dîs: «Viodistu ce ch'al ul dî séi furlans».

*

Caisèl, Zus e Marcuz à vevin tacade la briscje par lâ a menâ tal manicomi Marcocjo che di un pôc di timp al zavariave. Ma, rivâz a Tavagnâ, come quatri amis in frae, si jerin fermâz al «Gjardino» a bevi une tazze e' salût di Marcocjo che, tal bevi, nancje lui nol stave indaûr. E cussì 'e àn fat a Branc, a Felet, in Cjavrîis e a Udin.

Fato sta che co a' son rivâz tal manicomi, a' vevin une plombe tâl che lajû no savevin cui ch'al jere di

tignî dentri. Alore ju àn tignûz drenti dute la gnot duc' insieme; e nome tal doman, co e' àn cjetadis lis cjartis, i tre amîs e' àn podût tornâ a cjase.

*

Di tant tacât ch'al jere 'e sô parone, lu clamavin Pieri Femine. Parvie che no jere robe di chest mont aulà che la sô femine no jentràs. Se a' fevelavin po' di mâi, Pieri al saltave sù dal infalibil: «Di duc' i mâi, il piês al è il mâl di schene».

Alore lôr, che lu cognossevin, j domandavin: «Ma Pieri, il mâl di schene, tù lu âtu?». E lui: «Jo nò, ma ben la mê femine ve', lu à».

A. B.

Il passât, a visâsal, al è plui biel dal presint, come il timp a vignî a figurâsal. Parcè? Parceche nome il presint al à la sô vere forme te concezion umane; al è la sole inficje dal vêr; e dut il vêr al è brut.

Leopardi. Lo zibaldone (111, 209, 3)



Setembar

IX

- ✠ 1 S S. Gjodio
2 D S. ELPIDI



- 3 L S. Grivôr
4 M S. Rosalie
5 M S. Jordan
6 J S. Umberto
7 V S. Regine
8 S *Madone di setembar*
✠ 9 D S. SERGJO PAPE

- 10 L S. Nicole di Tolentin
11 M S. Proto
12 M *Il Non di Marie*
13 J S. Zuan Crisostomo
14 V *Esaltazion de Sante Crôs*
15 S *Madone indolorade*
✠ 16 D S. CORNELIO



- 17 L S. Robert
18 M S. Sofie
19 M S. Zenâr
20 J S. Cjandide
21 V S. Mateo apuêstul
22 S S. Maurizi
✠ 23 D S. LINO PAPE



- 24 L S. Gjerart
25 M S. Aurelie
26 M SS. Cosme e Damian
27 J S. Vizenz de' Paoli
28 V S. Venceslau
29 S SS. Michêl, Gabriel e Rafael
✠ 30 D S. JARONI



Setembar

CRESIME Za tornât des fêriis? Po no jëristu jù pa l'Italie?

BOCÂL Po sì. Ma 'o soi tornât.

CRESIME Cemût mai? Vèvistu nostalgje di me?

FRACANAPA Nostalgje de ela?

BOCÂL 'O stavi tant ben che mai, 'o mangjavi e 'o bevevi unevore miôr di ca...

FRACANAPA Te mangiavi, te beveviii... E mì gnente?

BOCÂL Ca il taj tu lu pais quatricent brancs e plui, e se tu olsis a fâ qualchi osservazion sul presit i ustîrs a' disîn la peraule magjche «Collio» e ti stròpin la bocje.

CRESIME Colio?

FRACANAPA Co-co-co-colio?

BOCÂL «Collio», cun dôs èlis. Al è dut «Collio» culi, pardut, e pardut la iînt 'e ûl vin bon. Ustu chel trist, tù?

CRESIME Jo nò, ve'.

FRACANAPA Mi gnanche, mi gnanche, e tì gnanche e lu' gnanche!

BOCÂL «Collio», alore. Nissun ûl bevi vin trist.

CRESIME Ma tû sestu tornât, alore, parceche in Italie al mancje il Colio?

BOCÂL Po nò. Ti ài pûr dit cetant ben ch'o bevevi! L'Italie 'e je une grande nazion, là che ti dâ un quart di vin bon par dusinte francs, e an-cje tu mangjs ben di bot a gratis.


FRACANAPA A gratis? Mì vado!

CRESIME Ma alore?...

BOCÂL Alore 'o soi tornât par no bevi masse e lâ a finîle tal ospedâl. Che culî, cun chel ch'al co-ste il «Collio», tu ti salvis, che no tu puedis mico fâ vignî jù i bêz dai cops!

FRACANAPA El dise el Strolego:

*La tua salute tì te la difendi
co te ga pochi soldi e no te spendi.*



Fum

Meni al veve scugnûl lâ tal ospedâl ch'al veve vudis cinc cuestis rotis e forât un palmon. Al veve stât dentri uns corante dîs, podopo chêi brâs miedis che lu vevin inblecât pulît lu vevin mandât a cjase cu la plui vive racomandazion di lassâ stâ i spagnolez s'al oleve tirâle indenant. Il professôr capo, in particulâr, j veve dit, cjalanlu tai vôi, cun chêi vôi ch'al à che ti fòrin: «E d'ora in poi niente fumo, caro ragioniere, se non vuole lasciarci».

Meni al à fat di màncul di fuma par cinquante dîs, ma dopo i cinquante dîs nol à podût plui stratignîsi e al à tornât a pipâ.

Lelo al conte: «Al à tignûl dûr par cinquante dîs, podopo al à tornât a fumâ, che, se no, al sarès muart».

O.

Preàit il Signôr di no cjatâsi là che si piart, parceche ancje se no sarês in colpe 'o sarês simpri incolpâz, ni no si pò lâ su dutis lis plazzis e i pùlpiz a justificâsi; cussì chel che si cjate là che si vinz al è simpri laudât ancje senze so merit.

Francesco Guicciardini. Ricordi. I - 146

La Passion

1 - IL GNO PAÏS

Il gno païs (ch'al è simpri stât in'nomenât pe sô bieie campagne grasse di blavis e pai siêi boscs di rôî, di olms, di noglârs, di olnârs, di quàrgnui, di spizzecûi, di moris di baraz, di miluz salvadis e di boz di mîl insauride des acàzzis e dal salmastrin ch'al ven sù da la marine: ... (robe di còjars, che si sa), al vè ancje lui la sô brave impuartanze in Friûl, par un dis agns, prime de seconde uere mondiâl, par une reson che, sfracajant la materialitât dai còjars, si jeve adalt te spiritualitât dai savinz: une reson che à lidrîs in te culture, ma in chê impegnade, come che si dis in tal mont di uê, parcè ch'al fo nuje mancûl che la ... «fârie» di une tâl ativitât teatrâl ch'e ur faseve rabie a duc' i païs dulintôr, che pûr a' vevin lis lôr compagniu-tis, e parfin a Udin, ch'a'n' veve un pâr e simpri in vòre.

E di chê «fârie» sî n' fevelà a lunc ancje sui sfuêis. E simpri ben.

Il fat al è che i teatranz dal gno païs no si piardevin cun fûfignis di ridi o cun bisignelis di passetimp, ma ti frontavin lavorons di cjâf (e par talian, eh!, che in chê volte par furlan no si podeve, pe improibizion dal Fassio) imbombâz di storie, di filosofie e religjon, come chêi dal Èlar che, duc' si sa, al fo un autôr furlan che, tal teatro, j stavin pôs al pâr ancje in Italie, cun dut a chel che, come predi, al vès vût di stâ dentri di putròs dai limiz imponûz dal gardenâl Rafael Merry del Val, in lote cuintri dai modernisc', dopo dex «*Pascendi gregis*» di Leon Decim.

2 - PRE TITE

A impiâ il fûc de «fàrie» che, dal tì al mì, 'e infogâ di passion il paîs intîr, al fo il plevan, pre Tite: un tegnadiz di cjar-gnel che, saltadij une indèe tal cjâf, 'e jere za metude in vòre e no jerin sanz a disvoltâlu. Al jere un pizzulat di predi ch'al butave a cràcul, une muse cul nâs schiz di someâti un nànul intajât tal pez, ma un cjâf plen di sapienzie e doi vogliz che ti foravin l'anime. Nol jere il câs di mètisi par fâje. Qualchidun ch'al tentà (e ancje un pâr di sorestanz) al restâ squajât o si 'n' lè cul nâs gotant. E si à di dí, po, che nol jere tant docil e mugnestri, ne cu la politiche dal timp, ne cu la Curie, che si jere metude a olmâ in tra dai predis, pe «*Pascendi*» ch'o ài dit, duc' i cjaviestris e lis modernitâz. No che s'infotàs, ma, la politiche, la tignive badade cul argalif da la gabane, e la Curie, cu la teolighe dal «mâl no fâ, pôre no vê». E cussì, cu la scuse di fâ teatro, ti rancurà, si pò dî, dut il paîs, fruz, zovins e viêi, feminis, vedranis e polzetis, in tun Circul di imbilâ i sorestanz dal Fassio; cun chê di fâ dal ben cun ogni miez, cuintri de improibizion de la «*Pascendi*» si comprà une moto «Guzzi» e ti corazzà in lunc e in larc par il Friûl a cirî predicjadôrs pes sagris dal paîs e pai perdons, o furnimenz di glesie di bon gust e presit, o missionaris pes missions, o capelans di tirâ sù secont il so criteri; ti metè adun la compagnie di teatro misclizzade di umign e di feminis, ch'al jere un scândul par chei timps... di fâur bati ben la lune al Vescul cun dut il so Cjapitul.

3 - LA «FÀRIE»

Pre Tite si jere metût tal cjâf che cul teatro (chel dai

bogn esemplis di vite, che s'intint) 'e lave une cane di fâj capi
ae int la morâl e la religjon e che si poteve instradâle viars dal
ben cul divertile e istruîle, ancjemò dongje, un tic di plui di
chel ch'e pratindeve di fâ la Scuele di in chê volte. Salacôr,
però, j lave ben di dîlu, par podê sfogâ, senze rimuars, la mate
passion ch'al veve pal teatro. Nuje di mâl, se, par chel sfogo,
al rivave al scopo di tirâ sù la int!

Cussì, par frontâ, par esempli, *Aristo, Attalo, Il Dio ignoto, Legnano* dal Èlar, o *Flaviano*, o *Dopo Caporetto* (lavorons di cjâf, come ch'o ài dit, di tre, di quatri, di cinc az) dopo scritis lis parz e dadis fûr, si tirave dongje i atôrs e, prime di mètiju sot cu la leture e cu lis provis, ur spiegave o cemût che in te Patristiche 'e jere stade precisade in forme filosofiche e dogmatiche la dutrine cristiane e ce diferenze ch'e jere tra chê greche, metin di Clement, o di Basili (che ti van in sot cul intelet e la reson), e chê latine di Gustin o di Jaroni (ch'e abàdin di plui a istruî la int pal miez de religjon e a difindi lis veretâz rivela-dis); o cemût che il Barberosse, dopo cinc voltis ch'al vignì jù in Italie, par afermâ i diriz universâi dai Imperadôrs cuintri dal Pape e dai Cumuns, te quinte, al cjapà a Legnan, par man di Berto di Giussan, une fruzzade di vuès che j passà la vôle di tornâ a impazzâsi cui talians; o cemût e parcè che a Cjaurêt, tal disesiet, al fo molât il front dai talians e invadût il Friul dai todescs.

Che duc' a' vessin capit chel che ur spiegave, nol è di crodi, parcè che intrà di chêi atôrs, no 'nd' ere nissun ben inscuelât: contadins pe majôr part, e qualchi artist, a' vevin scomenzât di fruz a lavorâ a discapit de scuele, che si capîs. E an-cje di talian a 'n' mastiavin pôc, e di pleálu, po, come cu va, ae toscanesche, nancje di impensâil

Dal rest, al jere di sgrisulâsi a sintî la plêe che j dave il

stes plevan! Di grazie che si cunvinzèssin, capile o nò, a imparâ la part e a lâ ogni sere 'es provis. Par dî la veretât, al fo sacrifici, chel chi, che lu fasèrin duc' vulintîr: in prin, cunvinz ch'al jere un lôr dovê, come chel di lâ a messe ogni domenie; podopo, infogâz di une passion che ur jere vignude cul plui jentrâ te part, cunvinz di vivi ogni sere un'altre vite, dismenteant cussì chê grîvie di ogni dî. E j 'e metevin dute. Di dî a lavorâ e di sere, fintremai magari a miezegnot, a scombâtisi sul palc di imperadôrs o papis, di biâz o di savinz, di sotans o di parons, di aguzins o màrtars, di satanàs o sanz, barufant, ce ch'a podevin, cul talian. Ma a' verin un sucès strepitôs, che no 'nd' jere babios come lôr là vie, te Basse, che, anzit, ju clama- vin par dut lenti atôr, indulà ch'al jere un palc, o une sale, o un curtîl di podê tirâ sù une quinte o un fondâl di tele.

Ancje a Udin ur tocjà di lâ, in te sale dal Seminari grant, clamâz a fâ *Legnano*, par esaltâur ai clêrics la religion e la gloriôs storie da l'Italie. E s'e gjavàrinn tant a dovê di mertâsi i complimenz dal Vescul, dai predîs, di un federâl, ch'al jere lenti pal so dovê politic, e ancje di int studiade che, par solit, 'e à simpri un tic di spuzze sot dal nâs, tratant cun diletanz e con- tadins.

4 - LA PASSIONE DI NOSTRO SIGNORE GESÙ CRISTO

Ma il sucès plui strepitôs lu verin cu *La passione di nostro Signore Gesù Cristo*, par talian ancje cheste, che si capis.

L'indèe di meti sù la «Passion» j jere vignude a pre Tite, quanch'al tornà di vê viodude a Oberammergau, in Baviere, chê, gjavade di un test famôs de ete di miez, ch'a rapresenta- vin lassù ogni dîs agn interpretade de int dal paîs e no di atôrs

di profession. «Se une tâl 'e jere pussibil in todescjarie, parcè nò in Friûl?», si disè pre Tite.

E po, se j fòs vignût un qualchi dubit, no vèvial la moto simpri a man di podê lâ a consêi lâ dai todescs, che j vevin dimostrât di jéssi ae man e ben disponûz, massime dopo che lui si jere indalegrât par chel lôr lavôr e si jere fat cognossi par un passionât dal lôr pâs?

Alore, dit e fat: une ocjade al Vanzeli e pront il test!

E, subit dopo, copiadis lis parz, sielz i atòrs, metût sot dut il païs a tajâ e cusî i vistiz dal timp dal Signôr, e i marangons a fâ i scagn dal Sinedrio, lis colonis dal templi, lis lanzis e i glâdios dai soldâz, il pujûl di Pilato, lis crôs dal Golgote..., op! duc' sul palc a imparâ i muvimenz, i puesc' di tignî, i pâs di fâ, il talian di mastiâ e come che lui al voleve, cunvint ch'al jere chel just!

Ti metè adun une sdrume di int, ch'e varès dât ce dafâ a un qualsisêi dai «kolossals» da la Cines, ma no a un cjargnel come lui, che la tignî simpri mugnestre e sot scòrie.

Il palc al jere in tal Asilo, un fabricât lunc e larc e alt avonde par prestâsi ancje a fâ di teatro, no lontan dal païs, ma isolât, in tal miez di un grant prât ch'al lè ben par tignî dongje la fole che te «Passion» 'e covente. E la fole, par fâle, 'e ûl une vøre di int. E pre Tite á n' rancurave simpri tante che il palc nol podeve cuntignîle dute, quanch'e veve di rivâ in tal ort dai Getsemanis o vignî sù a sbeleâ il Signôr e a zigâ: «Crucifige» e «Barabba! Barabba!». E alore une di al ordenà di dâ di picon ae parêt dal font dal palc e di sdrumâle jù dute e di meti sù, tal so puest, une grande puarte di viarzi e siarâ ae bisugne.

E fo propit l'indèe di un babio!

Di fat, al jere un spetàcul che ti ingropave lis vîssaris a viodi a vignî sù di lontan, par chê puarte, in te gnot, cu lis

torzis di une lûs rosse di sanc, businant come un mâr in tam-
pieste, une fole discjadenade, uzzade di malintindûz, par zigâ
cun violenzie peraulis di odi e di muart!

Ma il plui grant spetâcul al jere chel dai preparatîfs e des
provis.

5 – IL PITÔR

Pre Tite al faseve dut a dovê. Lis senis, par esempi, no
podevin jéssi pituradis di un pistrignot di strassecolôrs, ma di
un pitôr di scuele e valenzie, par vie ch'al veve di savê speglâ,
tai colôrs e tai segnos di un puest, l'anime dal timp e lis pas-
sions dai umign che in ta chel timp a' vivevin.

E al veve reson!

Un pitôr cussì lu cjatà e di scuele e valenzie e cun di plui
di une famêe di artistic' (indulà che il pari e un barbe a' jerin
compositôrs di musiche e doi fradis, predis ducjdoi, organisç'
dai miôrs dal Friûl).

E lu sodisfâ adimplen, ancje se estrôs (come, dal rest,
duc' i pitoîs) e tacât al fiasc che, da spès, al veve lui, pre Tite,
fûr la gabane, di mètisi a impastâ cjalcine e colôrs e, magari, a
dâur di pinelesse ai fondâi.

Al veve non Zuan, chel pitôr, e, par colpe dal fiasc, nol
durâ tant in chest mont.

6 - LA TEORIE FONETICHE DI PRE TITE

Il talian ch'al voleve, po, dai atôrs, al jere un spàs, cun
dut il rispjet ae sô sante memorie, parcè che, dato che lui, par

esempli, di rût cjargnel ch'al jere, ti pronunciave i suns talians di *ge* e *gi* cu la prepalatâl, duncje, *gje* e *gj*, al pratindeve che cussì a' vessin vût di pronunziâju ancje lôr.

Par di la veretât al veve une sô teorie in proposit e la sô sentenzie 'e jere: i fonemas *ia*, *ie*, *io*, *iu* des peraulis latinis a' vevin di mudâsi in *gja*, *gje*, *gjo*, *gju* tes peraulis talianis. E pensâsi che in tal gno paîs, tra l'altri, si à par nature la tindinze di pronunziâti *zete*, no dome i *ce* e i *ci*, come di qualchi altre bande, ma ancje i *ge* e i *gi*! Figurâsi, alorè, ce che ti saltave fûr in tes provis e ce confusion ch'e nasseve in tal cjâf dai atôrs. Tu sintivis: *Ziesù*, *Ziacomo*, *Ziovanni*, *Ziuda*, *ziustizia*... E pre Tite a inrabiâsi e a insisti: «*Ma nò... nò: Gjesù*, *Gjacom*, *Gjovanni*, *Gjuda*, *gjustizia*...». Sì, eh! Nature 'e je nature. Contentâsi che, a fuarze di dâj, al vignîs fûr un *Gjesù* e un *Gjude* ogni tant, misturâz cui Ziovanis, cui Ziudas e cu lis ziustiziis...

7 - ALLA MORTE!

Ma nol veve di abadâ dome a chê. Al veve di vê un voli e une orele spizzade par dut. J tocjavê di direzi e di sugjeri tal stès timp, ch'al è come di di cjantâ e di puartâ ancje la crôs. E une crôs s'e puartave simpri daûr cun chê benedete «*Passion*».

J davin pinsîr; e la fole, che no jere mai avonde triste e violente (cjoh, la int 'e jere simpri strache di lavôr e svojade di sium!) e chêi che no vevin ben amenz lis peraulis de part. Duc' j 'e metevin, si sa, ma alc al lave simpri par stuart.

Une sere, al Ulvin, e al Roc so copari, caporions da la fole e, duncje, simpri tra i prins, che no zigavin avonde di rabie *alla morte* e a' vignivin indenant cun strachezze, johisus!

tropis che ur disè e di brut! No ur disè lazaroni par rispiet, ma ju sveà a tal pont che chêi si dèrin a bati par tiare pís e bastons, a smenâti lis torzis, a spudacjâti denant, a patafâsi la schene, berlant:

«Copari Roc, alla mortel!».

«Alla morte, orco mostro! Copari Ulivìn, alla mortel!».

«Porco dindio, alla croce! Crocifizzilo svelto, o Pilato!».

E a' mostravin i pugns, a' discocolavin i vôi e, squasi squasi, si fasevin vigni lis bavis ae bocje.

8 - IL LADRON

Un'altre sere al fo il trist ladron a dismenteâsi un toc de sô part. Al veve za sbeleât il Crist, che si spazzave pal fi dal Diu dal cîl e de tiare, ma nol jere bon di dij a so Pari di vigni jù a disclaudâlu de crôs. Che lu clamàs, mo, e che si spizzàs lis orelis par sintîlu a mòvisi jù...! Dut chest j al veve za dit, ma, po, si veve fermât, che no si visave plui nuje dal toc che je restave par finî la batude. E alore pre Tite, in te buse, propit sot da lis crôs, a suggerîj, cisicant: «*Senti nulla?*», ch'al jere il toc ch'al mancjave. E chel zito. «*Senti nulla... senti nulla... senti nulla?*» saldo a insisti pre Tite. E chel, alore, stracapint, ma stu-fât: «Po sî ch'o sint, no soi sort».

«Macacol!», j dè clâr di rimando, pre Tite. E chel al capì e al disè, dut di un flât, il toc che j restave.

Ma aromai ancje il Crist al veve fate bocje di ridi e si veve mot il vosarili intrà il public, ch'al scugnì di sburide scjafojàlu il batimans da la *claque*, che, di fate, nancje chê nol veve mai trascurade chel mostro di predi.

Al va dit che la «Passion» 'e vè il podè di influì, ma in ben che s'intint, par un piez a dilunc, in squasi duc' quanc' dal país, comprindùz i fruz e lis feminis.

A une vòre di lór ur sveà la curiosetât di cognossi alc di plui su la storie, o su qualche argument filosofic; plui di dut, però, su la vite dal Crist. E, alore, a' passàrin di une man a ché altre e il Rizziot, par di come lór, e il Papin e ancje, no si sa cjatât indulà, il Loisy. Qualchidun al burì fûr un Renan e un altri un Ario in cjarte di vidilin, senze magari savê ce che ur jere vignût in tes mans. Un (requeie là ch'al è) ch'al veve il balin di sbisiâ jenfri i misteris dal pinsîr filosofic (e «filosofo» al fo, puaret, cojonât, po, par in vite), al lè, par câs, a intrigâsi nuje mancul cul Leibniz e a piârdisi il cjâf cu lis «*mônadis*», ma lui lis clamave «*monàdis*», e nol capive il parcè che no vevin ne puartis e nancje barcons.

Dute cheste sbisie, ché brave mê int s'e gratave o là di Berto barbîr, o là di Toni sartôr, o là di Tite cjaliâr, e ti dave sù in discussions di straoris, ma senze mai gjavâsi i respiez. Pre Tite s'e riduzzave sotcôz, ma al ritignì di indrezzâ dome l'«arian», che nol vès vût di sbrissâ in te cunvinzion che Jesù nol fòs de istesse sostanzie dal Pari. A Leibniz no j abadà nancje un frègul che (a chel ch'o ài savût) chês cjòssulis là, senze puartis e senze barcons, a' jerin «*monàdis*» ancje par lui!

Ai fruz, de «Passion», ur restà in tal cjâf la sene dal «*salve re dai gjudei*» cu la spudade daûr. E cussì ti inventàrin il zûc. Fûr di duntrine o di scuele, da spès, si cjatavin tai curtii o in piazze: si metevin in cercli, ti sburtavin tal miez il plui pizzul opûr il plui gnogno, e jù, a spudâj, e «*salve re dai gjudei*», zeno-glansi denant, e magari, pacanlu, s'a vevin a man un bachet.

Aes feminis ur restàrin, invezzit, tal cjâf i colôrs dai vistîz e dai vêi de Madone, de Madalene, de Veroniche e di Marie di Cleofe.

E la mode 'e cambià. Cussi, in paîs, che si veve simpri viodudis lis feminis, vielis e zovinis, a puartâ vistîz e grumâi, fazzûi di cjâf e vêi di lâ in glesie, dome neris e blans e grezos, si lis viodè dopo a puartâju celesc', ruans, zâi, fumulins, maron, marmurins e parfin ros infogâz e di lin, di sede e damasc, che al marcjât di Latisane a' vevin di fâuraj rivâ di pueste par lôr.

10 - I FÛCS DISTUDÂZ

Il fûc di chê «Passion dal Signôr» al restà, duncje, par agn impiât a tignî alt il non dal paîs e a inflamâ, in lunc e in larc, dute la Basse.

Onôr a pre Tite!

Ma, po, cun chel altri che al veve tignude impiade la «fàrie», al lè, planc a planc, distudansi, biel ch'al vignive indenant l'uragan da la uere.

Al dì di uè ancje là, tal gno paîs di blavis e lens, si son impiadis ben altris passions e i zovins nol pâr ch'a védin chê da lis «fariis».

Instant, il cement e l'asfalt e' àn za mangjade la fete plui grande dai boscs e chê dai sintimenz e ricuarz di un timp e di un mont ch'a son lâz. Ma 'e je la vite ch'e va e si fâs sù tal progrès, si dîs.

Pecjât!

Oh, nò, pal passât e pe vite ch'e va, che no si torne indaûr, e nò pal progrès, che nissun pò fermâlu, ma parcè che,

aromai, ognun al va par so cont, senze fiduzie e speranze, te frenesie di un mont di violenzis e pôris che dut a' invòlzin.

Epûr si vorès cjatâsi, fevelâsi e capîsi, ma i masse rumôrs ch'a son stâz, e ch'a son ancjemò, nus àn sturdît lis orelis e squasi duc' 'o sin sorz.

Che lis viàrzin i zovins, lis orelis, e ch'a tòrnin a impiànus lis «fâriis»...!

«Senti nulla? Senti nulla?... ».

ALVIERO NEGRO

Si conte che la femine di Gallieno, imperatôr roman dal 253 al 268 d. C., 'e insisteve viars il so omp par ch'al cjustiàs un tâl che j veve vendûz come vêrs un pôs di diamanz che invezit a' jerin di veri. L'imperatôr la scoltà e al ordenà che il malintopât al fòs dât in past a un leon; ma, dopo, al fasè jèssi fûr dal siarai un cjapon. A chêi tanc' ch'a jerin corûz a viodi e ch'a jerin restâz mâl denant di une tâl, ur fasè dî adalte vòs di un dai siêi: «Al à ulût ingjanâ e cumò al è stât ingjanât»; e lu à lassât libar.

Ne pagjnute blancje.
Nuje ce di? Cetant, ma il timp al mancje.



Utubar

Per paginelle bianche
N. 10 e 11 C. 10 e 11



Garibaldi

X

	1 L	S. Taresie dal Bambin Jesù	☽
	2 M	<i>Fieste dai Agnui Custodis</i>	
	3 M	S. Massimian	
	4 J	S. Franzesc di Assisi	
	5 V	S. Flavie	
	6 S	S. Bruno	
✠	7 D	MADONE DAL ROSARI	

	8 L	S. Pelagie	
	9 M	S. Dionis	
	10 M	S. Denèl	☺
	11 J	S. Fermin	
	12 V	S. Serafin	
	13 S	S. Marziàl	
✠	14 D	S. CALIST PAPE	

	15 L	S. Taresie d'Àvile	
	16 M	S. Edvigie	
	17 M	S. Ignazi di Antiòchie	☾
	18 J	S. Luche vanzelist	
	19 V	S. Laure	
	20 S	S. Irene	
✠	21 D	S. URSULE	

	22 L	S. Donât	
	23 M	S. Zuan di Capistrano	
	24 M	S. Enzo	☺
	25 J	S. Crispin	
	26 V	S. Varisto pape	
	27 S	S. Sabine	
✠	28 D	SS. SIMON GJUDE APUÊSTUI	

	29 L	S. Ermelinde	
	30 M	B. Benvignude Bojane di Cividât	
	31 M	S. Quintin	☽

Otubar

- VENTURIN Pajstu un taj?
- BOCÂL A ti ancje doi, a Florean invezzi nancje s'al crepe.
- VENTURIN Eeh, la vite!...
- BOCÂL La vite... la vite...
- CRESIME La vite...
- VENTURIN Ce ch'e je la vite!
- BOCÂL La vite...
- CRESIME Ce ch'e je!
- VENTURIN Propit ve'!
- CRESIME La vite!
- VENTURIN La vite!
- CRESIME E pensâ che la vite 'e je dut!
- VENTURIN Propit ve'!
- CRESIME Juste: propit ve'!
- VENTURIN Al ven di vai!
- CRESIME Parcech'e je dut.
- VENTURIN Parcech'e je masse pôc.
- CRESIME La vite...

VENTURIN La vite!
 CRESIME A savê...
 VENTURIN Ce?
 CRESIME Ce ch'e je.
 VENTURIN Ce êse, Bocâl?
 BOCÂL Domândial a Florean, ch'al fevele simpri e al
 sa dut.
 CRESIME Al dis il Strolc:
 Cui ch'al fevele tant, no sajal dut?
 Se nò parcè fevèlial come un frut?

Alore, par séi furlans, tocje scrivi che Garibaldi al è Garibalt o, miôr, Garibald; Olinto Marinelli tocje scrivi ch'al è Lint Marinel; Giuseppe Mazzini ch'al è Zef Mazzin; Tiziano Tessitori, ch'al è Tizian Cjessidôr; Guglielmo Pellizzo, ch'al è Gjelmo Pelič (il «c» cu la pipe dai sclâs). Tocje scrivi che Francesco Musoni al è Cesc Muson; che Ermes di Colloredo al è Ermes di Colorêd, che Agostino Candolini, al è Ustin Cjandulin...

Ce furlans sêso, se no?

CURIOSITÂZ

Si sa che nol è ben inbilâsi co si sbuse un budiel di biciclete, e al è par chel che a Hannover, in Gjarmànie, e' àn inventât un budiel che, co si sbuse, al è plui fazil di gjavâlu par imblecâlu: difat, invezzi di jéssi fat a cercli siarât, al à lis estremitâz disseparadis e zontâbilis.

*

Ma in fat d'invenzion i gjaponês a' batin daspès i todescs. Cumò il fotografo diletant nol pò sbaliâ nancje s'al ûl, cu la machinute «Talkman Minolta Af - Sv Quarz» ch'e dà vòs a dutis lis istruzions e i avîs ch'a covèntin sul meti a fûc. E cun di plui 'e coste dome 320.000 francs.

*

Al risulte che vuê in Italie su ogni 100 abitanz sui quindis agn si 'n' còntin 77 parsôre dai setante, là che za trentagn a 'ndi jerin dome 46.

*

Biel che la cumission 'e jere dâur a corezi i compiz sui esams di maduritât dal Istitût «Mario Pagano» di Napulî, un student al si è presentât ai professôrs cul rivòlvar in man e ur à dit che ur varès trat se al so compit no j vessin dât almancul 55-60 e se ai orâi no j vessin fatis lis domandis ch'al oleve lui.

Siôr Gjulio, Zef e i lîlios

Siôr Gjulio al jere impiegât al dazi a Vignesie e, jessint un oseladôr patît, ogn'an al vignive a Migêe, so paîs natîf, a passâ liş vacanzis sul passaz dai ucêi.

Sot la culine al veve un cjamp là ch'a cressevin doi biêi figârs che i lîlios a' lavin a mangjâur i fics.

Gjulio al lave dispès in spiete cu la sclope, e no jere volte che nol tornàs a cjase cun tun biel carnîr.

Une matine, intant ch'al jere platât daûr dal solit sterp in spiete dai lîlios, al viôt a capitâ Zef che al lave mat pai fics e che, stant che lui no 'ndi veve, al lave a mangjâu in chel di chêi altris.

In chê matine al veve puartât daûrsj ancje une fete di polente frede, di compagnâ cui fics.

Gjulio lu viôt a lâ sot i figârs e al pense che, dopo vê cjolz chêi quatri fics, al ledi vie; par chest al sta fêr daûr dal sterp, senze fâsi viodi.

Ma Zef, pacjfic, dopo un'ore al jere ancjemò lì, e alore Gjulio, piardude la pazienze, al ven fûr dal sterp e al berle: «Sacrament, 'e je un'ore ch'o spieti che tu ti movis di lì, se no quant puèdijo trai ai lîlios?».

«Po tràimi a mè», j rispuint Zef; «no sojo un biel luri jo?».

A. G.

lîlios = luris

Bugadis

Sintude in tun ufizi dal Comun di Udin.

«Driùs», j dîs une impiegade a di un ch'al puar-te la monture blu, «parcè vâdial simpri lui a puartâ il frut in ospedâl ogni volte che j càpite alc di mâl? No puèdial mandâ la sô femine a fâ chês robis ali?».

E Driùs scjassant il cjâf: «Nò nò, le mê femine 'e je impressionant».

*

Martars 19 di luj. Dopo une lungje zornade di soreli 'o soi a spàs par Lignan, 'tôr dîs di sere, cu la femine e la frute. 'O cjaminìn, duc' e tre, lecant un gjelato. La frute, stracone che mai e plene di sium, ogni tant si ferme fasint sustâ un pôc la femine ch'e à primure di mètile a durmî. A un ziert pont j berle la femine ae frute: «Ma insome, Vanessa, ti svèistu sì o nò?».

«Parcè?», j rispuint chê cirint di spalancâ i vôi. E sô mari, cul gjelato in man ch'al sta par finî: «Par-ceche 'e je ore che tu vadis a durmî».

*

Qualchi mês a vôle al INAIL e qualchi mês in

Comun. Po di gnûf al INAIL par novante dîs e po ancjemò in Comun par une sostituzion di maternitât. La femine, tra un concors e chel altri, 'e sta cirint, cumò che la frute 'e je diventade un tic grandute, di cjatâ une sistemazion definitive come datilografe.

«E alore», j à domandât chealtre di une sô amie che le à viodude passâ par Marcjât Vieri biel ch'e lave a vøre te biblioteche comunâl, «sestu fisse cumò?».

E la femine ridint: «S'ò voi indenant cussì, 'ò sarai fisse quant ch'ò larai in pension».

E. B.

E savêso ce ch'e ûl di la peraule «russac» o «rustac»?

'E ven dal todesc «Rucksack», «sacco da schiena», e 'e significhje «zaino».

E la peraule «sacaprôt» o «prossac»?

'E ven ancje chê dal todesc «Brotsack», e 'e significhje «ta-scapan».

TURÌSIM

'O jentri ta l'ostarie. Spazeôse. Mi senti a un taulinut, ch'á nd' è tanc'. Bessôl. 'E parone ch'e je lassù insomp, daûr dal banc, j domandi chel taj.

«Blanc o neri?».

«Blanc».

Quant ch'e crôt di puartâmal, m'al puarte neri e j dîs: «Lu vevi comandât blanc».

Mi rispuint: «Mah, si viôt ch'o ài capît diferent». E 'e va vie come nie, senze gambiâmal.

Coragjo.

Dopo un pôc j domandi, ch'e sta simpri lassù daûr dal banc: «Siore», j dîs, «àe un gjornâl?»

«Ce dîsial?».

«Àe un gjornâl?»

'E cjale cun tun zîr di cjâf sui taulins 'toratôr, po' mi dîs: «No 'ndi viôt».

Coragjo.

M.

«'Na bossa gualiva»

In Sarvièl-de-là, propriu in Beorcia, Màseru al veva 'na boteguta, la ciasa, al stali cu 'na vacia, la mus-sa e doi ciamps. Al viveva cun puoc e cun chel puoc al tirava indavant senza lamentâsi. La boteguta 'a j rendeva, la vacia 'a j dava lat, formai e butiru, tant da no cruodi! Dome la mussa, da qualchi timp, a lu feva pensâ: 'a tirava malvolenteir, massima co a se tratava de zî tai ciamps in Taviela o in Cunfinussa. Da quant che al veva parlât cun Cenci, sansâr de buna bòcia, â lu tentava al pensèir de vèndela, o de baratâla cu 'n' altra pì in giamba e mancu despetòsa. Siché, quant che Cenci al era tornât a bomba a muovi chel stessu descòrs par partâ la mussa al marciât del lùnis, a Dassan, a nol veva fat altri che muovi al ciâf, prima che drencia a se muovès la scàrica del sentimentu a dî de nò. Cussí, Màseru e Cenci, al lùnis dopu, a' érin zus a Dassan par tratâ la mussa, come da parola data a chel marcantoni de Belòt, che sùbitu a' j veva rifilât vintisinc ciartis, ch'a j scuotavin ta la sachèta, dal moment ch'a nol era stat casu de fâ baràtu e tuondi 'n'altra. A pensâjghi al era stat un afâr no tant ben fat: massa de pressa, dut in primûra, cun chel giru de parolis no ben claris... e chel tironâ, chel insisti par fâ

bati li' mans e tal mètighi i bès in sachèta. E Màseru al se veva lamentàt in clàr cun Cenci che a' j ghi veva siguràt 'na tratativa dreta: «Tu te dàs la mussa a Belòt e Belòt a' te dà sùbitu un gambiu: ipsote-fàchetel!».

Invessi, dopu dos setemanis, al gambiu al era anciamò da fâ, e Màseru al se veva ancia inrabiàt cun Cenci. Figuransi Cenci: a nol se dava pàs e al fulminava «triboli e saète, che afàrs a' son afàrs» e «parola data: mai magnàda!» e, infin, «le vàgan le musse e tuti i dozentò soldi! Mondo stracàn: mi persona creta!». Bisugnava fâi credit, oh, sì: «Almanco par 'n'altra setimana!» che Belòt l'é un galantòm e «al ghe varave dato prova! Sens'altro discorerel!...». Màseru, infin, al veva slargiàt i bràs e al se veva racomandàt a Diu.

Parchel ch'a se sa, mai fede indolentrada 'a é stada delusa. Infati, 'na setemana dopu, Cenci, persona creta, al riva cu la buna nuova: «Belòt al à cumbinàt cun Rico Stolf, marcantin de Braida Botàri e la mussa 'a é in speta, al marciàt de San Vit, de chi ch' al pòus crompâla!...». Cenci al j la meteva duta, no tant par la provision, ch'al se la meretava, quant par meti 'na stropa a duta chê buridàna. E Màseru, par siò cont, a nol spetàva altri. Al dì dopu a' erin in quatri a San Vit a crompâ la mussa: Màseru, Cenci-sansâr, Meni Moru e al Giàta. E che fiesta in beorcia, la sera, apena rivàs a ciasa: da bevi a dus! E dus a jodi la mussa che Màseru al veva crompât in barba a la meseria! Tra un got e l'altri: biela la mussa ta la cova de fuois, cu la Bisa vis-

sin, ch' a la scovetava cu la sô lungia coda, come a dîsi: «àì gust, suoi contenta, come statu?...» tant ch'a parevin nassudis insiemit. Infati, almancu lòur a' se vevin recognossut, quant che Màseru mai al se sarès inmaginàt ch' a era la sô Gina metuda a nòuf da li' mans sveltis e savudis de Rico Stolf de Braidà Botari, d'acordu cul Belòt de Dassàn. Un giru, insoma, che ancia Cenci al veva anciamò da capì: né come ch'al taccava, né come ch' al finiva... Beàta 'gnorantisia! Come no inacuarzìsi? Belòt de Dassàn al veva mandàt la mussa a Stolf e Stolf, in Braidà Botari, a la veva tosàda, bruscàda, tirada a lustri fin, gambiàt i fiàrs e onzùt li' òngulis. Un puocia de vena ogni sera, cun sémula e blava del lenzi de la Bisa, ma soradut chel no fà nuia par quindis dîs, a' vevin fat al restu: biela, lustra e ingrassada la mussa 'a pareva 'n'altra. Chi mai al podevi pensà a dut chel giru mostu? E forsi la birbantàda 'a no sarès mai saltàda fòur s'a nol fuòs stat par Tita, al marescalcu. Màseru a' j tigniva a cognossi al siò pensèir: che sentumili franchi a' no son 'na cica, cacu! «Ven a iodi la mussa ch'ài cromptàt da Stolf! La clami Gina, come ch'è altra! Bevaren un got...». Insun de insisti, finalmentri dopu un bon meis, Tita al se fa su la puarta. A Màseru a no j par vera: «Sintàvi un moment; ài iust sot-man 'na bossa gualiva...». Ma Tita al veva primura: «Dopu. La gualivan dopu. Prima iodèn la mussa!». E senza dî altri al va tal stali. La mussa 'a è calma, pacifica lièc, in chel biél liet de fuois, cu la

Bisa, in banda, ch' a la scovetava cun chê sô lungia coda. Squasi un Presepiu!

Tita 'a la uarda da 'na banda, po' da chê altra; al salta su la cova: 'a la palpa desòt, desòra, davant... a' j slargia li' vorelis, a' j viàrs i lavris, po' al salta fòur come desplasùt de vêir rot la pàs de chel presepiu. «Se me diseu, Tita?». Tita a lu uarda, al se met un frosc in bòcia: al se lu torna a levâ, po', cu 'na òus de paradìs, larc al bras, cul frosc in man, al dîs: «Se voleu che ve disi, Màseru? No iodeu ch'a é la vuostra mussa! ...La vuostra, ve dîs: chê de prima, la stessa, gualiva... La cognòs... l'ài inferàda mili uoltis!». Màseru al pareva de plomp e dopu un respiru font, squasi ridendu, come ispiràt, al dîs: «A me pareva a mi ch' a era 'na mussa svelta! Brava, inteligente! Cacù, 'a me ziva e 'a vigniva dal ciamp, in Taviela e in Cunfinussa, come s' a savès la strada a memoria: senza dîsi nuia! Brava, la mê Gina! ...Ma Cenci, chista, al me la paia!... Zin a bevi un got! Fasèn gualiva ancia la bossa!».

RENATO APPI

(Furlan di Cordenons)

Il zesâr

Al veve squasi otantagn ma no ju mostrave. Dret come un pichet, grant come un san Cristòful, cun tun pâ di moschetis di une spane par bande, cun doi vôi vîs a cjalâti di sot di dôs cèis ch'a jerin doi sterps, al jevave a straoris par lâ te stale dopo di vê lapade une ràine di polente e lat. Al puartave fûr il ledan, ur faseve il jet di fuée di cjastenâr a chês dôs bèstiis ch'al veve, lis strighiave e po' al lave in te bràide.

Ta bràide nol veve cui sa ce: un fil di blave, qualchi cunviérie di patatis: chel ch'al coventave pai tre ch'a stavin in cjase: lui, la sô crôs e il fî vedran ch'al veve, ch'al lavorave in zitât. Po' un biel prât, di seâlu come che nome lui al saveve.

Al seave chest prât, a so timp, cul so falzet ch'al jere un rosôr, che nancje la barbe no s'e faseve cussì pulît. Al seave stant dret, ziransi simpri nome chel tant ch'al ocoreve par gjavâ fûr altagns di passe doi metros, e 'regolârs d'insomp fin dapît. Ogni tant al drezzave impins il falzet, j netave la lame cun tune grampe di jarbe e la uzzave gjavant fûr la cõt dal codâr che lu tignive sul rimpin su la cintûrie, daûr, sul cûl.

Al lavorave par oris. E une volte seade la jarbe,

la spandeva par che si secjàs, la voltave, e sot sere la meteve in còl, par tornâ a spândile tal indoman.

Co j capitave di fâ chêi lavôrs tai dopomisdîs di luj sot di un soreli ch'al instupidive, il cjapielat di pae ch'al veve nol rivave a parâlu. Il sudôr j colave dal cerneli a segloz e al sintive la dibisugne di un pocje di ombrene. Ma nol jere un ârbul ni sul so ciamp ni tai cjamps atôr vie dal so; al jere nome un zesâr lajù dapît, ch'a coventavin dîs minûz par rivâ a gjoldi la sô verde ombrene.

E alore une biele di il so fî che al lavorave in zitât, vignût sù a viodi cemût ch'a stavin i siêi viêi, lu cjate che cun pale e picon al faseve une buse tal just miez dal so prât. «Pupà», j dîs, «ce stâtu fasint?».

«Une buse no viôtu? 'O ài chê di implantâ un zesâr ch'al puedi fâmi un alc di ombrene co il soreli mi bruse la volte ch'o soi a seâ o a fâ fen», e j mostre un zesarut che lu veve comprât, j disè, a Montegnâ, za incalmât.

Il frutat (che il vieli lu clamave simpri cussì cun dut ch'al veve i siêi agn) lu cjalà a lunc, pôc persuadût, po' j disè: «Ma pupà, ti semèial ch'e vali la pene di fâ chês faturis?».

«Nissune fature. 'O voi cu la sflacje, che nissun mi còr daûr, e quant ch'o soi strac, 'o polsi».

«Ma chel zesâr quant rivaràial a fâ ombrene? Pupà, tù tu âs... tu âs i tiêi agn...».

«E ce jènrino i agn?», e al piconave indenant.

«I agn a' còrin, pupà».

«E' àn tacât a cori dal di ch'o soi nassût. Vèvio di stâ a sintîju a cori e no fâ nie intant ch'a làvin? To nono e gno nono àno stât cu lis mans in man intant che ur làvin vie ancje a lôr, o no àno invezì fate la cjase e la stale e piconât il ronc e nivela-de la bràide?».

«Sì, ma tù, uê...».

«Nuje. 'O met il zesâr par podê vignî a gjòldij la ombrene ae sô ore e po' baste».

Al à finide la buse, j à metût dentri quatri forcjadis di ledan e al à implantât il zesâr, ch'al à cjapât e al è cressût sù. E par passe dîs agn lu à gjoldût indenant, sentât sun tune bancjute ch'al veve fat abàs vie, tes oris plui cjaldis di luj quant che al jere a fâ fen. E a so fi j diseve, quant ch'al vignive a cjatâlu: «Viostu mo' tù che tu mi disevis di lassâ stâ! Nol è che mi fasi chê ombrene ch'e coventarès par parâmi dal soreli, ma cul timp a lâ...».

M.

Novembar

Ne pagjnute blancje.

Nuje ce di? Cetant, ma il timp al mancje.



Novembar

Ne page 100
Page 100



100

XI

✠	1 J	I SANZ	
	2 V	<i>Memorie dai defonz</i>	
	3 S	S. Silvio	
✠	4 D	S. CARLI BORROMEO	

	5 L	S. Zacarie profete	
	6 M	S. Lenart	
	7 M	S. Ernest	
	8 J	S. Gofrèt	☺
	9 V	<i>Dedicazion de Basiliche Laterane</i>	
	10 S	S. Leon il grant	
✠	11 D	S. MARTIN	

	12 L	S. Renate	
	13 M	S. Omobon	
	14 M	S. Venerande	
	15 J	S. Albert il grant	
	16 V	S. Otmâr	☺
	17 S	S. Lisabete de Ongjarie	
✠	18 D	AVENT AMBROSIAN	

	19 L	S. Faust	
	20 M	S. Tavio	
	21 M	<i>Presentazion de S. V.</i>	
	22 J	S. Cecilie	☺
	23 V	S. Clement pape	
	24 S	S. Flore	
✠	25 D	CRIST RE	

	26 L	S. Delfine	
	27 M	S. Valerian Vèscul di Aquilèe	
	28 M	SS. Màrtars di Aquilèe	
	29 J	S. Demetri	
	30 V	S. Andrèe apuéstul	☺

Novembar

CRESIME

Si dís che si víf une volte sole e che alore si à di gjoldi quant che si pò. Ma êsal un gjoldi o dome un bevi chel di Bocâl? E ce êsal il so bevi?... 'O pensi ch'al séi dome un no pensâ... Al è come il fevelonâ di Florean che, cu la confusion ch'al fâs, al si confusione parcech'al ûl confusionâsi e confusionâ il mont. E Venturin? Venturin, gruès e dilicât come ch'al è, al fâs dûl, parcech'al si rint denant di dut e al devente une vitime ancje denant di nuje, che anzit par solit nol è nuje e nol è nissun ch'al vueli fâ di lui une vitime. Ma lui al è sensibil e alore, se nol fâs la vitime, ce àjal di fâ? Eeh, sì! In chest mont 'o sin int di dutis lis qualitâz, fûr che chê juste. Al è par chel che sul vivi si fâs dome che Teatro. E par cui si fâsial Teatro? Co si è avonde intimpâz, no êsal il câs di domandâsal? No êsal il câs di domandâsi parceche invezzi di vivi si fâs fente di vivi?

BOCÂL

Al dís il Strolc:

*A diventâ chel tâl che tu nassèris
tu rivis salacôr quant che tu mueris.*

COMPRIS

*'O vevi ché di cjòlimi un luchet
par une mê cassele là ch'o met
i documenz che no uei vêu lontans
insieme cun chêi quatri carantans.
Cussì mi cjapi sù 'ne biele dì
e 'o jentri te buteghe di un amì:
«Dami un luchet», j dîs, e lui m'al dà.
Lu cjali e 'o viôt ch'al va.
«Trop îsal?». «Tant». Il tant j al dôi e 'o voi.*

*A cjase quant ch'o soi
la femine mi dîs se par plasé
'o puès comprânint un ancje par jê.
'O côr di chel amì ch'o vevi stât,
ma chel amì il negozi lu à siarât,
di mût ch'o voi tun altri pôc distant
par cjólint un precîs. Lu paj miez tant.
Mi smaravei, e co l'amì lu ciati
la mê sorprese vive no j 'e plati:
«Ma tû parcè? cemût?... ». Cussì la suje:
«Menut, la mê amicizie vâlîe nuje?».*

M.

CURIOSITÂZ

Sui esams di maduritât che si fâsiju tal mès di Luj, i giornâ e' àn scrit tantis cjossis. Qualchidun al à ricuardât che il teme di Talian «al rapresente un esercizi di retoriche che nus al àn tramandât lis scuelis dal gjesuiz dal Siscent» e fat plui impuartant e plui atuâl unevôre di linguisc' a' ritegnin che «la scuele, des elementârs 'es superiôrs, no insegne a scrivi» (Corriere della Sera, 5.7.83). A' dîsin che bisugnarès imparâ a insegnâ dai Francês, ch'a tachin a usâ i fruz za sui prins agn di scuele a esponi qualchi argument tun numar di riis stabilît in partenze.

*

Cun dut ch'e fòs stade diagnosticade la sô muart cerebrâl, lis funziions vitâls di une femine, in grazie di un respiradôr mechanic, a' son stadis mantignudis par 84 dis, fin che par part cesareo j'è nassude une frute dal pês di un chilo e 700. Chest al è suzedût a Roanake, te Virginie, ma, simpri tai Stâz Unîz, a San Francisco, za qualchi mès prime un altri frut al jere nasût dopo di jéssisi svilupât par 64 dis te madrasse de mari muarte clinicamentri e cu lis funziions mantignudis artifizialmentri.

*

Il quotidian cinês «China Daily» nus à fat savê che a Pechin un biel gjal, dopo di une biele chichiricade, al si è logât tune cove e al à fat un ûf di un eto e miez.

«ER MARITO CHE RINVIA»

*'O voi in Questure e j dîs al Commissari:
«Ch'al vegni», j dîs, «cun doi agjenz di sest,
ch'e je la mê parone... chest e chest,
in tune cjase in vie dal Seminari».*

*«'O darai cors distrade a chest arest»,
subite mi rispuint il funzionari,
«ma, prime, cui sarèssial... il copari?
Tocje ch'o j sepi il non, e dut il rest».*

*E apene che chel non e il rest j ai pant,
al salte sù: «Ma lui, cjâr il gno siôr,
sàial chel omp alì trop ch'al è grant?*

*Al è il Majôr!», al dîs. A ché notizie
«Poben», jo 'o ài dit, «'o salvarai l'onôr
tune ocasion, alore, plui propizie».*

TRILUSSA

(Traduzion di Meni)

Mìngulis

Pò stâj che la sépin duc', ma la contìn instès.

Alore Bepo e Jacun si cjàtin e si salùdin: «Oh Jacun», «Oh, Bepo, cemût?».

Si spàchin lis mans: «Gust di viòditi».

«Gust».

«E to fradi Milio?».

«Mancjât».

«'Orpo, zòvin ch'al jere! E di ce?».

«Palmunite».

«Dople?».

«No, ùgnule».

«Poben, mancumâl...».

O.

*Biel cusint une intimele
m'impensai dal gno Gjgjn;
mi tremave la gusiele,
mi sclopave il curisin.*

LA RESON

*Fidri, ch'al a cjolete la Marie
ch'e à vinc' agn di màncul, se no plui,
di lui, mi dîs che lui
di timp in ca no la capîs par nie.
'O j dói dut ce ch'e ûl;
la meni atôr», mi conte, «pal Friûl,
secont che mi domande, d'ogni bande;
d'astât la mandi a Grau a insoreglâsi;
il mês d'avost in Cjargne a ossigjenâsi,
e in cjase, quant ch'e dîs che jê no pò
opûr quant che j rinchrès di fâ un lavôr,
no mancj chel lavôr, te mode miôr,
senze lagnâmi mai, di fâlu jo.
Di chel instès», mi pant,
'm'e viôt simpri denant
musone, mâlcontente,
squasi intratàbil trente dîs su trente.
Parcè di chest? Di plui, ce puèdijo fâj?
Di plui, ce puèdijo dâj?».*

*J ài rispuindût: «Fidri
par me la rôbe 'e va di chi fin chi:
tù a ché tô Crôs tu j dâs ce che tu j dâs
fûr che chel alc... chel alc che no tu âs».*

M.

Ne pagjnute blancje.

Nuje ce dî? Cetant, ma il timp al mancje.

Chês di Gjgj

'O lejevi il giornâl ta l'ostarie di Varisto, daûr dal fogolâr.

Al jentre Gjgj, mi ven dongje e mi dîs: «Par plasê, fâmi viodi il giornâl».

«Lasse ch'ô finissi di lèi chest artìcul che m'interesse».

Al insist: «Un moment, nome ch'ô viodi i numars dal lot».

«Parcè, âtu zujât?».

«Nò».

«E alore?».

«Ma, sâtu... “alle volte”... ».

*

Nol stave nuje ben di salût e di dî in dî al lave al màncul, ch'al veve intôrsi chel mâl.

Lu cjati, lu saludi e j dîs, tant par dij alc: «Ti viôt ben».

«Gambie ocjâi».

*

Lu cjati un'altre volte ch'al jesseve dal tabachin dal paîs: «Ohe, Gjgj...».

«Làssimi stâ ch'o soi neri».

«Parcè po?».

«'Acrament, 'o vevi di cjoli dôs pastiliis che mi dâl il cjâf, ma culî no àn mai nuje, no àn...».

M.

Simpri a riuart dal imperatôr di Rome Gallieno. Alore une volte un gladiatôr tal circo nol jere stât bon, dopo dis tentatîfs, di copâ il tàur che j vevin molât cuintri. Ma Gallieno j dè instès in premi une zôe. La int ch'e assisteve al spetâcul 'e scomenzà a mormorâ parvie che no capivin cemût ch'al vès podût séi premeât un bon di nuje, ma l'imperatôr ur fasè di dal so bandidôr: «Al è difizil rivâ a no copâ un tàur cun tanc' colps».

A M Ô R S

*Matie mi vai parvie
che la sô pueme Mie,
ch'al sta cun jê di uns quindis agn e plui,
j pâr che plui no vueli stâ cun lui.
«Meni», mi dîs e al vai,
«se mi bandone, guai!
Se mi bandone, jo, come ch'o stoi,
bessôl come ch'o soi,
cemût faràio a vivi?».*

*No j ài dit nie, ma chenti j 'e vuei scrivi:
Matie, se chê tô Mie
che simpri ti à slungjade la bocjade;
Matie, chel che tu sês,
che simpri a tî il lavôr ti è stât di pêș;
se chê tô pueme 'e vès di scomparî,
'ne robe sole: o lâ a cirî o murî».*

M.

(Daûr di Valerio Marziale)

CONSOLAZIONS

*Chest an il gno vignâl al è lâf mâl
parvie che la tampieste 'e à fate fieste:
sì e nò che mi à butât
la seste part dal vin dal an passât.*

*La femine, viodinmi scuintiât;
«Consòliti», mi dîs,
«'o vin pôc vin, ma 'o varin manco amîs».*

M.

Miedis

Zuanat al va dal miedi condot dal païs che j du-
lizze il fiât. Il miedi j fâs gjavâ fûr la cjamese e la mae,
lu palpe, lu scolte e al sentenzie: «'O vês sglonf il fiât.
Tocje ch'o lassâs stâ di bevi».

«Nancje chel quartut ogni tant?».

«Nancje chel quartut ogni tant».

«Nancje chel taj?».

«Nancje chel taj, s'o vês vôi di tirâle indenant».

Zuanat al è restât mâl, ma stant che al oleve tirâle in-
denant, al à dismetût di bevi, e quant ch'al lave ta l'o-
starie a fâ la briscule cui amîs al beveve cafès e analcò-
lics.

Une dì al cjate ta l'ostarie il miedi condot, chel
che j veve sentenziât di no bevi, che j domande s'al ûl
gjoldi un taj.

«No puès», j rispuint Zuanat; «mi è stât impruibit
di bevi, s'o ài vôi di tirâle indenant».

«Ma cui t'al âl dit?».

«Il miedi».

«E ce miedi?».

«Lui, siôr dotôr; no si vîsial?».

E il miedi, slungjan'j la tazze: «Zuanat, bêt. Âtu
di lâ daûr di me, tû?».

O.

Fîs di uê

Un frut al torne a cjase di scuele. «Cemût âtu fat a scuele uê?», j domande so pari.

«Ce t'interessial a tî?», j rispuint il frut.

«Màngje la mignestre ch'e je ancjemò cjalde».

«Màngjte tù, se tu âs vôi!»

Podopo al pare jù alc in premure e s'infagote di gnûf e al cjape la puarte di cjase.

«Dulà vâtu cumò?», j domande il pari.

«Là che mi pâ».

«E quant tòrnistu?».

«Quant ch'o mi sint».

Il pari alore al piart la pazienze e j berle daûr: «Va ben, ma vîsiti che se tu t'intardis di doi minûz, ti fruzzi!».

E.M.

Cui ch'al ûl lavorâ, che nol stêi a lassâsi butâ fûr dal zîr dai lavôrs, parceche di un lavôr al ven fûr chel altri, sêi pal rimpin che il prin j lasse al secont, sêi pe reputazion che ti ven dal fat di cjatâsi tal zîr; di mode che ancje a chest proposit al pò adatâsi il proverbio ch'al dîs: «Di cjosse 'e nàs cjosse».

Francesco Guicciardini. Ricordi - I. - 99

PAJADÔRS

*Beput a mì tù no tu âs nie ce dâmi.
Ce puèdial dâmi un che nol ûl pajâmi?*

M.

(Daûr di Valerio Marziale)

CURIOSITÂZ

Des bandis de citât cinese di Tianijn 'e je stade cjatade une sepulture cun 22 stànziis e quatri galarîis, lungje 40 metros.

I archèolics a' pènsin ch'e vebi 1760 agn e che si trati de sepulture plui imberdeade cjatade fin cumò in Cine.

*

La riviste «Scuola Democratica» 'e à calculât che pe Scuole taliane a' van 27.108 miliarz, venastâj il 7 par cent dal prodot nazionâl lort. Il 93,6 par cent al va in pajs e pensions pal personâl.

Un frutin di scuclute al coste al Stât 891 mil francs, un scuclâr des elementârs 904, des mèdiis 1 milion e 216, des superiôrs 1 milion e 67, des technichis 1 milion e 360, des universitâz 1 milion e 988 mil.

*

Al è propit il câs di tornâ a dî che dome a Inglês a' puedin vignî tal cjâf ciartis ideis. William Neal cun tune vascje di bagno indotade dai siêi spinêi e di un motôr a eliche al è partît di Dover par rivâ, cun tun viaz di 2.175 miis, fin a Lenin-grât.

Un altri, Mike Spring, al è bielzà rivât cu la vascje di bagno fin tes isulis Azoris viazant dome 16 dîs e fasint dome 1.250 miis. Al è di dî, però, che chest secont Inglês al à dutis dôs lis gjambis paralizadis, di prime di tacâ il viaz.



Dicembar

XII

✠ 1 S S. Eligjo
2 D AVENT ROMAN

3 L S. Franzesc Saverio
4 M S. Bărbure
5 M S. Dalmazi
6 J S. Nicole di Bari
7 V S. Ambrôs
✠ 8 S MADONE DI DICEMBAR ☺
✠ 9 D S. SIRO

10 L *Madone di Loreto*
11 M S. Damâs pape
12 M S. Zuane
13 J S. Luzie
14 V S. Zuan de Crôs
15 S S. Massimin
✠ 16 D S. ALBINE ☺

17 L S. Lăzar
18 M S. Grazian
19 M S. Dario
20 J S. Macari
21 V S. Pieri Canisio
22 S S. Franzescje Cabrini
✠ 23 D S. VITORIE ☺

24 L S. Adele
✠ 25 M NADÂL DI NESTRI SIGNÔR
✠ 26 M S. Scjefin
27 J S. Zuan apuéstul
28 V SS. Inozenz
29 S S. David
✠ 30 D SACRE FAMÈE ☺

31 L S. Silviestri pape

Decembar

- FLOREAN Bocâl... Bocâl!
- BOCÂL Ce êsal?
- FLOREAN Sastu parceche si dîs che un al à tanc' carnavâi?
- BOCÂL Par dî ch'al à tanc' agn.
- FLOREAN Ma sono dome che i carnavâi tai agn?
- BOCÂL Nò, a' son ancje lis Quaresimis, nomo Cresime?
- CRESIME Si dîs simpri che un al à masse carnavâi, no ch'al à masse cresimis. E stant ch'e je cussì, 'o savìn ce ch'al suzzèt.
- BOCÂL Ce savìno?
- FLOREAN Ce suzzèdial?
- CRESIME Che cul jéssi simpri dome che carnavâi, al ven a valê ce che nol vâl e il risultât al è ch'o vin il mont par ledrôs.
- BOCÂL Ma êsal miôr il mont par dret, ch'al sarès il to: dome lavorà, strussiâ, sparagnâ..., o êsal miôr chel par ledrôs, come il gno...
- CRESIME Bevonâ, pacassâ, slapagnâl!
- BOCÂL Ancje ufri di bevi, ancje ridi, ancje cjantâ, an-

cje olê ben 'e vite; che se no tu cjapis la vite
de bande juste, ce âstu? Jo 'o ài une cjanzuni-
te in proposit:

*Se no fossin nô Bocâi, no saressin carnavâi, a' sares-
sin dome ufiei cu lis mans in tai cjavêi.*

CRESIME 'O 'nd' ài ancje jo une:

*Carnavâi cun tanc' Bocâi,
dome cjochis, dome bâi:
dât un zîr o doi sui flancs,
vè ju fruz cui cjavâi blancs*

BOCÂL Ce ustu dî?

FLOREAN Fruz cui cjavêi blancs?

CRESIME Cun dome carnavâi, si àn dome Bocâi: al ven
a stâj omps mai cressûz.

BOCÂL Quaresimel... Al dîs il Strolic...

CRESIME Al dîs il Strolic...

STROLIC Oh ben, 'o soi jo culî cheste volte! No stait a
fâ dî a un altri ce che us va ben a vualtris.
Che i strolics e' àn almancul mil agn e no son
come vualtris che a un j va ben une robe e a
chel altri j va ben il contrari. Ai strolics ur va
ben dut il ben e mâl dut il mâl. Si trate dun-
cje di cjapâ dut il ben e parâ fûr dut il mâl.

VENTURIN Cemût vîno di fâ?

CORO Cemût?

- VENTURIN Rispuint mo tù che tu às mil agn.
- STROLIC Domandìnjal a Baltram.
- CORO Baltram?
- BOCÂL Êsal chel ch'al guide il tram?
- CRESIME Cui êsal chest Baltram?
- FLOREAN Parcè vîno di domandâ a Baltram?
- VENTURIN Parcè no a Florean ch'al sa dut?
- STROLIC Can da l'ue di Venturin, tu tiris a ciment an-
cje tù, cumò?
- CRESIME Ce sàjal Baltram plui di vô ch'o vês mil agn.
- STROLIC Baltram a 'nd' à doimil.
- FLOREAN Là êsal chest Baltram?
- STROLIC Al è partit.
- CORO Partit?
- BOCÂL Al è partit cul tram.
- CORO Cul tram?
- STROLIC Cul tram o senze tram, Baltram al è partit.
- CRESIME Partit... Ce vuèlial dî partit? Cemût, parcè
partit?
- STROLIC Parceche duc' a' lavin a domandâj la rispueste
e lui no la veve. Al veve dome che i siêi doi-
mil agn.

- VENTURIN Dome i doimil agn! E ce fâ cun chêi?
- STROLIC Can da l'ue di Venturin, tu deventis pevarin!
- BOCÂL Ma sì! Ce fâsial un cun doimil agn e il tram?
- CRESIME Qual tram?
- BOCÂL Chel di Baltram, ch'al è partît. Ustu ch'al vadi a pît ancje a doimil agn?
- CRESIME E cumò ch'al è partît, ce fâsial cui doimil agn ch'al à?
- STROLIC Al fâs l'«homo sapiens» po.
- CRESIME Ah, 'o volevi ben dî, jo!: l'«homo sapiens», e no l'«ecce homo» des cjochis, come chest Bocâl culi!
- STROLIC Co al è «sapiens» al è partît... cul tram, Baltram...
- VENTURIN Rêstino dome che i cjocs, alore, in chest mont?
- CRESIME Cul lôr rapresentant culi, il plui grant di duc'!
- CORO Bo-câl! Bo-câl!
- VENTURIN E la rispueste, alore?
- CRESIME Cemût domandâle a Baltram, ch'al è partît?
- STROLIC Mah! Jo 'o dis che le à dade cul partî, significant che co si è omps une rispueste si à di dâse di bessôi, come lui.

- CRESIME 'O ài capî! Baste cressi e no restâ fruz come Bocâl, e po, rivâz a doimil agn, partî cul tram, che i vons, a une ciarte etât, lis fameis a' son avonde intrigadis a' vêju tes cjasis.
- FLOREAN A' dîsin che, a chê etât lì, no capissin plui nuje.
- BOCÂL Bon, alore, o fruz come me, o «sâpiens» come Baltram, l'impuartant al è capî ce ch'al vâl...
- VENTURIN ... in dut chest Carnavâl.
- CRESIME E po partî contenz cul tram, o a pît...
- CORO *Cul tram, cul tram, ch'al va sunant ligriis
dal infinît tes lûs des nestris viis...*

Zuan e la mestre

Zuan al faseve il contadin e al veve la femine e tre fruz.

Il plui grant dai fruz, che si clamave Tunin, al faseve la quinte elementâr, cun scjars profit, ma al judave il pari, plui o mancûl vultât, tal lavôr dai cjamps.

Une dì di maj Zuan al spietave sul puarton sul misdì che Tunin al tornàs a cjase di scuele par gustâ e cori subite dopo tal cjamp a riscjelâ la jarbe mèdiche prin ch'al vignès il burlaz.

Ma il timp al passave e Tunin nol rivave. E alore Zuan j domande a un compagn di scuele di Tunin ce ch'al oleve dî che il so frut nol jere ancjemò rivât, e chest j rispuint che la mestre 'e veve tignût Tunin in cjastic.

Zuan dut inrabiât al còr a scuele sacramentant. Al jentre te classe di so fi e lu viôt impins daûr la lavagne, e la mestre, pacjliche, in càtedre a scrivi sul so regjstro.

«Signorine», al sbote Zuan senze dî nancje bon dì, «ce uèlial dî che Tunin a chest'ore al è ancjemò in cjastic daûr la lavagne?».

«O lu ài metût lì», j rispuint la mestre, «parceche nol saveve la puisie».

«Poben», al dîs Zuan, «se nol impare la puisie

stant tal banc, la impare màncul stant daûr la lavagne!».

E cjàpât Tunin par 'ne orele, j pete une pidade là che nol bat soreli e lu fâs cori a cjase.

A.G.

... E si ben che tun Stât nol vebi di séi nuje tant di «in-corrotto» come lis elezions e i procès, no rivi a capî parcè che chel che ju coromp cui bêt al vebi di séi condanât, e chel che invezì lu fâs cul siarvîsi da l'eloquienzie al vebi di jéssi adiriture laudât. A mì mi pâr che chel ch'al rive a corompi il judiz cu la sô peraule si compuarti piês che no chel che lu coromp cui bêt, e chest parvie che nissun nol pò corompi cui bêt un onest, adulà che invezì cu la peraule lu puès.

Marco Tullio Cicerone. Lib. V - IX

TABELE

BON FINIMENT

E

BON PRINZIPI

Federbui (Lele Carrara)	pag. 7
Zenar	11
Cunzio (L. C.)	14
Cenot per Dino (Alati-Duca)	15
Truemanis (A.B.)	16
Fa da chio (C.)	18
La carità (Trivini)	21
Tal ospedal (O.)	22
La biscele (Neri)	23
Feyn	29
Curiosità (L. C.)	32
Stella (M.)	33
Coprodici (M.)	34
Spontane (M.)	36
Pignoramenti (O.)	37
Madama de la stragada (Novela Carrara)	39
Carità criminale (T.)	44
Mari	47
Curiosità (L. C.)	50
Proteste (Luigi Scattone)	51
Magnolia (G.)	54
Ridi (M.)	55

TABELE

Preàmbul (Lelo Cjanton)	pag.	7
Zenâr	»	11
Curiositâz (L. C.)	»	14
Corot par Dino (Alan Brusini)	»	15
Tresemanis (A.B.)	»	16
I ûs de dîndie (Opa)	»	20
La caritât (Trilussa)	»	21
Tal ospedâl (O.)	»	22
La biciclete (Meni)	»	23
Fevrâr	»	29
Curiositâz (L. C.)	»	32
Sieltis (M.)	»	33
Cjazzadôrs (M.)	»	34
Sposalîzîs (M.)	»	36
Pignoramenz (O.)	»	37
Madona da la stangiada (Novela Cantaruta) ..	»	39
Caritât cristiane (T.)	»	44
Marz	»	47
Curiositâz (L. C.)	»	50
Proteste (Luzie Scoziero)	»	51
Mîngulis (O.)	»	54
Ridi (M.)	»	55

Fruzzons (M.)	pag.	57
Riflession (M.)	»	59
«Il zio Giovanni»	»	60
Avril	»	65
Pasche (Glovaz)	»	67
Pasche (Meni)	»	69
Curiositâz (L. C.)	»	72
Relativitât (M.)	»	73
Mingulis (D.)	»	74
Viarte dal gno paîs (Dino Virgili)	»	75
Fruzzons (M.)	»	77
Orelis (Uarbite)	»	80
Maj	»	83
Curiositâz (L. C.)	»	86
Il sfuei di cent (T.)	»	87
Fruzzons (M.)	»	89
Amôrs (M.)	»	93
Jugn	»	97
Censiment da l'agricolture 1982 (U.)	»	99
Curiositâz (L. C.)	»	102
A ognun il so (M.)	»	103
Furlans in Russie (A. B.)	»	105
Francesco Petrarca	»	107
Amadio «Ama il prossimo» (Ermes Munini) ..	»	108
Luj	»	111
Gnot sul Tajament (Pier Giorgio Manucci) ..	»	114
Savê compuartâsi (A. B.)	»	115
Diari (M.)	»	117

Curiositâz (L. C.)	pag. 118
Furtunis (O.)	» 119
Barbe Cricjo (A. P.)	» 121
Fruzzons (M.)	» 124
Pioris (Mario Argante)	» 125
Paternitâz (M.)	» 126
Avost	» 129
Fruzzons (M.)	» 132
In fêriis (M.)	» 133
Diari (M.)	» 134
La «sprite» (Eddy Bortolussi)	» 135
Diari (M.)	» 137
Scais (Vico Bressan)	» 139
Il gno viaz (Giovanni Maria Basso)	» 141
Curiositât (L. C.)	» 142
Tresemanis (A. B)	» 143
Setembar	» 147
Fum (O.)	» 150
La Passion (Alviero Negro)	» 151
Otubar	» 165
Curiositâz (L.C.)	» 168
Siôr Gjulio, Zef e i llios (Aldo Gallas)	» 169
Bugadis (E. B.)	» 170
Turìsim (M.)	» 172
«Na bossa gualiva» (Renato Appi)	» 173
Il zesâr (M.)	» 177
Novembar	» 183
Compris (M.)	» 185

Curiositâz (L. C.)	pag. 186
«Er marito che rinvia» (T.)	» 187
Mingulis (O.)	» 188
La reson (M.)	» 189
Chês di Gjgj (M.)	» 191
Amôrs (M.)	» 193
Consolazions (M.)	» 194
Miedis (O.)	» 195
Fîs di uê (E. M.)	» 196
Païadôrs (M.)	» 197
Curiositâz (L. C.)	» 198
Dicembar	» 201
Zuan e la mestre (A. G.)	» 207

Finît di stampâ là de G.E.A.P.
a Pordenon
sot Sante Catarine
dal 1983

RENATO APPI
directôr responsabil

*

MENI UCEL
redatôr

*

Comitât di redazion

RENATO APPI
LELO CJANTON
MANLIO MICHELUTTI

gubana DORBOLO

S. PIETRO AL NATISONE (UD) ITALY



**IL DOLCE TIPICO
DELLE VALLI
DEL NATISONE**

DITTA E DORBOLO E F.LLI S.N.C.
S. PIETRO AL NATISONE (UD) ITALY
TEL. 727052

Laura

Confezioni - Filati - Maglierie

**VIA MANZONI 13 - TEL. (0432) 731229
33043 CIVIDALE DEL FRIULI**

Marino Palma

Abbigliamento - Confezioni

**PIAZZA A. PICCO - TEL. (0432) 731275
33043 CIVIDALE DEL FRIULI**

VIDUSSI

TESSUTI

CONFEZIONI

ARREDAMENTI


SPORT - PELLICCERIA

VIDUSSI

**33043 CIVIDALE DEL FRIULI - PIAZZA A. PICCO
TELEFONO (0432) 730051 - 730052**



**Banca Popolare
di Cividale**



Ricambia la tua fiducia.



VITRUM

S.r.l.

*Porcellane - Mobili in stile
Posaterie - Argenterie
Articoli casalinghi
Cristallerie*

PIAZZA MATTEOTTI, 10 - UDINE - TELEFONO (0432) 22358

Dovete fare acquisti in cartoleria?

**Noi abbiamo quasi tutto
e spesso anche molte cose in più**

**(per esempio una sala di esposizione
con almeno 3.000 idee regalo)**

**CARTOLERIA
BENEDETTI**

33100 UDINE - Via Mercatovecchio, 13 - Tel. (0432) 22534

***I VOSTRI PROBLEMI
QUOTIDIANI
LI CONOSCIAMO BENE.
E LI RISOLVIAMO.***

EFFICIENTEMENTE



**Cassa di Risparmio
di Udine e Pordenone**

AL TUO SERVIZIO DOVE VIVI E LAVORI.



S.p.A.

UDINE - V.le XXIII Marzo, 34
Tel. 0432/206056-22253-22131

UN MAGAZZINO AL VOSTRO SERVIZIO

*... e da GENNAIO, potrete attrezzare
la Vostra officina casalinga spendendo
da L. 500.000 a L. 8.000.000, in comode
rate mensili, dilazionabili fino a 5 anni.*

Birreria Moretti Stazione

RISTORANTE - TAVOLA CALDA - PIZZERIA

UDINE - Viale Europa Unità, 69
(di fronte alla Stazione F.S.)
Telefono (0432) 293897

**TRADIZIONE
FIDUCIA
PROGRESSO**

**non è soltanto
uno slogan
ma il nostro modo
di essere
e di operare**

BANCA del FRIULI

società per azioni



**Libreria
Friuli
UDINE**

**Largo dei Pecile, 7
tel. 21102**

**LIBRI
DI OGNI TIPO
E CATEGORIA**

**TESTI
SCOLASTICI
E
UNIVERSITARI**

AFA PUBBLICITA'

AGENZIA DI PUBBLICITA'

33100 UDINE - VIA DEL CARBONE, 1 - TEL. 0432/22324

PUBBLICAZIONI PROPRIE

ORARIO AUTOBUS URBANI DI UDINE

LE VIE DI UDINE

UDINE IN TASCA

PIANTA DI UDINE

LE VIE DELLA REGIONE FRIULI-VENEZIA GIULIA

UDINE MILLENARIA

PUBBLICAZIONI IN CONCESSIONE

ELENCO QUINDICINALE PROTESTI CAMBIARI

(edito C.C.I.A.A. di Udine)

BOLLETTINO UFFICIALE

(edito C.C.I.A.A. di Udine)

PREZZI INFORMATIVI OPERE EDILI

(edito C.C.I.A.A. di Udine)

IL COMMERCIO FRIULANO

(edito dall'Ass. Commerciali di Udine e Pordenone)

OSPITALITÀ FRIULANA

(edito dall'Unione Esercenti di Udine)

IL PUNTO

(edito dalla Giuliapress)

STELUTIS ALPINIS

(edito O.U.E.I. Udine)

STELE DI NADAL

(edito Arti Grafiche Friulane)

STROLIC FURLAN


(edito dalla Società Filologica Friulana)

LA PANARIE

(edito da «La Nuova Base»)

**TELEFONATE AL 0432/22324. I NOSTRI INCARICATI
SONO A VOSTRA DISPOSIZIONE PER PREVENTIVI,
CONSULENZE, REALIZZAZIONI.**

DE ROSA



*Costruzioni
Riparazioni
e
manutenzione
Ascensori
Montacarichi
Montavivande*

33100 UDINE

Via
Sabbadini, 66

Telefono
(0432) 35371

Furlans

a Vignesie us spiete la

TRATORIE DE COLOMBE

San Marco 1665 - Telefono (041) 23817-21175

e l'ALBERGO BONVECHIATI

San Marco 4488 - Telefono (041) 85017

Telex 410560 BONVEC I

di GIOVANNI DEANA paron furlan

Pubblicità a cura di: **AFA PUBBLICITA'**

Via del Carbone 1 - 33100 UDINE - Tel. (0432) 22324

